

DE PRINCIPLE,
DE MAIESTA-
TE, AC PRIVILEGIIS
EIVS: PROINDE ET DE
Lege Regia: Commentatio Iuridico-
Politica, & Historico Iuridica:
Capitulis duobus di-
stincta;

IN QVORVM PRIMO DISSE-
ritur, an populus Romanus per Legem Regiam o-
mni sua potestate ac maiestate seipsum priuarit:
In secundo an Reges sint supra Leges: adeoque
an Princeps Lege Regia vel alia qua-
cunque, legibus solutus &
quibus.

QVIBVS ACCESSERVNT NONNVLLE
de eadem materia Diatribæ: item Synopsis quædam
de Rep. seu Imperio, tum in genere tum in specie de
Imperio Romano, eiusq; præcipuis periodis
& mutationibus.

*Ad eminentissimum ac præcellentissimum huius ævi
I. C. D. Dionysium Antecessorem lectissimum,
factorem & amicum.*


A V T O R E

Ioan. Calu. I. D. Academiae Heidelberg. Profefs.

FRANCOFVRTI,

Typis Sigismundi Latomi, impensis Ioan. Theo-
baldi Schönvvetteri.

M, D, C.



CLARISSIMO AC
PRAESTANTISSIMO

viro, Dn. Dionysio Gothofredo,
Iurisconsulto lectissimo ac ce-
leberrimo, fautori
& amico,

S. P.



*In nobilis & antiqua: Claris-
sime ac celeberrime Dn. Go-
thofrede: sic ardua, vel satis
certe vexata, ut tute rectius
nosti, quaestio est de Lege Regia; Vtrum sci-
licet populus Romanus per eam omni sua po-
testate, Imperio, ac Maiestate se ipsum priva-
rit: deinde & imprimis, utrum Princeps
per eandem, vel quam aliam, legem legibus
solutus fuerit, & quibus, & quatenus. V-
tramque iuridice nonnulli; alij politice ac
philosophice; quidam vel hoc, vel isto mo-
do, simul tamen & historice, pertractarunt.
Mihi singuli quidem isti, sed simul iuncti
tamen potius probantur modi: quippe ut sic
tanto commodius & quaestio ab hypothesi
ad thesin traducatur, & res ipsa è principiis
sui cuiusque generis enucleatius percipiatur.*

EPISTOLA

Ad quam disquisitionem nonnihil studij,
 ut vides, cōtuli: ac simul interim aliud qua-
 si agēs precipuas quasdam de proposita ma-
 teria leges inter se collatas explicui: tuam,
 in posterioris præsertim questionis enoda-
 tione, sententiam secutus. Neque enim illa
 seu Maiestatis, seu Principis, per legibus so-
 lutam concepta potestatem definitio sat Lo-
 gica videtur. Atque ut cætera mittam; sane
 qui se legibus subiecit (quippe legis conscien-
 tia, & rationis naturalis, impulsu, ac ne-
 cessario veri pudoris, & honestatis, quin &
 utilitatis publicæ, tuenda intuitu) is potē-
 statem legibus solutam non obtinet; is, in-
 quam, legibus solutus non est. At Maiestae
 seu Imperator legib. se subiecit, l. digna vox.
 C. de ll. cum similib. Et hoc merito quidem,
 ipsomet Imperatore teste, cū nihil tam pro-
 priū Imperij sit, quam legib. vivere, l. 3. C.
 de testam. Ergo potestatem legibus solutam
 non obtinet, &c. Deinde lex Imperij non le-
 gibus ipsis, sed solennibus legum, Imperato-
 rem soluisse dicitur d. l. 3. Et hinc nimirum
 actus ab ipso Principe, vel coram Principe
 celebratus solennitates iuris non admodum
 desiderat; imo præsentia illius supplet omnium
 solen-

DEDICATORIA.

solennitatum defectus, l. omnium, & ibi Dd. C. de testam. Corras. 2. misc. ult.

Atqui nonne obstat l. Princeps, de legib. ut plerisque, videtur. Haud equidem ἀτόπως, inquā, Cuiacius, antiquitatis solertiſſimus indagator, ex epigraphē d. legis Princeps, solutionem obiectionis istius depromit; nimirum Principem d. lege caducariis tantum legibus solutum reputans, ceteris nō item. At Iustinianus, aiunt, ab omnibus Imperio Romano subiectis ciuibus iam dudum remouit leges caducarias per l. unic. C. de cad. toll. quod vero cunctis indultum est, id Principi priuilegij loco soli tributum asserere, ἀτόπων. Remouit, aio, idque nec ignorat, neque negat Cuiacius: sed longissimo post latam istam legem Princeps, interuallo remouit; ac tandem commune fecit, quod antea Principi peculiare fuerat. Ergo legem Princeps, in Digestis posuisse non decuit, ais. Imo vero nec ipse Iustinianus, sed Tribonianus, vel Dorotheus, &c. posuit. 2. Veruntamen ipse posuerit: quid tum? nonne & sexcētas pene alias in Digestis posuit, quas in Institutis & Codice; quin & crebras in Codice, quas iterum iterumve in Nouellis retractauit. Certesi

EPISTOLA

hodierna hæc tempora & iura nostra spectemus (quæ & spectare debemus: quid enim ad nos iã olim peritus abolita sanctiones?) Princeps seu Imperator Romanus legibus sese usq; adeo submitit, vt sine assensu Statuum Imperij, leges nec condere, nec conditas abolere sustineat: quandoquidem Statibus, seu Ordinibus Imperij vniuersis in vnum collectis, iuxta Auream Bullam & sanctionem Imperij se submittere dignatur. Sed quid ego hac ad te? præcellentissime Dn. Gothofrede: nimirum vt intelligas, quanti faciam, vel potius quantopere colam, egregias illas, quibus altissimus affatim te instruxit, dotes ac virtutes, insignem eruditionem, literatissimam pietatem, eximiam humilitatem & humanitatem, singularem erga piarum musarum cultores, bonosq; ac literatos viros, tum iuuandos, tum exornandos, amorem ac promptitudinem: deinde quoque, vt intelligas, quanti non minus quã alij & ipse faciam accuratas illas tuas, & omnibus legitimum studium sectantibus vtilissimas in totum Iuris Ciuilis Corpus notas: deniq; vt & his ipsis de causis meo loco aliquatenus erga te gratum me declarem: cum præsertim
 tuam

DEDICATORIA.

tuam potissimum in proposita, Num princeps legibus solutus sit, questione sententiam secutus sim. Mitto igitur ad te Clarissime Dn. Gothofrede, leuidentse hoc munusculum literarium, Amplissimo Nomini tuo dictum; mea erga te observantia testimonium; atq; istud aequi bonig, vt consulas, ac me studiaque mea tibi commendata habeas, enixe oro. Iehoua sacrosancto Spiritus sui praesidio te tuosque tueatur. Heidelbergæ è Museo meo.

Excell. T.

omni studio

Deditiss.

*Iohan. Calvinus W.
Academ. Heidel:
Profess.*



Es publica recte constituta (nempe inter Christianos) ea demum sola est, quæ ad Dei gloriam, & communem populi salutem, iuxta rationis rectæ prudentiam, & vniuersalem iustitiam, legi conscientię à Deo ipso cordibus hominum insculptæ, ac in Decalogo renouatæ, conformatam, à bono Principe constituta est.

Iustitia vniuersalis, est habitus voluntatis: At iustitia legis conscientię non est habitus voluntatis: sed efficax facultas conscientię, iusta agnoscentis ac præcipientis: à qua habitus iste, prudentia comite, pendet ac regitur.

Princeps generatim acceptus, est penes quem solum in Republica, summa rerum potestas est; quam Maiestatem nuncupamus. *Dn. Vult. in comment. Instit. ad §. sed & quod. 7. num. 1. de iure nat. gent. & r. Iuriss. R. 12. nu. 20. 23.*

Maiestas enim Deo, deinde principibus, imperatoribus, ac regibus competit, *Donell. 19. comment. Iur. civil. cap. 8. §. 2. in princip. Vult. in d. commentar. ad §. publica autem, 3. num. 4. & 7. de publ. iud.*

Maiestas Principi competens, est suprema & perpetua in quavis Republica potestas, nullis vilius alterius Reipublicæ propriis legibus aut imperiis subiecta.

Princeps autē & Maiestas sæpius pro eodem sunt, nempe modo pro suprema supremi in Republ. regiminis potestate: modo pro persona potestate tali prædita; præsertim in Monarchia; quadantenus etiam in Aristocratia & Democratia, vbi Princeps numero multiplex, sed τὸν λόγον seu ratione non nisi vnus ac simplex. *Dn. Vult. d. c. 12. num. final.*

Atque hic Princeps generatim acceptus est: quippe
seu

seu bonus ac verus, seu malus. Sed in politicis princeps seu Monarcha tyranno opponitur: ideoque non nisi verus, bonus, ac pius intelligitur.

Princeps verus ac bonus (Reipub. recte constitutæ analogice correspondens) est qui ad Dei gloriam, & communem populi salutem, iuxta rationis rectæ prudentiam, & vniuersalem iustitiam, legi conscientia consentaneam, Rempub. moderatur, ac maiestatem suam defungitur.

Proinde Maiestas veri ac boni principis, est suprema eius ac perpetua, nullisq; vllius alterius Reipub. propriis legibus aut imperiis subiecta potestas, qua is omnia prudenter ac iuste, i. e. secundum rationem rectam, iustitiam, & legem conscientia, in Repub. regit ac moderatur. In vero pioque Principe Dei gloriam, & communem populi salutem, omnino præsuppono inter Christianos. His præmissis ad rem ipsam accedamus.

Princeps legibus solutus est: & quod Principi placuit, legis vigorem habet: nempe per l. Regiam, qua Populus Romanus omne suum ius, omneq; imperium ac potestatem Principi & in principem contulit: ait *Vlpianus in l. Princeps. 31. de legib. & in l. 1. in princ. de constit. princ. atq; ex Vlpiano Tribonianus in §. sed & quod principi. 6. in prin. instit. de iur. nat. gent. & in l. 1. §. 7. C. de veter. iur. enucl. item in constit. de conceptio. Digestor. §. 7. adde l. 3. C. de testamentis, l. 4. fin. de manumissio. l. unic. circ. fin. C. de caduc. toll. l. 23. de legat. 3.*

Verum enim vero dubitatur in hac questione, ac certe non sine ratione, 1. de facto, 2. de iure & æquitate facti, ac ipsius legis Regiæ. De facto quidem: An & quando, à quibus, quo modo, quo sensu, sine, & effectu, Lex illa Regia sit lata, item promulgata, itemque usu recepta & constabilita. De iure autem & æquitate facti, h. e. ipsius legis Regiæ: An, si lata,

promulgata, vsuque firmata fuerit, prudenter etiam iusteque & recte lata, promulgata, vsuque firmata; & ita populus Rom. omni sua potestate ac Maiestate omnino priuatus, Princeps autem solus ea ornatus, ac reuera, simpliciter, & indistincte legibus solutus fuerit; & quibus, quando, quomodo, & quatenus: adeoque in thesi, An in laudata veraque, h. e. prudenter ac recte constituta Repub. princeps legibus (præsertim scriptis ac ciuilib.) solutus. Quin etiam, An aliqua sit vllius Principis seu Maiestatis mere absoluta, legibusque soluta potestas, in Repub. prudenter & accurate pieque constituta. De quibus singulis deinceps suo loco.

C A P. I.

An populus Romanus omne suum ius, Imperium ac potestatem, adeoque & Maiestatem, Lege Regia in Principem contulerit, & ita præsertim, vt singulis istis semetipsum priuaret.

IN Iurisprudencia Romana Leges Regiæ dupliciter apparent generis: primi quidem illæ, quæ in Regio Politicæ Romanæ Statu latæ, in populari seu Democratico (statu) rursus abrogatæ fuerunt. Secundi vero illa, quæ sola κατ' ἐξοχήν LEX REGIA in lure nuncupatur: qua populus Romanus omne suum ius, imperium ac potestatem, adeoque supremam Imperii Maiestatem totam, principi & in Principem contulisse, ipsumque legibus soluisse, secundum paulò ante prolatis leges, perhibetur: recte ne an secus, infra patebit.

Lex Regia καὶ ἐξοχὴ dicta, alio nomine lex Imperii (vt plerisque placet) ab Alexandro in l. 3. C. de testam. appellatur, eo quod de summo Augusti aut Vespasiani Imperio (vt vulgo creditur) lata fuerit: item LEX AVGVSTI à paulo Iuriconsulto in fin. l. 14. de manumissio: eo quod sub Augusto Imperatore vel lata, vel renouata: & AVGVSTVM PRIVILEGIUM, Cuiac. Recitat. ad l. 5. col. 10. de iust. & in Recit. ad t. C. de testam. col. 18. vbi Lex Imperii (ait) est ea, quæ primum Augusto detulit Imperium, eumque legib. soluit, teste Dione libr. 53. vnde & Augustum priuilegium dicitur l. uni. §. antepen. C. de caducis toll. hæc ille (quanquam Augustum istud Principis priuilegium in d. l. vnic. speciale magis videtur de solis caducariis legibus, de quibus & solis Vlpianus, Cuiatio teste, egit, cum principem legibus solutum pronunciarer, de quo est l. princeps. de legib.

Dissent. præstantissimus Vult. in comment. Instit. ad §. sed & quod principi. 7. nu. 5. de iur. natural. gent. qui in modo d. Alexandri rescripto legem Imperii, item in d. l. 14. legem Augusti, non interpretatur legem Regiam in specie seu καὶ ἐξοχὴ dictam, vt alii, quæ de Imperio principis peculiariter lata sit: Sed potius legem regiam in genere, h. e. ius regium, ius Imperii seu principatus, quo ipsum Imperium constitutum est: ius quod imperium regium principi tribuit eo ipso quod princeps est, qui scil. nulla re distat à Rege, nisi nomine (regis enim nomen tandem perinuisum Romæ erat) vt ita lex Augusti, ac lex Imperii seu principis sit, non quæ peculiariter ac specialiter de Imperio principis lata fuerit, sed quæ Augusto, h. e. Imperatori, absolutum arbitrium ac voluntatem concedat ex generali Imperatoris aut regis natura & forma, h. e. eo ipso q̄ rex, vel princeps, vel Imperator est, supremo quippe imperio ac potestate præditus

præditus, nullique, nisi DEO, subiectus: quod Imperium, inquam, & quam potestatem supremam princeps ex eo iure habet, quo princeps est, h. e. ex iure gentium, quod primitus communi omnium gentium consensu de persona, potestate, & officio principis aut Regis constitutum fuit. confer D. Vlt. d. n. s. *Et i. Iurisp. R. 12. num. 40.* à quo plerique omnes dis-sentiunt.

Ac vel hinc liquet, esse discrepantes Doctorum de hac quæstione sententias. Nonnulli enim ex eruditioribus Legem illam Regiam, quæ Cæsarum præsertim tempore lata, vel renouata dicitur, non diffimilem donationis Constantini Magni, quam is Sylvestro Pontifici fecisse perhibetur, existimant: hoc est, negant ullam vnquam Legem Regiam de principis Imperio peculiariter latam fuisse, sed constituto tandem apud Romanos Imperatoris seu Principis Imperio, ex consequenti Legem Regiam, hoc est, ius principi, tanquam Regi, Imperium Regium tribuens, affirmant in Principem per se collatum censi debere ac debuisse: hoc ipsum v. ius regium initio communi plerarumque omnium gentium consensu introductum & usurpatum, adeoque & in libro populi Dei (*vid. i. Samuel. 10. v. 25.*) descriptum fuisse: vt ita Romani illud ius, seu istam iuris regii legem, vel ab aliis gentibus; vel à populo DEI, mutuatam ac repetitam acceperint, eamque non latam (vel certe non promulgatam) sed ad exemplum populi DEI, aut aliarum gentium usurpatam: cui equidem coniecturæ, incertitudo temporis suffragari videatur: cum hætenus ex historiis certo statui non potuerit, quo tempore lex ista Regia solenniter ac nominatim à Romanis lata fuerit. *De. Vlt. d. num. 5. ac 6. 2.* Alii v. mox ab initio vrbis conditæ à Romulo, vel à successoribus eius, Legem istam latam: sed postea expulsis Regibus vna cum aliis legibus regis abro-

abrogatam, tandem autem sub Cæsaribus eam reuocatam existimant 3. idque rursus secundum nonnullos tempore Augusti, 4. secundum alios tempore Vespasiani, 5. secundum cæteros, tempore Augusti non reuocatam, sed primò latam, sub Vespasiano autem reuocatam. 6. Et hic rursus alii à populo, alii ab ipsis Imperatoribus latam aut reuocatam: eo quod populus nullam legem regiam de principis Imperio ferre potuerit. 7. Alii denique legem Regiam eam fuisse autumant, quæ ad Iulij Cæsaris Dictaturam pertinuerat, qua is, populo volente, à Senatu legibus, extra ordinem solutus fuit, h. e. imperium illi summum extra ordinem datum, eatenus ac propterea, ut videl. Remp. labascentem constitueret: qua deinde lege, quoque imperio sequentes etiam principes uti voluerunt.

Quam sententiam Dn. Bernh. Copius, Philosophus, historicus, ac Iurisconsultus præstantissimus tuebatur. In tanta opinionum varietate quid certè firmiter statuere possis, haud facile inuenias.

Si Vlpiano in l. 1. in princ. de constitutio. prin. ac Triboniano in §. sed & quod principi, 6. in princ. Instit. de iur. natural. gent. & in l. 1. §. 7. C. de veter. iur. enucl. item in constit. de conceptio. Digestor. §. 7. fidem habeamus, lex Regia, 1. de Principis Imperio lata fuit 2. idq; sub Cæsaribus, quia de principis, hoc est, Cæsaris seu Imperatoris, imperio lata: 3. & à populo quidem Romano, non ab Imperatoribus ipsis, lata, 4. quando quidem populus Romanus per legem Regiam omne suum ius, omneque Imperium ac potestatem principi & in principem contulit, secundum modo dd. leges. Sed de his singulis nunc paulatim plenius dispiciamus.

Lex Regia (si originem omnino primam spectes) non Octauii Augusti tempore primo, sed mox ab initio urbis Romæ sub Regibus lata, verum postea expulsis

expulsis Regibus, vna cum aliis legibus Regiis abrogata, l. 2. §. 2. 3. *de orig. iur.* tandem vero sub Augusto, cæterisque Imperatoribus (Vespasiano præcipue) rursus postliminio quasi reuocata (id est per vim ac fraudes extorta) idque sub alio quàm Regiæ legis nomine vel prætextu; nec tamen ab illis omnibus, & in omnibus, sed à ferocioribus principibus magis usurpata: Non Augusti, inquam, tempore primo; sed mox ab initio vrbs Romæ sub Regibus lata) vt diserte ostendunt verba Iustiniani d. l. 1. §. 7. *C. de veter. iur. enuc. & d. constit. de concepi. Digestor. §. 7.* Vtrobique enim dicitur, Antiqua lege, quæ Regia (non nuncupatur, sed) nuncupabatur, scilicet antiquitus omne ius, omnisque potestas populi Romani in Imperatoriam translata sunt potestatem. Lex Regia, lex antiqua, vna cum ipsa vrbe nata, ait *lib. Histor. 34.* Liuius: quia Romæ, vt, & in omnibus aliis gentibus antiquis, primum præfuit Regalis potestas. Origo quippe Regni antiquior est, quàm vel Dominationis vniuersi populi, vel Dominationis optimatum, *Cuiac. in Recitat. solennibus ad l. 1. colum. 9. de iust. & iur.* Deinde idem quoque ostendit ipsa vox, REGIA LEX: Historiæ namque fide digniores asseuerant nomèn Regis & Regiæ legis ac potestatis, Populo Romano post Reges exactos pètinuissum semper fuisse, adeo quidem, vt nullus vnquàm deinceps Magistratus Romanus, nisi extremo vitæ periculo, Regiam istam Legem rogare, Regiamve potestatem affectare, ausus fuerit, vt ex Liuiio, Cicerone, & aliis, passim apparet. Vnde & Iulius Cæsar, cum potestatem Regiam affectare ex coniecturis tantum nonnullis deprehenderetur, pletisque omnibus Romæ propterea inuisus fuit redditus, ac multis tandem vulneribus confectus ac trucidatus. Itaque Iulij Cæsaris & Augusti tempore nomen Regis ac Regiæ Legis & potestatis

itatis comprimis vehementer exosum fuisse constat.

Ut ita minime omnium verisimile sit, populum Romanum isto tempore ullam talem Legem Regiam ultro ac sponte, manifeste, solenniter ac diserte (ut fieri equidem oportuit, si lex ista tam serio quondam abrogata, & postea semper execrabilis habita, vim ullam habere debuit) vel tulisse, vel renouasse; atque ita sese omni Imperio, iure, ac potestate (quippe his omnibus ac singulis in Imperatorem penitus collatis) tam imprudenter dispoluisse. Imo vero non tam Populus Romanus istis temporibus Principem seu Imperatorem eligebat, eiq; imperium tradebat, quam perpetuis bellis (ut historiae satis testatum faciunt) debilitatus & fractus, variiq; technis ac fraudibus circumuentus, pati equidem inuitus cogebatur, ut modo Senatus, modo exercitus militaris, modo plebs tumultuans, Imperatorem eligeret, eique imperium traderet. Ita Vespasianum (cui tamen supremum legibusque solutum Imperium illa ipsa lege Regia primum omnium concessum à multis perhibetur) ab exercitu Mœsiaco electum, ex Suetonii Vespasiano c. 6. constat: Alexandrum autem Severum (cui Vlpianus, legem Regiam imprimis trepans, à consiliis fuit) non à populo, sed à senatu electum, ac populo pro Imperatore persuasum, ex Lampridio satis liquet. 4. Quin etiam Imperatores ipsimet istis temporibus (velut de Augusto notum) aut successionem, aut nescio quo alio colore imperium inuadebant: quod postea non populus Romanus, sed vel Senatus, vel exercitus, vel quidam in plebe tumultuantes, quasi confirmarunt (tantum abest, ut populus Romanus ultro ac sponte, solenniter ac diserte, Legem Regiam sancierit, sibi que suum ius, imperium ac maiestatem, à conciuibus suis adimi, æquo animo tulerit.)

Atque

Atq; ita nimirum populare imperium cum Cæsareo & tanquam Regali quodam misceri cœpit, sicut ex Suetonio, Spartiano, Lampridio, aliisque historicis, qui de Viis Cæsarum scripserunt, perspicue apparet.

Quare lex ista, quam Vlpianus ac Tribonianus sub Cæsaribus latam perhibent, ac Regiam appellant (quod Historiæ pleræque omnes penitus ignorare videntur) à populo Romano (si tamen is eam tulit) citra controuersiam non Lex Regia, sed Lex Imperii, lex Augusti, vel quo alio nomine appellata fuit, Regia tamen ab aliis dicta, quia priscam legem Regiam imitata, vel ex eadem transcripta.) Nam vna cum Regibus exactis, nomina quoque tum Regum ipsorum, tum legum Regiarum, Romanis vehementer exosa, ideoque semel ac perpetuo non sine magna execratione à Republica profligata fuerunt; vt ex Liuiio, Suetonio, Cicerone, & aliis passim apparet. Vnde & Monarchæ Romani neutiquam Reges, sed principes, Cæsares, Augusti, Imperatores, dici voluerunt. Vnde Suetonius crimina Caligulæ notans: *parum absuit, ait, quin principatus speciem (formam) in Regum conuerteret, capitiq; diadema circumponeret.*

De tempore, quo sub Cæsaribus Regia illa priscorum Regum lex reuocata fuerit, si quaeratur; Octavius Augustus Iulii Cæsaris, patris adoptiui, Monarchiam seu Dictaturā (id est, Tyrannidem) perpetuā affectans, legem Regiam (vt plerique arbitrantur) primus ex Imperatoribus callide à Senatu extorsit, primus in vsum reuocauit, primus vsurpare cœpit; idque anno Imperii sui à victo Antonio collega, septimo vel octauo, vt nonnulli ex Dionis Cassij *libro 51. & 53.* exinde colligunt, quod is (Augustus) eo anno legibus solutus fuisse perhibetur. Atq; ita sub Octauio Augusto lex ista primum reuocata: sed tandem

dem post multa temporum interualla sub Vespasiano Imperatore denuo repetita & renouata fuit: id quod ex vetusto quodam eius rei monumento (cuius verba æneæ tabulæ incisa) quod hodierno adhuc die Romæ in Capitolio perspicitur, plerique probant: de quo & Baro *ad l. Princeps. de l. obiter* aliquid attingit. Sed hætenus An, & quando, & à quibus Lex Regia dicatur lata & renouata. Nunc porro an legitimo fine ac modo rituque decente, lata, impetrata & acceptata: itē quo sensu lata; cone, vt Populus Romanus ea lege, à semetipso omni iure, Imperio, potestate ac Maiestate sua priuatus: Princeps vero solus iis vniuersis & singulis ornatus, ac legibus omnimodo solutus esset? imo & in thesi, an verus princeps vlla quacunque lege, vlloue modo simpliciter, absolute & indistincte legibus solui possit.

Quæ singula vt enucleatius percipiantur, res tota paulo altius ex historis repetunda fuerit; è quibus satis patebit, quod Augusti ac cæterorum Principum in ista lege ferenda vel acceptanda, causa finalis & impulsiva fuerit, non publica populi ac Reipublicæ prosperitas, sed priuata scælicitas & authoritas, omnique lege soluta dominandi libido ac voluptas.

Proinde tametsi Vlpianus & ex eo Tribonianus supra dictis locis principem aiunt legibus solutum per LEGEM REGIAM, qua populus Romanus omne suum ius, omneque Imperium ac Maiestatem principi & in principem contulerit; historiæ tamen fide digniores istam legis Regiæ lationem vel penitus ignorant, vel non aperte ac solenniter vniuersoque populo rite congregato & interrogato, vnanimiter consentiente (vt omnino oportuit) factam indicant: Tacitus sane *Annalium s. 10. um m. 110.* & *alibi*, Dion *lib. 53.* Suetonius in *Augusto cap. 8.*

p. 10. 11. 12. ac præsertim 26. in princ. 28. in princ. 47. in princ. idem Suetonius in *Tiberio passim*. ac præsertim ca. 30. aliiq; non pauci historici, si quis recte attendat, rem paulo secus de ista Imperii ac Maiestatis in principem translatione legumque solutione videntur enarrare: nempe populum Romanum non ipsum eē ultro ac sponte, multo minus vnanimiter, aperte ac solenniter, tantam Imperatoribus concessisse potestatem: sed hanc eos ad se partim donis & largitionibus, partim dolis & fraudibus, simulationibus ac dissimulationibus assiduīs, partim vi & armis, variisque blandimentis, technis ac persuasionibus, callide ac versute ad se transtulisse: ac sensim non populi solum, sed & consulis, & censoris, & pontificis maximi, & Tribuni, & prætoris dignitatem, ac iuris dicendi functionem, omniumque tandem Magistratuum munera sibi assumpsisse. At certe si lex totius populi rite ac solenniter congregati, & interrogati, vnanimiter consentientis, conuentio quædam & pactio erat, sicut omnino erat: ac proinde in iis, quæ vi & co-actio per dolos ac technas, simulationes ac dissimulationes versutas exprimuntur, consensus omnino nullus est: Regia illa lex vera vtique & sancta lex neutiquam fuerit: cum populus Romanus reuera, non tam per illam concesserit vnanimi consensu & conuentione potentiam suam Principi, quam hæc se sub excogitato istius Regiæ legis prætextu callide spoliari magno suo dolore passus sit: aut certe si ipsemet concessit, non omnimodam equidem indefinite & indistincte concesserit; præsertim cum paulo ante Iulium Cæsarem insolitam in Republica, & quasi Regiam seu Imperatoriam potestatem paulatim affectantem tot vulneribus misere confecerit & macerit: vide *Connar. l. con. ment. 10.* & *historiam illius seculi*, adde *l. 1. ff. ad l. Iul. Maiest.* ubi **Maiestas non principi, sed populo Romano tribuitur,**

tur, ideoque Maiestatis crimen aduersus populum Romanum committi dicitur; & hostes populi Romani, non Imperatoris nominantur: idque ab ipso Vlpiano, legem Regiam alias crepante.

Sed de Octauio Augusto; quoniam sub eo primum omnium populus Romanus legem Regiam tulisse, & in eum, legibus omnino solutum, omnem suam potestatem ac Maiestatem, non tantum communicatiue, sed & priuatiue, transtulisse perhibetur; præcipue ac seorsim dispiciamus. Is ergo Iulium Cæsarem, adoptiuum patrem, Regiam seu Imperatoriam in Republic. potestatem & imperium affectantem æmulari, mortem eius, ea ipsa de causa trucidati, serio vlcisci, ac testamentum eius exequi, quantumuis admodum adolescens, percupide studebat. Iulius enim Cæsar, cum liberis careret, (Octauium ex sorore sua Iulia nepotem, adoptauerat, eumque in testamento nominis, fortunarum, & imperii sui, heredem instituerat. Vnde & Octauius ea re intellecta, confestim nomen Cæsaris assumpsit, hereditatem adiit, & imperium affectauit. Quod ut obtineret, omnes suos & Iulii Cæsaris inimicos, imo omnes, qui conatibus ipsius obistere possent, terra marique (ut historiar. passim testantur) afflixit, atque è medio sustulit: adeo quidem, ut nec Senatoribus, nec consulibus Romanis, imo nec suis in consulatu collegis, M. Antonio, & M. Lepido, pepercerit, sed vtrumque non minus quam Sextum Pompeium, & alios, crudeliter oppresserit. Hinc Suetonius in Augusto c. 10. 11. & alibi. *In bello Mutinensi Augustus, prætor exercitus præfectus, duos consules Romanos, Hirceum ac Pansam (ut magna, eaque verisimilis, suspicio erat) de medio sustulit, illum quidem ipsemet in tumultu pugne, hunc vero per medicum, qui Venenum vulnere accepto iniecerat; ut ita imperio potiretur Augustus.*

Item Suetonius ibid. c. 26. & alibi: *Consulatum uigefimo atatis anno inuasi, admetu hostiliter ad urbem legionibus, missisque nonnullis, qui ipsi (Augustus) consulatum nomine exercitus deposcerent. Ex missis erat Cornelius Censorius, princeps legionis, qui cunctante Senatu, reiecto cum indignatione Sagulo, ostendens gladij capulum non dubitauit in curia dicere: Hic faciet, si uos non feceritis.* Idem c. 34. & alibi: *Leges quasdam retractauit, ac senatum reformauit sed nihil horum absque tumultu, & sine contradicentibus, nempe ut potius ac dolis, quam unanimi & spontaneo Senatus ac populi Romanis assensu, hoc est, coacto, dolis ac minis elicitis, & donis ac pollicitationibus emendicatio assensu.* Idem Suetonius c. 35. & alibi: *ut facilius obtineret (Augustus) in Senatu, quod uellet, Senatores quasdam arbitrati suo exautorauit: reliquos retinuit: & cum de grauiore negotio consultandum esset, sententias non ordine ac pristino more, sed prout libuisset, interrogauit.* Et c. 26. 27. 37 & alibi: *Augustus hostibus suis, deletis, ac potestissimis quibusque ciuibus oppressis, prescriptis, in militia desideratis, ut nemo iam esset, qui obsteret, plerisque de Senatu & populo largitionibus ac uoluntatis diuersis corrupit, & paulatim insurgere coeuit, omniaque senatus, legum, & magistratum munia, honores & dignitates callide ad se pertraxit adeoque omnes tandem magistratus uel ipse tenuit, uel alias sibi subegit, nouosque sibi morigeres exogitauit, ut ita iam est solus supremi magistratus, hoc est, maiestatis iure dominari posset.* Et d. c. 27. *hinc Tribunitiam potestatem perpetuam sibi sumpsit: imo & morum ac legum regimen itidem perpetuum: quin & ius Censoris, cum censoris tamen munus haud inuicessisset. Unde & leges quasdam retractauit, quasdam ex integro sanxit, tumultuantibus tamen aliquando & reuelonibus plerisque: quin & senatum reformauit, ac senatores ipsi minus gratos, de Senatu inuictos remouit, d. c. 34. 35. & alibi.* Item c. 47. *provinciae*
potentio-

potentiores quasi difficilius gubernari possent, ipse solus regē asuscepit: i. firmiores, quos scilicet patatiores & consequentiores essent, Senatus attribuit, ac proconsulibus sortito permisit, interim tamē ipse quoque sapiens eas adiit, sibiq; conciliavit: Et ita sub hac specie ac pretextu Senatū populumq; Roman. prorsus inermem, imbellem, & imbecillum reddidit, militesq; arma, & armamentaria, quin & ararium publicum, ad se solum transfudit, atq; adeo consequenter supremum ēt, quantum in ipso fuit, Repub. totius imperium, sibi arrogavit: Quoniam postea, quantumvis serio monitus, populo Romano resistere noluit. Cum tamē sapiens sibi obici inustus audiret, quod Imperium à populo Roman. dolose ac violenter auentium & ablatum contra leges, detineret, ac non restitueret (Vide Dion. & alios, itemq; Sueton. c. 78.) his de re statuenda Repub. callide deliberavit, ac tandem publice in Senatu oratione ea de re habita se Imperium, quod hactenus tenuisset, depositurum, ac populo Romano redditurum, fraudulentè simulavit: sed interim corruptis Senatorib. pleriq; & oratione callida disertaq; fascino, nonnullis qu. q; iram & Tyrannide eius metuentibus, remibi statim cooperduxit, ut senatores imperium ei relinquerent ac prorogarent: Senatores, inquam, ab eo corrupti ac decepti, non totus populus. Vt tamen Regie potestatis, ac Monarchie suspicionem linguis à se remoueret, negabat se omnes provincias regendas suscepiturū, aut quas suscepisset, perpetuo retenturum. Itaq; non omnes equidem, veruntamen potentissimas quasq; ut paulo antedictum, sibi eligebat (reliquas interim sibi quoque magis quam Senatus conciliatas habebat) & imperium in eas decennale duntaxat suscipiebat, postea binis rursum vicibus, distinctis quidem, sed contrariis, quinquennale, ac tandem similiter binis iterū distinctis vicibus decennale: ut ita nomine quidem non esset vel Rex vel dictator perpetuus (quod omnes in Iulio Cesare prosum deestabatos fuisse noverat) & tamen supremum Im-

perium ac Dictaturam primo cum Collegiū M. Antonio, Marcoq; Lepido aliquandiu; deinde cū Antonio per 12. fere annos, ac tādē post Antonium una cū sua Cleopatra ab ipso apud Actium navali jvalio devictum, per annos 44. solus (quantum in ipso fuit) obtineret, Suetonio in vita eius c. 8. teste. Vnde & sequentes Imperatores, licet ppetuū nacti Imperiū, singuli tamē decennia festā p Imperij renouatione ac progatione celebrarūt.

Atq; hinc satis (opinor) liquet, an Augustus Cæsar senatu populoq; Romano sponte & vnanimiter (sic ut fieri oportuit) consentiente ac decernente tantam potestatem cōsecutus fuerit, an vero donis & dolis, vj & armis, minis ac pmissis, simulationib; ac dissimulationibus versutis? Cōsulum primū vi & armis extorsit: tribunitiā potestatem perpetuā, itemq; legum ac morū regimen perpetuum, vt & ius censoris, ipsemet sibi sumpsit: cum leges pristinas retractaret, nouasq; sanciret, tumult² exort² varios in super alios diuersorū tēporū tumultus variasq; cōtra se cōiurationes, crebro sustinuit, & callide cōpressit, Suet. c. 19. libellos contra se famulos & in ipsa curia spargi, & ad statuā suā affigi, p̄cauere non potuit, Suet. c. 35. & 71.

Sed de his aliis Marcum quoq; Ciceronē, cumq; ad ipsum Octauium Augustum magno cum gemitu ac dolore scribentē, audiamus. Si p tuas legiones (ait Cicerō ad Augustū) mihi licitū fuisset, qua nom: ni meo, populoq; Romano sunt inimicissima, venire in senatum, coramq; de Repub. disputare: fecissem; neq; tā libenter q̄ necessario &c. Sed quoniam cohortib; armatis circūsepius senat², nihil aliud vere potest decernere, nisi timore; in Capitolio signa sunt, in vrbe milites vagantur, in campo castra ponūtur; & Italia tota legionib; ad libertatē nostrā cōscripta, ad seruitutem adducta, equitūq; exterarū nationū detinetur; cedam tibi in presentis foro, curia & sanctissimis deorū immortalium templis, in quib; reminscente iam libertate, deinde rursus oppressa, senatus nihil consultat, timor multa, affert.

*non omnia: post et paulo temporib. ita postulatis, cedam
 urbi, q. p. me conseruatā, ut esset libera, in seruitute Vi-
 dere non potero; cedā tibi; qua quanquā sollicita est, ta-
 men, si profutura est Reip. bona spes posteritatis me cō-
 solatur, qua sublata non dubitanter occidā, atq. ita ce-
 dam, Et fortuna, iudicio meo, non animus mihi defuisse
 videatur &c. Nā per Deum immortalē fidem, perq.
 fortunā populi Romani, quis tā expers humanitatis, q.
 huius Urbis nomini ac sedib. & q. adeo est inimicus, & i-
 sta aut dissimulare possit, aut nō dolere? aut si nulla ra-
 tione publicis incōmodis mederi queat: non morte pro-
 priū periculū vitet? nā ut ordiar ab initio, & pducam
 ad extremū, & nouissima conferā primis; qua non po-
 sterior dies acerbior priore, & q. non insequens hora an-
 tecedentē calamitosior populo R. m. illuxit? M. Anton.
 vir animi maximi (utinam ēt sapientia consilij fuisset)
 (Caesare fortissimo, sed parū feliciter à reipub. domina-
 tione semoto, cōcupierat magis regnū, quā libera ciuitas
 pati poterat, principatū, publicā dilapidabat pecuniā,
 arariū exhauriebat, miruebat & c. & c. & c. & c. & c.
 auitates ex cōmentario, Dictaturā gerebat, leges impo-
 nebat, phibeat Dictatorē creari legib. senatuscōsultis
 ipse repugnabat in senatu, puinias unus cēs concupie-
 rat, cui sordebat Macedonia puincia, quam & c. & c. & c.
 sum pferat Caesar, qd de hoc sperare, aut expectare nos o-
 portebat? exististi tu vindex nostra libertatis, ut tunc
 qdē optimus: Sed utinā nō, nostra nos opinio, nēq. tua
 fides sefellisset &c. Qua tibi nō, antequā postu'ares, ma-
 iora quā velles, plura q. sperares, detulit Senatus? dedit
 fauces; ut cū auctoritate de feseorē haberet, nō ut imperio
 se aduersum armaret: appellauit Imperat. hostium exer-
 cisu pulso tribuens honorē, non, & c. & c. & c. & c. & c.
 ingrat? crudeliter, aut immemor benefi. ij sui scelerata
 circūscribis Senatū? quo te misimus? à quib. reuerte-
 ris contra quos te armamus? quib. arma cogitas in-
 ferret*

ferre? à quibus exercitum abducit? & aduersus quos acciem stratis? cur hostis relinquitur? cuius hostis loco ponitur? cur castra medio itinere longius aduersariorum castris, & propius urbem monentur? O menunquam sapientem, & aliquando id, quod non erat, frustra existimatum, quæcū te popule Remane de me fefellit opinio. O meam calamitosam ac præcipitem senectutem. O turpem exacta dementi, & ætate caniscentem. Ego patres conscriptes ad parricidiū induxi, ego Remp. fefelli, ego ipse senatū sibi manus afferre cōegi, cū te Luconium puerum & matris tue partum aureum esse dixi; at te facta patria Parisdem futurum prædicabāt, qui castrares Urbem incendio, Italiā bello: qui castra in templis deorum immortalium, Senatū in castris habiturus esset. O miserā. & in breuitā celerem, & tā variā in Rep. cōmutationem, quānam tali futurus ingenio est, & possit hac ita mandare literis, & facta, non ficta videntur esse? quis erit tanta animi facultate, qui, quæ verissime memoria præpagata fuerint, non fabula similis sit existimaturus. Cogita. n. Antonium hostem iudicatū, ab eo circumfessum, consulem designatū, eundem Reipub. parentem, te prefectum ad consulem liberandū, & hostem opprimendū, hostemq; à te fugatum, & consulem obsidione liberatū, deinde paulo post fugatū illum hostem accersitū, tanq̃ cohæredem mortua Reipub. ad bona pop. Rom. rapienda: consulem des, rursus inclusum eo, ubi se nō moribus, sed fluminibus, & montib. tueretur. Hac quis conabitur exponere? quæ credere audebit? liceat semel impune peccata, sit erranti medicina confessio, verū. n. dicā: Et inā te potius Antons dominū nō expulsemus, quā hunc reciperemus: non quod sit optanda seruitus: sed quia dignitate domini min⁹ turpis est fortuna serui, in duob. autē malis cū fugiendū maior sit, leuius est eligendū, ille ea tamen exorabat, q̃ volebat auferre: tu extorques: ille consul provinciam petebat: tu priuatus concupisti, ille ad malum salutem iudicia cōstituebat, & leges ferebat:

in ad

tu ad perniciem optimorum; ille à sanguine, & incendio servorum Capitolium tuebatur: tu cruore, & flamma cuncta delere vis. Si, qui dabat provincias Cassio & Brutus, & illis custodib. nominis nostri, regnabat, quid faciet qui vitam adimit? si qui ex sorte eiciebat, Tyrannus erat: quem hunc vovimus, qui ne locum quidem reliquit exilio? Itaque, si quid illa maiorum nostrorum sepulta reliquit sapiunt, si non una cum corpore sensus omnis uno atq; eodem consumptus est igni: quid illis interrogantibus, quid agat nunc populus Romanus, respondebit aliquis nostrum, qui proximus in illam æternam domum discesserit? aut quem accipient de suis posteris nuncium illi veteres Africani, Maximi, Pauli, Scipiones? quid de sua patria audient, quam spoliis triumphisq; decorarant? an esse quendam annos 23: natum, cuius avus fuerit argentarius, ad stipulator pater, uterque vero precarium fecerit quæstum: sed alter & q; ad senectutem, ut non negaret: alter à pueritia, & non posset non confiteri eum agere, rapere Rempublicam, cui nulla virtus, nulla bello subacta, & ad imperium adiuncta provincia, nulla dignitas maiorum cõciliasset opem potentium: sed forma per dedecus, pecuniam, & nomen nobile consecratum impudicitia dedisset, veteres vulneribus & atate confectos Iulianos gladiatores egentes, reliquias Caesaris ludi ad rudem compulisset: quibus ille septus omnia misceret, nulli parceret, sibi videret, qui tanquã in dotali matrimonio Rempublicam testamento legatam sibi obtineret. Audient duo Decij servire eos ciues, qui, ut hostibus imperarent, victoriam se deuoverunt; audiet C. Marcius impudico domino parere nos, qui ne militem quidem habere voluit, nisi pudicum; audiet Brutus cum populum, quem ipse primo post progenies eius, à regibus liberavit, pro turpi stupro datum in servitutem. Quæ quidem si nullo alio, me tamen internuncio, ad illos celeriter deferentur, nam si vivum ista subterfugere non potero, una cum istis, vitam

simul fugere decreuit. Hæc Tullius. Sed de hac Augusti Cæsaris impudicitia & stupris Suetonius in vita eius, c. 68. primæ ipsius iuuenta (inquit) & variorum dedecorum infamiam subiit. Sextus Pomponius enim, ut effaminatum, insectatus est. Marcus Antonius eum adoptionem auunculi supra meritum: item Lucius Marcus frater, quasi pudicitiam delibatam à Cæsare. Aulo etiam Hircio in Hispania 300. millibus nummum subtraheret: solutusque sit. crura suburre nuce ardens, quo mollior pilus surgeret. Sed & populus quondam uniuersus ludorum, die & accerit in contumeliam eius, & assensu maximo comprobauit versum in scena pronunciatum de Gallo matris Diūm tympanizante: Videsne, & cyncædu orbem diguo temperat?

Et cap. 69. ait Suetonius: *Adulteria enim exercuisse ne amici quidem negant: excusantes sane, & non libidine, sed ratione commissa, nempe quo facilius consilia aduersariorum, per cuiusq; mulieres exquireret. M. Antonius festinatas Lusia nuptias obiecit, & fœminam consulari, in triclinio viri coram in cubiculum abductam, rursus in cœuium rubentibus auriculis, incomptiore capillo reductam: & demissam Scriboniam, quia liberius doluisset nimiam potentiam pellicis: & conditiones quasias per amicos, qui matres familias, & adulas atate virgines denudarent, atq; perspicerent, tanquam Thorancio mangone vendente, &c. Hactenus Suetonius: qui & insignem illius tyrannidem, c. 13. 14. 15. 16. 17. 27. notat.*

Sed ut hæc postrema mittā: Nonne satis, imo plus satis, è præcedentibus liquet, an senatu populoq; Roman. ac singulis eius ordinibus sponte & vnanimiter (sicut fieri oportuit) consentientibus ac decernentibus lex illa regia lata (si tamen lata) fuerit, qua supremā supremi imperii & maiestatis potestatem Augustus Cæsar consecutus, legibusque civilibus indistin-

Et omnibus solutus sit? an vero donis ac dōlis, vi & armis, minis ac promissis, simulationibus ac dissimulationibus versutis. Primum consulatum suum vi & armis extorsit: tribunitiā potestatem perpetuā, itemque legum ac morum regimen perpetuum, ut & ius censoris, ipsemet sibi sumpsit: cum leges pristinas retractaret, nouasque lauciret, tumultus exortus: varios insuper alios diuerforum temporum tumultus, variasque contra se coniurationes, crebro sustinuit, & callide compressit: de quo & Suetonius *capite decimonono*, libellos contra se famosos, & in ipsa curia spargi, & ad statuam suam affigi praeuere non potuit, *Sueton. cap. quinquagesimo quinto, septuagesimo primo.*

Sane si lex regia à Senatu Romano sub Augusto lata, vel reuocata fuit eo ipso tempore, ut nonnulli arbitrantur, quo Augustus magno cum exercitu (Dione, Cicerone, & aliis testibus) urbi hostiliter immineret; non vniversus populus, sed Senatus solus, & is vi atque armis, metu, terrore, ac minis coactus, eam tulit: & hoc ipsum tamen non eo sensu, ut populus Romanus sua sese Maiestati, & omni iure, imperio ac potestate priuaret (neque enim Senatus solus hoc potuit: quippe Maiestas non Senatus, sed populi erat) summam quidem in eum potestatem contulit Senatus, sed haud secus atque in Iulium quoque Cæsarem, cui & perpetuam dictaturam, hoc est, potestatem maximam, concessit, legibusque cum soluit, sed interim populus Romanus suam sibi Maiestatem retinuit, non autem Iulio Cæsari se penitus & indistincte submisit.

Itaque si populus Romanus omne ius, imperium, ac potestatem suam in Principem contulit, communicatiue seu cumulatiue, non omnino priuatiue contulit. Quod & Imperatores plerique mansuetio-

res ipsimet agnouerunt (vt satis patet ex Suetonio in
vita Tiberij, cap. 30.) dum senatus imperium magna
 ex parte permiserunt; vtcunque iam scripta esset lex
 regia; & Iustinianus legem regiam plane nouo mo-
 do interpretatur; cum tamen Iurisperiti à Iusti-
 niano citati non dicant, imperium populo lege regia
 ablatum, sed ob difficultatem conuocandi in vnum
 populi concessum principi; quippè eatenus fortasse
 communicatum, non vt solus absolute imperium o-
 mne haberet, sed vt solus tantum haberet, quantum
 omnis populus, adeoque iura non minus condere pos-
 set solus, quam leges populus, vt colligit Baro *ad l. 1.*
ff. de constit. princip. & ad l. 31. in fin. ff. de legib. Iusti-
 nianus (ait Baro) ita accipit legem regiam, quasi soli
 principi facta esset deinceps potestas iura constituendi,
 eademque populo adempta esset. Sed Pomponii
 historię magis congruit, ob difficultatem conuo-
 candi populi (*l. 2. §. 9. de orig. iur. addo §. 5. Institut. de*
iur. natural. & quia Senatus non perinde omnes pro-
uincias solus probe gerere poterat, §. 11. d. l. 2.) datam
 esse soli principi potestatem iuris constituendi, quę
 populum tamen legislatione non excluderet, quod
 patet ex *l. de quib. 32. de ll.* vt ita princeps iura conde-
 ret, populus leges. Pomponius sane *d. l. 2. de Orig. iur.*
 legem regiam ignorat, principisque potentiam & ius
 non ita extollit, vt alii. Constituto principe (ait *d. §.*
novissime. 11. in fi.) datum est ei ius, vt, quod cōstituisset,
 ratum esset: Ac §. seq. fin. principalis constitutio,
 id est, vt quod ipse princeps constituit, pro lege seruetur,
 &c.

Aliter ergo Senatus Roman. suam illam potestatis
 & imperii sui in principem translationem intellexit,
 aliter Cæsares, aliter quoque & aliter etiamnum In-
 terpretes. Senatus sane post legem Regiam adhuc le-
 ges seu iura, vt ex historiis apparet, condebat, tam diu
 donec ei Cæsares tandem id ius adimerent, *Donell. 1.*

Comment. iur. ciuil. 8. quin etiam Cæsares orationibus per candidatos in Senatu recitatis (quarum multæ adhuc passim in iure obuiæ) Senatores crebro rogauerunt, ut ea quæ ipsi (Cæsares) volebant, Senatusconsulto firmarent: quippe conscientia sic vigente fatabantur supremam Maiestatis potestatem esse penes populum Romanum, quem Senatus repræsentabat: unde & Augustus Cæsar solenniter à senatu petiit, ut Livia coniux lege Voconia solueretur, Tiberius vero, ut liberi sui legibus Annariis. Quin & hinc Augustus (*testis Sueton. cap. 53.*) DOMINI appellationem non admisit: forte quia reges iam perinuisi, quondam Reipubl. Domini esse voluerant. Et quoniam regum mentio facta, haud equidem tacendū illud est, quod populus Romanus quasi natura sua perpetuo, ac vel iam inde à primo politiæ suæ ortu, tam auidus imperii ac libertatis fuerit, ut sub regibus quoque primi seculi Urbis conditæ, prima, vera, & suprema legis condendæ potestas, adeoque maiestas, magis populi quam regis extitisse, non immerito videri possit: aut sane limitata quædam & tyrannica maiestas Regis, populo non tam iubente aut cōsentiente, quam tacente; absolute verò, prima ac suprema populi, & legis fuisse.

Etenim sub Romulo populus legum sciscēdarum, magistratuum creandorum, & belli ac pacis constituendæ potestatem (quæ vera supremi ac solius absolute regnantis regis regalia sunt) habebat. De quibus omnibus Halicarnassæus, Connan. i. *comment. 12. num. 1.* & *cap. 10. num. 10.* Romulus ergo ac præceteri reges, non soli, sed una cum populo leges ferebant; Imo populus firme solus; ut apud hunc suprema rerum omnium potestas fuerit, in regibus vero plus dignitatis & auctoritatis, quam iuris, potestatis, aut dominationis. Itaque Reges isti legibus civilibus soluti non erant. Hanc maiestatem populus deinde ex ætate regibus sub consulari quoque potestate retinuit: Sed ut prius Regum, ita nunc

patrum,

patrum, authoritati quadantenus subiectam. Vnde hic iam non plebs, non Senatus, non equester ordo, sed vniversus populus omnibus istis partibus (nullo cuium genere, seu ordine, omisso) constans, legem ferre & reuocare poterat; Quae cum ita sint, Lex sane Regia, etiam antiqua ista (ne dum renouata sub Caesaribus) non tantum penderis ac virium etiam antiquitus habuisse videtur, quantum Caesares, & eorum adulatorcs praeferbant, sibi que exinde arrogabant. Ac certe ex antiquo illo legi (vt putant) Regia monumento etiamnum hodie Roma extante, de quo supra, satis superque apparet, Senatumpopulumque Romanum principi certa quaedam, eaque eximia, priuilegia, maximamque potestatem, non autem omne suum ius, imperium, potestatem, ac maiestatem suam contulisse, ac sese istis omnibus plane priuasse. Idem namque in eo (monumento) semper dicitur concedi Vespasiano, ac Diuo Augusto, quod & Iulio Caesari: Atque Iulius Caesar, tanquam perpetuus Dictator, summam in Republ. potestatem habuit, legibusque solutus fuit; Senatu populoque imperium suum cum ipso quasi communicante: Supremam tamen summi imperij Maiestatem non habuit, nec Dominus Reipublic. fuit, in quem populus omne imperium, ius, ac Maiestatem suam contulisset, & ita contulisset, vt sese istis omnibus priuasset. Si quos magistratum vel imperium, &c. petentes (ait monumentum) Senatui populoque Roman. princeps commendauit, eorum extra ordinem ratio habeatur: Iam vero si Senatui populoque ex huius ipsius lege ac decreto tales commendat princeps, profecto Senatus populusque summam cum principe potestatem & auctoritatem quasi communicarat, non autem ea seipsum priuaret: Quibus legibus plebisue scitis (ait monumentum) Iulius Caesar & Augustus non tenebantur, ijs legibus plebi que scitis & Vespasianus solutus sit. Vnde
de satis

de satis superqua constat, principem à Senatu populoque non simpliciter & indistincte omnibus legibus civilibus, solum fuisse, imò vero certis quibusdam adstrictum; Sic enim ibidem Monumentum: *Quæ ex quaque lege rogationeue iulium Cæsarem & Augustum facere OPORTUIT, ea omnia Vespasiano facere liceat.* Et mox ibidem. Quæ ante hanc legem acta vel imperata à Vespasiano, iussu mandatuve eius à quoque sunt, ea perinde iusta rataque sint, ac si populi plebisve iussu acta essent. E quibus omnibus satis patet, quod populus Romanus per legem Regiam, quam vocant, plus autoritatis ac dignitatis Principi attribuerit, sibi vero plus potestatis, tamen si latentis, retinuerit: adeoque sua se Maiestate neutiquam priuarit: Sed veram potius & absolutam (licet quadantenus occultam) Maiestatem sibi reseruavit, Principi autem vicariam (magis tamen conspicuam seu spectatam) concesserit: idque tanto magis patet, quia populus Augusto singulis decenniis aut quinquenniis imperium de nouo confirmavit: ideoque supremi Dominus Imperii semper mansit: Secus enim Augusto Vicarium istud summum imperium de nouo reddere vel confirmare non potuisset. Quod quis enim ipsemet non habet, id in alterum conferre non potest. Deinde Senatum populumque Maiestate sua neutiquam se abdicasse ex eo quoque patet, quod Neronem (*Suetonius in Nerone, capite 49.*) & alios peruersos Imperatores iudicarunt hostes Reipublicæ, ac **MORIBUS** puniendos pronunciarunt & condemnarunt: quod mortuorum quoque principum, qui scelerate imperium gessissent, memoriâ damnarunt, & ignominia notarunt: denique & ex eo, quod plerique Imperatores non iure hæreditario successerint, sed liberis suffragiis populi ac Senatus; quandoque & militum. Quapropter alio sensu ac sine ista imperii lex à Senatu

Senatu populoque Roman. lata fuit, quam Vlpianus ac Tribonianus explicarunt, & imperatoribus persuaserunt (licet nec hi affirmant, imperium populo lege regia ademptum esse) proinde historicis fide dignis hac in parte plus fidei adhibendum, quia partiales non sunt, quam imperatoribus superbis, maleve persuasis. & nonnullis eorum hac in parte, adulatoribus Iurisconsultis: quia partiales sunt, ut ita loquar: imo ipsi una cum sua lege Regia sunt in quaestione, & quasi Iudex simul ac testis in propria causa. Sin autem eo sensu, quo Imperatores interpretati sunt, lata fuit, grauissime & imprudētissime peccarunt Romani. Populus sane prudens, ac respublica prudenter constituta (vbicunque terrarum sit) nunquam indefinite ac indistincte, nunquam sine omni conditione ac lege, supremam principi maiestatem permittit. Hoc enim est tyrannidi apertissimam patefacere fenestram. Quod & diserte praestantissimus Connanus *1. comment. sur. ciu. cap. 16. nu. 2. populus Roman. (ait) omnimoda potestatis sua in principes translatione ita se nucauit ac debilitauit, Et Principes suos deinceps non modo Reges, quos oderat, sed crudelissimos tyrannos sit expertus: quod nunquam euenisset, si principem iisdem legum vinculis, quibus vniuersam antea ciuitatem (hoc est, vniuersos ac singulos populi ordines, tam patres & senatores, quam alios) constrinxisset.*

CAP. II.

*An Princeps legibus solutus, ac praesertim
an iis simpliciter, omnimodo & indistincte solutus, &c.*

Sed hactenus, an populus Romanus omni iure, imperio, ac potestate sua per legem regiam sese priuarit, ac, si fecit, an prudenter fecerit. Nunc, an
prin-

princeps Romanus e-dem lege regia legibus solutus fuerit; & an prudenter recteque ac vere solutus; & quibus, quomodo, & quatenus. Lex regia, an, & quando lata, vehementer dubitatur, sed an modo rituque legitimo lata, adhuc vehementius, ut supra dictum: quippe cum primi Cæsares vi, dolis, ac donis, minis, ac promissis, variisque technis & blandimentis, simulationibus ac dissimulationibus versutis, legem regiam, si lata vel reuocata fuit) callide extorsit, omniaq; magistratum, senatus, ac legum munia, tantamq; istam, qua pollebant, potestatem & imperium fraudulenter ad se pertraxerint: leges & alia pro suo arbitrio tulerint, retractarintve: item cum senatus potius solus, isque partim largitionibus corruptus; partim coactus, territus, ac circumuentus, quam uniuersus populus rite congregatus & rogatus sponte atque unanimiter consensuens (vide Cicer. ad Octavianum epist.) legem istam tulerit, ac reliqua ista principi concesserit: imo cum populus, & de senatoribus quandoque nonnulli, varios subinde contra primos Cæsares tumultus, variasque conspirationes excitauerint, libellosque famosos sparserint (de quibus singulis paulo ante) suum in plerisque Caesarum conatibus & innovationibus dissensum satis testantes.

Vnde abunde constare potest, an lex illa regia; quæ princeps simpliciter & indistincte legibus solutus perhibetur, iusta, sancta; & valida censi possit.

Legibus vero solum esse, alii generalius, alii specialius interpretantur in l. princeps, de legibus. Et aliud est legibus solum esse; aliud, legibus omnibus simpliciter, omnimodo, & indistincte solutum esse.

Certe legibus solum esse, ac potestatem legibus solutam obtinere, idem significare videntur, præsertim in principe, nempe leges pro lubitu quaslibet aliis dare, nullas à quoquam accipere, nullius leges admittere, nullis ullius hominis, ac ne suis ipsius

¶

quidem

quidem legibus obstrictum esse: Leges Reip. omnes in potestate sua habere, eas pro lubitu mutare, obrogare, derogare, subrogare, abrogare, &c. Item ea, quae iure facta non sunt (ut adoptionem non iure factam, *l. 38. de adop.*) confirmare: sicut enim Cuiac *15. obser. 30. in d. l. princeps* legibus solutum esse principem, interpretatur: sed hanc tamen interpretationem, secundum alios, non patiuntur ea, quae in eadem lege (princeps) mox de Augusta subiiciuntur: quandoquidem legumlatio, vel mutatio, & similia, ad Augustam nullatenus pertinent. Secundum hos ergo solutum legibus esse *in d. l. princeps*, significat non teneri legibus, vel iam latis, vel deinceps ferendis, *Verò ad saepe d. l. princeps*: ut ita aliud sit quaerere, *An princeps leges latis tollere, mutare, novas ferre, &c. possit*: & aliud, *An legibus latis & in vigore suo permanentibus vivere teneatur*: Quae istius legis propria quaestio istis videtur, conf. *Dn. Vult. comment. in institut. ad §. 7. num. 4. 5. de iure nat. gen.* Et haec tenus quid sit legibus solutum esse. Simpliciter & indistincte, in genere, omnimodo & absolute, legibus solutus dicitur, 1. qui nec legibus vivere, seu obedire tenetur 2. nec ab ullo mortalium, si contra legem ullam deliquerit, plecti potest. 3. cui liberum plane est, pro arbitrio suo leges, cum opus est, ferre, vel non ferre, abolere, mutare, corrigere, limitare, cum opus est; vel id non facere. 4. liberum item, interpretari eas indubio, & id, si fiat, pro lubitu, vel non interpretari. 5. denique legibus simpliciter solutus est, qui nec leges custodire, nec alios ad observantiam earum adigere, punire, aut praemiis afficere tenetur: sed haec ipsa, & priora omnia & singula, pro beneplacito arbitrii sui, vel facit, vel omittit. Quae quidem à legibus solutio periculosissima & perniciosissima est, ad Getas releganda. Tyrannidem sane maximam illa solutio, & lex Regia; Connano, & aliis testibus; in Rempublicam Romanam introduxit.

xit. Populus enim Romanus omnimoda, legibusque soluta potestatis suæ in principes translatione ita se nudauit ac debilitauit, vt principes suos deinceps non modo Reges, quos oderat, sed crudelissimos tyrannos sit expectus: quod nunquam euenisset, si Principem illi legum vinculis, quibus vniuersam antea ciuitatem (hoc est, vniuersos ac singulos populi ordines, tam patres & senatores quàm alios) constrinxisset.

Romani ergo, si eo pacto, si eo sensu, quo Imperatores interpretati ac persecuti sunt, legem regiam tulerunt, ac principem nimirum in genere, simpliciter & indistincte legibus soluerunt, nempe non aliquibus, sed omnibus: Grauiissime & imprudentissime peccarunt; quippe qui plus principi tribuerent, quam ipsimet antea habebant. Erant enim in populari statu legibus subiecti, vniuersi ac singuli in populo ordines. Principis potestas (ait Cuiacius in *Restatio. ad tit. Cod. de testamentis. columna decimona vel decima octaua.*) aliquanto maior esse, quam populi fuerit. Populus enim suis legibus tenebatur, princeps suis legibus non tenetur. Et in notis prioribus ad §. *sed & quod. 6. verb. et & in eum. Institut. de iur. natural.* Nec vlllo alio (inquit) distat populus à principe, quam quod populus suis legibus tenetur, princeps legibus solutus est. Sed populus præterea, vt suis, ita & principis legibus tenetur. Principem igitur populus cum vice sua constituit, se quoque principis legibus obligauit. Hec Cuiacius: qui tamen eadem ista in *d. tit. Cod. de testament. limitat*, & in primis in *re citat. ad leg. j. col. 9. de iust. & iur* contrarium sentit. Ac profecto neutiquam verisimile est, quod populus Roman. principem in genere, simpliciter, & indistincte legibus soluerit. Nec veto vnquam dicam (inquit Cuiacius *d. tit. Cod. de testament. colum. 8. et in princip.* generaliter esse verum, quod ait L. princeps.

postquam populus lege Regia, quæ de eius imperio lata est, ei & in eum omne imperium suum contulit.

Sed ut maxime Cuiacius, & alii, contrarium sentiant (dixeris) Triboniano tamen & Vlpiano teste, princeps legibus solutus fuit. Solutus forsitan (inquam) sed non absolute, simpliciter, in genere, & indistincte: id quod ex supra citato legis imperii monumento patet: Quibus legibus plebisve scitis (ait monumentum) Iulius Cæsar non tenebatur, iis legibus plebisq; scitis & Vespasianus solutus sit, &c. Unde satis superque constat, Principem à Senatu populoque non simpliciter & indistincte omnibus legibus civilibus solutum fuisse, imo vero certis quibuldam adstrictum: sic enim ibidem monumentum: quæ ex quaque lege rogatione ve Iulium Cæsarem, & Augustum facere OPORTUIT, ea omnia Vespasiano facere liceat. Pomponius certe *l. 2. de orig. iur.* istam Principis à legibus solutionem prorsus ignorat; & aliud innuere videtur: constituto principe (ait *in fin. §. novissime 11.*) datum est ei hoc ius, ut, quod constitueret, ratum esset: & *in fin. §. 12.* principalis constitutio (ait) id est, ut, quod ipse princeps constituit, pro lege servetur. Sin autem simpliciter, absolute, in genere, & indistincte legibus solutus fuit Princeps à populo Romano: de facto quidem solutus fuit, non autem de iure: quippe de facto & concessione populi, vel potius Senatus, partim corrupti, ut supra dictum, partim decepti, partim coacti, ac perterriti: de facto, inquam, 1. Senatus imprudenter ac minus iuste, minusque Reipub. utiliter, soluentis. 2. Ipsius Principis imprudenter, imo contra iustitiam & conscientiam suam acceptantis & usurpantis id, quod versute ac dolose extorserat. Veri enim, hoc est, boni ac iusti, Principes, rationem rectam, & virtutis ac iustitiæ naturalis. id est, legis conscientiæ, normam sequentes, ac bonum publicum, non autem privatum, spectantes so-

lutionem istam neutiquam acceptarent vel usurparent, l. 4. C. de legib. l. 23. de legat. 3. l. 3. C. de testament. Paul. 4. sentent. 5. §. 3.

Proinde (vt modo dicta repetam) si legibus simpliciter & indistincte solutus est princeps: quoad senatum soluente solutus est; non reuera quoad ipsum principem, eiusque personam, officium, rationem, conscientiam, non quoad ius naturæ, gentium, aut ciuile: attestante l. 3. C. de testament. licet lex imperii solennib. iuris imperatorem soluerit (ait) nil tamen tam proprium imperii est, quam legibus viuere. Populus quippe Romanus, vel potius senatus solus, soluit eum, misere persuasus ac circumuentus; populus, inquam, non Deus, non conscientia, non natura; non ratio naturalis, non ratio politica, non ius societatis politicæ, non consuetudo seu mos maiorum pristinus ac legitimus, non officium veri principis. Olim totus populus in Republica Romana, & aliis similibus, nullo hominum ordine, nullo homine (nisi plane extra ordinem) excepto, legibus suberat: omnes cuiuscunque ordinis homines, si grauius deliquissent, plectebantur: quod id postea in monarchiis (Romana, & aliis) fieri desuevit, hoc vitium est Reipub. male constitutæ, & in eo ipso male constitutæ, quod Monarchæ legibus soluti; ac per omnia suo ipsorum arbitrio & placito permissi. Romani sane in lege regia (si principem simpliciter soluerunt legibus) grauissime peccarunt, quod plus scilicet principi tribuerunt, quam ipsimet antea habebant: Erant enim legibus subiecti vniuersi ac singuli in populo ordines. Nec quidquam est, quod in Monarchia tam obstat, quo minus principi citra nullam hæitationem primas præ reliquis Reipublicæ rectæ formis deferamus, quam illud ipsum, quod Monarcha legibus solutus esse, ac pro affectu, & plenitudine potestatis pleraque statuere, & imperare

perare cupiat: non autem ex plenitudine rationis rectæ, virtutis, legum, iuris & æquitatis certæ atque expeditæ. In Iurisprudencia sanè tota verissimum & sanctissimum perpetuo esse debet: Ratio est anima legis: Lex civilis est anima ciuitatis: salus populi suprema lex esto: quæ singula ne utiquam subsistunt, si princeps suo solius nutu & arbitrio absoluto omnia agat. Bonus princeps priuatæ suæ utilitati omnino anteponit ea, quæ publice, & communiter profunt, §. *anteponit. in fin. & ibi Gothofred. Cod. de caduc. tollen.* & ibidem: Bonus princeps existimat, & imperiale esse ducit, sic existimare: subditorum videlicet commodum ipsius principis esse proprium commodum. Quare non est ita simpliciter solutus legibus, ut arbitrium quoad leges plane absolutum habeat: secus enim non teneretur leges, quæ necessariæ sunt, ferre: nec lasas custodire, & interpretari, nec corrigere, cum opus est, aut mutare, vel abrogare: nec subditos ad obseruantiã earum adigere: nec fontes punire, ac bene meritos præmiis afficere: nõ teneretur, inquã: quãdoquidem omnia & singula ista pro beneplacito arbitrii sui, vel facere vel omittere posset. Longe melius 3. *de legib.* Cicero. *magistratus recte & iustitia, & consuetudine cum legibus præscribere debet.* Nam populus (ait) *magistratus præsumunt, sed magistratibus leges.* Sapienter 4. *de rep.* Plato, *se interitum illi Reipublice paratum videre, in qua non lex principi ac magistratui, sed princeps ac magistratus legi præesset: Salutem vero illi, ubi lex magistratibus, ipsi legi seruientibus, dominaretur.* Lex omniũ Regina est, mortalium & immortalium, ait Pindarus. Quis principi princeps est? Lex, ait Plutarch. vide Corras. 2. *Misc.* 25. Talia sanè sunt hominum plerorumque ingenia, ut, si pro suo arbitrato ac voluntate nuda viuere aut imperare eis liceret, in orbe nihil tutum, nihil sanctum esset. Non ergo pro voluntatis arbitrio, sed secundum leges, magistratus

ac Principes officio suo perfungi debent. 1. 2. *polit.* 2. Quia voluntas hominum est instabilis, incerta, & admodum periculosa actionum humanarum norma, *Aristot.* 2. *politic.* 8. Lex autem certa & stabilis est vitæ humanæ, actionum, & iudiciorum, norma, & tanquam custos ac medicus; qui, ne mala oriantur, impedit, quæ autem irrepserunt, euellit. Leges præscribunt, quomodo iuxta vnāquamque virtutem in quolibet vitæ genere viuere. omnesque actiones & facta hominum recte diiudicare debeamus, ne vſquam à vero aberremus, 1. *Ethic. Nic.* c. 1. 2. Voluntas humana ab ingenio cuiusque dependet: Lex nequaquam. Voluntas sæpe praua consilia molitur: Leges vero æqua, honesta, vtilia, semper spectant. Voluntas æstuat cupiditatibus: Leges vero eas coercent: (4. *polit.* 16. 1. *pol.* 12. Hinc Solon interrogatus, quo pacto salua possit esse Respub. Si ciues quidem (ait) magistratui obediant, magistratus autem legibus, *Stob. ferm.* 41. 3. Lex non facit vllum discrimen inter amicum & inimicum: nihil tribuit affectibus, 1. *polit.* 12. & 3. *polit.* 17. Voluntas autem nostra affectibus plerunque indulget. Vbi autem affectus: ibi verum perspicere recte non potest, *Salust.* in *coniur. Catil.* Eleganter Aristoteles 3. *polit.* 15. & 4. *polit.* 4. & alibi. vbi homo merus imperat (non autem simul lex & recta ratio) ibi affectus & bellua imperat. Perfecta Respublica (inquit) sine legibus subsistere nequit: Imò vbi leges non imperant, ibi Respubl. vera omnino esse nequit. Et si enim magistratus quoque imperat, tamen secundum leges imperat, idque singulis, lex autem vniuersis. Qui sine legibus viuunt, à brutis non differunt. *Plat.* 4. de legib. & hinc recte Princeps Bonus Platoni in *πολιτεία* definitur, qui ex lege & more dominatur, apud quē nulla res magis valet, quam ius & æquitas, quam recta ratio, quam Reipubl. vtilitas, honor ac dignitas. Et quid ius, quid

Lex? nisi iustitiæ & rationis rectæ præscriptum in agendis iis omnibus, quæ prudenter, recte & utiliter peragi debent. Itaque princeps verus, ut rationi rectæ ac prudentiæ, sic iustitiæ quoque ac proinde iuri & legibus se submittere debet haud grauate. Qui sine lege viuit, sine ratione ac sine ordine viuit: Ideoque principem simpliciter & indistincte legibus solvere, est cum ratione recta dispoliare, affectibus subiicere ac mancipare, ciues ac subditos omnes ex ipsius affectibus regendos curare: ad anarchiam & tyrannidem patentissimam ei fenestram aperire. Rectius igitur hodie Principes statim initio imperii sui populo iurant in leges Reipub. Ideoque tantum abest, ut legibus soluti sint, ut quam maxime obstringantur legibus Politicæ ex suo iureiurando, ait Cuiacius *in recit. ad tit. Cod. de testam. Col. 19. & in recit. ad l. 5. col. 11. de iust. & iur.* Hodie aut. Principes non sunt soluti legibus, quod est certissimum, quoniam iurant in leges patrias, in quas olim non iurabant. Ita Galli suas habent leges Salicas: Germani Auream Buliam, & constitutiones nonnullas: alii alias leges, non tantum ducibus & comitibus, sed Regibus quoque & imperatoribus, ut eas obseruent, præscriptas: & hoc adeo quidem, ut, si eas non obseruent, sed enormius aduersum ipsas peccent, de Regni quandoque & imperij sui throno deturbari possint. Sic enim Wenceslaus Imperatorem ab imperio remouerunt Electores, *Volaterranus li. 23. Bapt. Egnat. Ioan. Cuspinian. in vitis Imperator.* & olim à Senatu Romano sæpe Imperatores sunt hostes iudicati, *Sueton. in Neron. & alijs.*

Sed viri boni obicerent etiam pro voluntate sua, quippe quæ bona & sincera est, agentes, magistratu, quem gerunt, recte perfungi possunt: ergo & absque legibus recte viuere atque imperare. Viri boni inquam etiam si non ideo bene agant, quia lex iubet, sed propter virtutem, quæ colunt, & secundum quam

ipsis vivere constitutum est: tamen consultius est, legibus Imperium demandare, quam arbitrio cuiusvis, etiam boni. Optimus enim quisque affectibus subinde ducitur, Aristoteles, 3. *Polit.* 15. ideoque idē 5. *Erbic. Nec.* 16. rationem, ait, (seu legem: nam lex nil suadet quam id ipsum quod ratio suadet) non hominem, imperare volumus. Ergo & viri boni legibus constringendi, ut nimirum, si quando ex infirmitate, etiam ab optimis non aliena, perturbationum affectibus ducti fuerint, legibus eas ipsas comprimant. Quandoquidem tamen lex vniuersaliter loquitur, nec particularum actionum & circumstantiarum singularium casus omnes, exprimere ac persequi potest, 2. *Polit.* 8. 3. *Politicorum.* 12. propterea, si quando incidat quaestio de singulari facto, de quo nulla lex praecipit, hic magistratus arbitrio quidem suo uti potest, & pro prudentia sua decernere, 3. *Polit.* 15. sic tamen, ne hoc decretum aut rectae rationi & conscientiae, aut ullis legibus, latius vlla ex parte repugnet: deinde nec priuata auctoritate, sed communibus consiliis prius communicatis, tale decretum statuendum est: nisi absque communi consilio id alicui forte permissum sit: *Vide* 3. *Polit.* 11.

Atqui *dixeris* licet inferiores magistratus secundum leges vivere ac iudicare debeant: supremus tamen, veluti Rex aut Princeps, supra leges esse videtur. Si quis Rex, inquit, aut quiuis magistratus supremus, ab humanis affectibus ac perturbationibus plane solutus esset, is absolute quoque legibus solutus esset, adeoque & legibus praesse dici posset. Et hoc sensu Aristot. 3. *Polit.* 12. Regē ab omni lege immunem statuit, nempe Regē eum, qui ab omni affectu liber: qualis tamen Rex nusquam terrarum inuenitur, hodie praesertim, cum ingenia hominum semper in peius ruunt. Atque Rex humanis perturbationum affectibus obnoxius, legibus etiam forma Imperii sui Regia legitime proceduntibus omnino obnoxius & subiectus tenetur. Absolute ergo tutius

rius est Regem, & omnem supremum magistratum, subesse, quam præesse, legib. quandoquidem nemo hominum plane liber est ab affectibus & perturbationibus: de quo eleganter Picolominæus, 10. gradu phil. sophiæ moralis, cap. 19.

Atque hæc in genere de quæstione illa: An princeps legibus solutus.

Sed quoniam leges non vnius sunt generis, dispi-ciendum sane & in specie fuerit, quibus nam legibus, quomodo, & quatenus, Maiestas, seu princeps iure Maiestatis, solutus perhiberi queat, vel non queat.

Maiestas Reipubl. cuiuscunque Respectu Dei absoluta nequaquam est: Sed ratione hominum tamen: & horum quidem respectu, vel proprie ac vere, absoluta: vel *relatîve*, hoc est, cum limitatione quadam. Ea vero quæ proprie etiam absoluta dicitur, Dei, naturæ seu conscientiæ, & communis politiæ legibus neutiquam soluta est; secus enim omnino ratione quoque, iudicio, & ordine, soluta ac destituta foret. Itaque nulla vllius hominis potestas, vel maiestas, in imperio sic absoluta esse debet aut potest, vt simpliciter ac proprie vel omnimodo & indistincte legibus soluta sit. Ac de iis quidem, quæ Dei sunt, item iuris naturæ, seu conscientiæ, rationis communis, & iuris gentium, nemo sanæ mentis ambigit; eo ipso enim princeps, quod creatura est, & creatori, ac communi hominum naturæ subiectus, etiam legi creationis ac naturæ, seu conscientiæ, subiectus est: & eo ipso quod huius mundi, seu politiæ mundanæ ciuis est, communibus communis politiæ legibus, iuræ gentium subiectus censi debet. Imo ne omnibus quidem specialis aliquius politiæ, vel regionis, cui præest, legibus solutus esse potest: de quo infra. Recte ergo in d. l. Princeps Baldus, principem esse sub lege poli, naturæ, rationis: vt detestandi sint Principes isti, imo ne hominum

hominum quidem, ne dum Principum, nomine digni, qui legum istarum repagula laxant: execrandi vero illi, qui sese tam nefarios nefariæ libidinis administratos principibus præbent. Quoad istas enim leges, omnium omnino hominum par ratio est, nullus inter eos ordo, nullus princeps, nullus subditus, ut eleganter *Vult. in comment. Inst. ad §. 7. n. 8. de iur. natural. gent. & civ.* Quapropter (ut modo dicta repetam & concludam) legibus omnium hominum communibus, ut puta diuinis (præsertim decalogi) naturalibus, & gentium legibus, nullus princeps, nullus Imperator, vlllo modo solutus est: quia his non ut Princeps vel Imperator, sed ut homo tenetur, adeoque in iis per omnia eodem cum omnibus aliis, etiam priuatis, hominibus iure vitur. Vnde Baldus in l. 1. C. de seru. & aq. Quantumuis Princeps legibus solutum sese dicat, rationis tamen naturalis dictamine tenetur & obstringitur, cum ius naturale potentius sit, quam Principatus, aut Imperium. Naturales ergo & gentium leges Princeps abrogare & violare non potest; quippe terminos, quos ter Maximus ille Iehoua sempiternis naturæ legibus regit, mouere non potest: idola colere, peierare, homicidia patrare, adulteria committere, bona subditis eripere, Rempub. deformare, statum Oeconomicum, politicum, Ecclesiasticum, subuettere, dominiorum distinctiones tollere, aliaque diuinis, naturæ, & gentium legibus contraria facere, principi nullo modo fas est. Ac summam, quæ pietatem, existimationem, verecundiam lædunt, quæque contra bonos mores sunt, neminem nec Principem, nec magistratum, nec priuatum facere oportet, l. 15. de condit. instit. l. 1. C. Si aduers. vendit. l. 3. C. si minor se maio. dix. l. 6. C. si contra ius. Quin & in alterius perniciem, seu præiudicium tertii, vel successoris sui Princeps nihil quicquam facere potest, *Coonan. 1. Comment. iur. civ. 16.*

num. 8. & 10. in fin. Damhud. in prax. crim. cap. 82. & 11. 06. 68. 71. 85. 104. & contra priuatas ciuium personas legem condere non potest, Guil. de arrest. Imperij cap. 9. nu. 9.

Denique pactis conuentis Princeps æque ac subditus obligatur; nec refert, siue ab ipso, siue ab alio, in cuius ius succedit, contractus celebratus sit: *Dn. Vult. d. n. 8. & 1. Iurisp. Ro. 12. num. 33. & 36. cum ibid. allegat.* ideoque lege contractus minime solutus est: Nec mirum: contractus siquidem iuris gentium existunt. Hinc *Oldend ad d. l. Princeps*, legibus à Iustitia distributiuæ, non autem à commutatiua descendentibus solutum esse principem. *Conf. Dn. Vult. d. n. 8.*

Et hæcenus de diuinis, decalogi, naturæ, conscientiæ, rationis communis, iuris gentium, & contractuum seu commerciorum legibus; (quas omnes princeps cum subditis communes habet: quia his non ut princeps, sed ut homo, tenetur) quibus Princeps nullo modo solutus est: quandoquidem & eas ipsemet gnauiter seruare debet, & alios omnes ad eorum obseruantiam sedulo adigere, præmiisque ac poenis debitis afficere; quin & singulas recte, cum opus est, interpretari, & omnino illibatas custodire, non autem mutare, corrigere, obrogare, derogare, subrogare, abrogare, abolere, &c.

Nunc ergo de ciuilibus dispiciamus, nempe de ciuilibus stricte proprieque sumptis (sunt enim & naturales gentiumque leges in ite pub. Romana ciuiles: quoniam à ciuitate Romana receptæ, confirmatæ, sancitæ: sed ciuiles in genere, non in specie ac proprie.)

In istis Interpretes admodum variant. Etenim nonnulli à τὸ πῶς omnibus indistincte legib. Principem solutum esse censent, *iuxta sæpe a. l. princeps*: alij omnibus indistincte legibus, sed ciuilibus, non autem diuinis, naturalibus, gentilibus. Ita interpretes Latini,

Latini, eosque secuti, omnibus quibuscunque legibus (græci poenariis solis) Principem soluunt, teste *Cuiac. 15. obf. 30. & alibi. Dn. Vult. comment. Instit. ad §. 7. num. 5. de iustit.* Alii scriptis tantum ac mere ciuilibus, seu mere posituiis, & his tamen omnibus & quibuscunque simpliciter & indistincte. Et hi Vlpianum, quod in iam modo d. l. has ipsas (diuinas, naturæ, gentium) non exceperit, eo excusant, quod Vlpianus tantum intra terminos habiles locutus sit, & quod istæ leges (diuinæ, naturales.) Vlpiani regula non contineantur, ac iura potius, quam leges dicantur; ideoque exceptione opus Vlpiano non fuerit in iis, quæ regula ista non continentur, in qua sermo sit de lege strictius accepta, hoc est, à populo Romano lata, vel certe de lege ciuili, id est, lege populi, Senatusconsulto, & constitutione Principis: de quibus *titulo 2. 3. 4. lib. 1. ff.* agitur: nam de iure naturæ & gentium *titulo 1.* satis actum fuerat. Accuratus in hoc genere quam cæteri omnes acutissimus *Vult. in comment. Instit. ad §. 7. num. 8. de iur. natural. gent. & ciu.* qui ciuilibus seu humanis Principem legibus solutum censet, non autem simpliciter & indistincte omnibus: quippe solis ab ipso met, vel antecessoribus eius latis; non aliis; imo ne iis quidem omnibus; quippe nō in ijs quæ ad ipsum Imperij statum pertinent.

Contra vero aliqui nullis principem legibus simpliciter solutum esse contendunt, sed certis tamen privilegiis ac regalibus cum frui, præcellentissimus Iuriconsultus *Dn. Gothofr. ad d. l. princeps, de ll. & ad N. 105. in fin. Danatus in Politica Christiana.* Alii certis quibusdam cum legibus ciuilibus solutum esse, quibusdam non solutum, statuunt, vt *Cuiacius, Donel. Corraf. & cæteri.* Ita græci interpretes poenariis ipsum legibus solutum perhibent; *Cuiacius caducariis. Douel. 1. comm. 17. Coraf. 2. Misc. 25. Frid. Bruck-*

Bruckmannus 17. de Regal. p. 1. §. soluta potestas, cap. 5. num. 81. solennibus iuris. Nonnulli denique inter vim legis directiuam (qua cum ligatum censent) & coerciuam (quæ solutum) distinguunt, *Diminut. Sotus* li. 1. de I. & I. quæst. 6 art. 7. *Comarr. ad c. alma*, p. 1. §. 7. num. 4. *Fachina* 1. controuersiar. 2. Et hæ præcipuæ sunt aliorum opiniones. At vero neque omnibus, neque aliquibus ciuilibus legibus, simpliciter, absolute & indistincte solutus est princeps. Proinde eminentissimi Iurisperiti Dn. Gothofredi sententia magis tuta & vera, magisque pia & Christiana est, nempe quod nullis omnino ciuilibus legibus (scilicet veris & honestis, ritelatis, & in vigore suo permanentibus) simpliciter, absolute omnimodo, & indistincte solutus sit princeps, ut interpretes nonnulli opinantur: sed quod aliquibus sane talibus; iisque paucioribus; solutus sit, veruntamen κατὰ τὴν, suo modo, ac in vero sensu, non simpliciter & quauis consideratione seu respectu, non quouis modo ac sensu, non sine omni distinctione.

Atqui Maiestatis veræ potestas (obicceris) omnino absoluta est: cuiusque inter alia proprium, legibus ciuilibus, ac scriptis omnibus simpliciter & indistincte solutum esse; adeoque leges omnibus dare, nullas à quoquam accipere vel admittere, nec suis, nec aliorum legibus subesse. Respond. quid est τὸ ἐν ἀρχῇ αἰετὴν, principium petere (ut vulgo in scholis loquimur) quæstionem dubiam per semetipsam probare, seu indubitaram reddere velle, si hoc non est? Sane id, quod in quæstione est, minime probat quæstionem. Illud sentiunt illi; aliud alii.

Neque vlla vilius hominis aut principis Maiestas vel potestas in Republic. vel imperio legitimo.

molaudeque digno sic absoluta esse debet aut potest, ut simpliciter ac proprie vel omnimodo legibus Reipub. seu ciuitatis soluta sit. Eiusdem ponderis altera quoque obiectio est (nempe quod Maiestas sit potestas Reipub. suprema, perpetua, legibusque soluta : item quod talis potestas seu Maiestas sit forma Principis.) Omnino enim pernegatur istud antecedentis membrum, **LEGIBVS SOLVTA** : & rursus est mera hinc petitio principii, ac quaestionis per se ipsam probatio.

Male ergo isti, qui principem omnibus indistincte legibus ciuilibus solutum pronunciant. Quidam etiam ante Augustum, & ante legem Regiam (inquiunt) soluti legibus fuerunt (vt Pompeius per legem Gabiniam, cum extra ordinem datum ei esset imperium in annos quinque, vt aduersus Piratas bellum gereret, Plutarcho teste) non tamen omnibus, nec in perpetuum, sed aliquibus, & ad tempus soluti. At vero princeps simpliciter omnibus, & in perpetuum. Hæc illi, principium petentes, quaestionemque per se ipsam probantes. Verum olim id secus erat. Romulus enim ac prisci Reges isti legibus ciuilibus soluti non erant, teste *Connano 1. comment. 12. Cap. 16.* Quin & Augustus Imperator, & Tiberius, & alii, non omnibus legibus ciuilibus soluti fuerunt, sicut non tantum in genere ex supra citato legis Imperij monumento, sed in specie quoque ex eo patet, quod Augustus solenniter à Senatu petiit, vt Liuiæ coniux lege Voconia solueretur, Tiberius vero, vt liberi sui legibus Annariis soluerentur, teste Dione, præstantissimus Gothofr. *ad l. 4. C. ad l. Ful. it.* quin & ex eo; quod populus sub Imperatorib potestatem legis cōdendæ diutissime retinuit : imo quod Imperatores suum inter Senatores & consules nomen profitebatur, ac subinde Orationibus per Candidatos, in senatu recitatis à senatoribus contendebant ac persuadebant.

bant, ut hi senatusconsulto firmarent, quod illi volebant: quarum orationum exempla quam plurima passim in legibus obuia sunt. Inuerecundus Imperator, qui non veretur Senatus reprehensionem, cuius ipse pars est, ait *l. quisque in princ. C. ad l. iul. Maest.* & *l. iul. Senatorum. C. de dignit.* qui non reueretur auctoritatem senatus, qui non curiam suam ait, *l. 5. C. de dign.* quadantenus & ex eo, quod populus, & familia, præsertim nobiles, consuetudines & pacta quædam introducere: comites vero duces, municipia, ciuitates, statuta & leges scriptas, Imperatoris consensu non requisito, condere possunt, teste *Bologn. Schr. Coler. Albo. de Rosar. Seb. Medic. & alijs.*

Sed videamus sane & ex supra dictis repetamus; qualis nam iste, quamque monstruosus, futurus esset princeps, qui absoluta ista Maestate præditus, pro libero arbitrij sui beneplacito imperaret, atque omnibus ciuilibus legibus simpliciter, absolute, omnimodo, & indistincte solutus foret. Talis nimirum, qui pro lubitu suo quaslibet aliis leges daret: nullas à quoquam acciperet, legibus nullis viueret, nullis vilius hominis, ac ne suis ipsius quidem, legibus obstrictus esset: qui leges Reipub. omnes in potestate sua haberet: qui ea, quæ iure facta non sunt, confirmare posset: qui non teneretur leges necessarias ferre, nec latas custodire, & interpretari, nec corrigere cum opus est, aut mutare vel abrogare, cum opus: nec subditos ad obseruantiam earum adigere: nec fontes punire, ac bene meritos præmiis afficere: non teneretur, inquam: quandoquidem omnia & singula ista pro beneplacito arbitrij sui libertime vel facere vel omittere posset: quippe leges necessarias vel ferre, vel non ferre, mutandas, corrigendas, obrogandas, derogandas, abrogandas, mutare vel non mutare, corrigere vel non corrigere, abrogare vel non abrogare, custodire, vel non custodire, recte interpretari; vel sinistre; & ita

D

deinceps,

deinceps. Qualisnam, quâque prodigiosa & execranda, hæc & anarchia & tyrannis futura esset?

Iura certe & leges semel receptæ, præsertim ciuiles (naturales omnino non mutantur) haud facile à quoquam mutari debent, *l. 2. de constitut. n. princ.* Leges Reipub. ad ipsum ipsius Imperij statum pertinentes, leges patrias, statas, fixas, perpetuas, aliasque utiles ac salutares, Princeps verus mutare nec debet nec potest: imo nullas temere mutabit, nisi grauis atque euidentis subsit causa. Ea vero si subsit, necessario ac mature & prouide mutabit. Si res moram ferre poterit, leges pristinas, correctione vel mutatione egentibus non nisi admodum lente ac circumspecte mutabit, ac paulatim inflectet: ne subita mutatio fiat suspecta vel periculosa: ne violenta ciuitatis commotio, Magistratus ipsos Sellis ac tribunalibus suis excutiat. In tantis enim rebus locum habet istud, *Sat cito, si bene sit.* Facilius enim est, urbem nouam nouis instruere legibus, quam in pridem constituta ciuium animos à pristinis legibus abstrahere: quoniam nouæ leges ægrius semen aliquod concipiunt, pristinae vero radicem ac fructum iam pridem exhibuerunt, sicut eleganter *4. Polit. s. Aristoteles.*

Stultissimus ergo & iniquissimus erit Imperator, qui simul ac semel seu omnes, seu plerasque omnes maiorum leges ac mores vel mutabit, ne dum penitus abrogabit. At vero leges ac mores isti ut plurimum sunt ciuiles: & in recte constituta Repub. non minus suæ sunt Imperanti, quàm obtemperanti. Quare princeps non habet mere absolutam in leges ciuiles potestatem, nec omnimodo, & indistincte legibus solutus est: quia leges patrias mutare non debet, nisi grauissima de causa: nisi ratione recta & utilitate publica id omnino flagitante.

Quin etiam non omnib. subditis aut ciuitatibus,
vel

vel principatibus, nec semper & absolute, leges prohibitu dare, vel adimere, mutare, obrogare vel abrogare potest Imperator, nisi tyrannicus. Singulis Imperij ordinib. suas leges patrias, suos mores, sua privilegia & immunitates, fartas rectas relinquere cogitur. Duces, comites, ciuitates Imperiales, suas sibi leges ferre, sua sibi statuta condere, consuetudines nouas introducere, patitur.

Deinde singulas politicæ leges, etiam mere ciuiles, non minus quam singulos ciues, custodire tenetur: ergo & legibus ipsis singulis, & ciuib. itidem, tum quoad ipsosmet, tum quo ad leges singulas, obstrictus est, non igitur omnimodo solutus.

Sed, ut alias quoque rationes conferamus, si lex ciuilis est anima ciuitatis, ut profecto est: certe caput ciuitatis, Princeps uidel. legibus ciuitatis, ac præsertim ciuilibus, neutiquam solutus esse potest aut debet. Ciuitas enim Atheniensis, Romana, Cretensis, quatenus Atheniensis, Rom. Cretensis est, præcipue seruatur, & continetur legibus Atheniensium, Cretensium, ciuilibus; atq; his ipsis ab alijs quoq; dignoscitur ac discriminatur: naturales enim & gentium leges in omnib. ciuitatibus, ac Reb. publicis peræq; valent. Itaq; nil periculosius in politica fingi potest, quàm si anima, si cor, si caput politicæ, nimirum Imperator, bonis ac salubribus Reipublicæ medicamentis non præseruetur, non bene curetur.

Talia vero medicamenta sunt leges, ac præsertim ciuiles. Qui sine lege uiuit, sine ratione ac sine ordine uiuit, etiam in mere ciuilibus. Quid enim est lex ciuilis strictè proprièque sumpta, nisi rationis rectæ in mere ciuilibus præscriptum? Sunt enim naturales quoque & gentium leges in Repub. Romana ciuiles: quoniam à ciuitate Romana receptæ, confirmatæ: sed ciuiles in genere, non in specie ac proprie. Illis nullo modo solutus est princeps (quantumuis

suo modo ciuiles sint) his nullo modo simpliciter & indistincte, sed aliquibus tantum & κατὰ μέρος.

Nulla ergo est vera rectæ Reipub. forma, *Aristotele 3. & 4. polit. teste*, ubi homo sine lege imperat, & præsertim sine lege ciuili. Naturæ namque & gentium leges, generales & vniuersales sunt, non huic aut illi; non vni soli, sed omnibus Rebus publicis communes. At singulæ Respublicæ legibus ciuilibus potissimum reguntur, conseruantur, ab aliis discriminantur. Proinde ciuilibus legibus præcipue subiectus est Princeps. Lex namque est vniuersalis ac singulis conueniens recte viuendi norma.

Atqui & princeps recte viuere debet, ac præsertim ciuilitè. Ergo & secundum legum ciuilium normam.

Princeps contra ciuiles rationes peccare potest: Ergo & contra leges in Republ. ciuiles. Proinde subest rationibus ac legibus ciuilibus; nisi Rempub. euertere velit: quod enim contra leges ciuiles pugnat, id Rempub. labefactat, & tandem destruit. Certe quoties delinquit, contra leges delinquit: nam ubi non est lex, ibi nec transgressio legis, hoc est, peccatum. Si vero contra leges delinquit, quoties delinquit, certe legibus obligatus est. Princeps vero non destructor, sed conseruator Reipub. imo pater patriæ ac Reipub. esse debet.

Proinde ipsamet ciuilis ratio, ac ciuitatis constitutio, salus populi, & Respublicæ incolumitas ac tranquillitas, principem simpliciter & indistincte legibus solutum haud ferunt.

Cæterum & ex lege conscientie ciuilibus subiectus est legibus: quippe lex conscientie non tantum continet ac vindicat legem naturæ ac gentium, non tantum legem vniuersalem: sed particularium quoque & ciuilium, etiam mere ciuilium, legum normam.

nam continet : etiam particulares ac specialissimas leges dirigit, corrigit, stabilit, mutari vel tolli præcipit : veteres seu priores aboleri, si abolendæ sunt, præscribit, easdem retineri, mutari, corrigi, novas ferri, præcipit, quoties opus est; idque semper iustitia & rectæ rationis prudentia duce. Lex conscientiæ non eos tantum arguit, & condemnat, qui contra naturæ aut gentium leges delinquant, sed eos etiam, qui contra more ciuiles, iustas tamen ac Reipublicæ salutare.

Conscientiæ forū non tantum naturales leges, & actiones ijs præscriptas, quin & personas iis obligatas, sed pariter ciuiles quoque, concernit ac regit: nec *προσωποληψίαν* vllam admittit, sed principem iisdem omnino legibus obstringit, quas ille ciuibus suis præscribit. Lex enim conscientiæ perpetua est, eaque tum in genere, tum in specie & indiuiduis constantissima. Quod tibi vis fieri, id & alteri feceris: quod non tibi, id ne alteri : Item turpe est doctori, cum culpa redarguit ipsum : turpe, in alio quid culpæ, & in eodem culpabilem esse. Lex conscientiæ est illa quidem vniuersalis in propositione syllogismi, si in Syllogismum redigatur. Sed in assumptione & conclusione istam vniuersalitatem ad specialia, & ad certam personam hominis, seu Principis, seu alterius, accommodat; vt. Qui leges bonas fert aliis, iisdem parere debet, aut eas aliis non præscribere ; Princeps leges fert aliis; ergo iisdem parere debet, aut eas aliis non præscribere: quicunque demum iste seu in genere, seu in specie sit Princeps. Conscientia singulas singulorum hominum actiones & facta ad legum non tantum naturalium & gentilium, sed omnino ciuiliū quoque (si honestæ & vtilis sunt) normam examinat, probat, condemnat.

Deus enim, cui omnes, & homines & hominum

actiones Imperia, Respublicæ, ciuitates, subiectæ sunt, in conscientia hominis tribunal suum erexit, probans probanda, improbens improbanda: idque sine ullo personæ, seu principis, seu alterius, respectu.

Quod in bubulco vel probat vel improbat: id pariter & in Principe: sic tamen, vt singuli suum vitæ institutum, suas partes, suumque officium exquantur. Proinde conscientia etiam in ciuili vita, legibus ciuilibus, honestis scilicet ac vtilibus, omnino obstringit principem, iubet, vetat, arguit, damnat, castigat, flagellat Principem, non minus quam priuatum.

Sane ex rationis rectæ & conscientiæ sanæ dictamine omnes omnino leges veræ ac iustæ, præsertim vero ciuiles, proficiscuntur. Rationi autem rectæ, & conscientiæ sanæ canoni seu regulæ, omnes omnino subsunt homines: ergo & legibus, præsertim ciuilibus: quin & virtutibus singulis omnes subsunt homines.

Leges autem, etiam ciuiles, præcipiunt virtutes, ac virtutibus consentaneas actiones: secus leges non erunt: leges honestarum actionum & virtutum omnium meta sunt: quam si transgredi liceat principi, vtique hoc ipsi agere licebit, quod rationi, quod conscientiæ, quod honestati, quod denique virtuti repugnat. Vt enim intra metam à legibus præscriptum omnia sunt honesta: ita extra eandem omnia honestati repugnant: præscriptam à legibus, dico: nempe tam ciuilibus, quam naturabilibus aut gentilibus: siue sint ciuiles laxius acceptæ, sub quibus & prætoriz, siue specialius sumptæ, & his oppositæ.

Sunt enim in ciuitate Romana leges naturæ, gentium, ciuiles, prætoriz: ciuiles, aut mere ciuiles,

aut

aut non mere. Quoad mere civiles; si quid stipulatus est, si verbis, si literis se obligauit princeps: ciuilitè se obligauit: ideoque ciuilitè obligatus est, etiam de necessitate iuris. Proinde & in mere ciuilibus ciuilitè obligatur. Varia quandoque promittit subditis princeps: iubet hæc vel illa à se petere subditum: atque ita suis certe legibus, vel mandatis ac promissis tanquam legibus, sæpius ciuilitè se obstringit subditis: ac subditos sibi.

Porro, ne in istis prolixior sim, cur princeps certa quædam habet priuilegia. & Regalia (quæ certe mere ciuilia sunt) si legibus ciuilibus omnino solutus est: quippe priuilegia habet, hoc est, exceptiones à communi regula: ergo in aliis, præter exceptiones istas, regulæ subiaceret: in ijs nimirum, quæ ad ipsius personam aut propriam, aut analogicis accommodari possunt, non autem in iis, quæ non possunt, vel quæ rite priuilegiata habet. In his enim solis, legibus solutus est, nempe quæ nec propriæ ac diserte, nec analogicis, ad ipsius personam accommodari possunt, deinde & in his quæ recte ac merito priuilegiata habet.

Similiter lex Regia, quæ toties ab adulatoribus ad thronum Imperatoris aut Regis decantatur, nonne ciuilis est? nonne huic Imperator; quandoquidem ipsi favet, cumque ferme DE VM facit; subiectus esse cupit? Et tamen huius ipsius legis Regiæ supra citatum; quod etiamnum Romæ visitur; monumentum, nec omnes Principes, sed certos & pauculos, (Iulium Cæsarem, Augustum, Tiberium, Claudium Germanicum, & Vespasianum) nec legibus simpliciter ac indistinctè omnibus, sed certis quibusdam, & κατ'ἄλιν, solutos pronunciat.

Et iis certe legibus, quibus si princeps eas negligere, publicum bonum offenderetur aut impediretur, vel ipsa communis civium societas læderetur, aut scandalum pateretur, principem quemcunque teneri, iura omnia prorsus flagitant, *Corras. 2. Misc. 35. num. 5.* Et ut maxime cæteris plerisque solutus sit Princeps: quis cum legibus ad ipsum implius Imperii statum pertinentibus, quippe civilibus, solutum dixerit? ut recte Dn. Vult. *supra d. loco.* Imo acutissimus Cuiatius, 15. *obser. 30. circ. med. & in recit. ad l. 5. col. 9. 10. de iust. & iur.* interpretatus verba illa legis, 1. *de constit. prin.* Populus ei, & in eum, omne suum Imperium &c. concludit Principem suis teneri legibus, perinde ac suis etiam legibus populus tenebatur.

Non possunt (inquit) aliud ea verba (populus ei, & in eum) significare, quam populum in vicem suam creasse regem, ut subiret vicem populi, ut pateretur, & ageret, quæ populus. Nam ut populi, ita regni sunt onera quædam. Ita in l. 1. *ad Senatusconsult. Trebell.* dicit, *ex Senatusconsult. Trebell.* ei & in eum actiones transire, id est, actiones activas & passivas. Et in leg. receptum, de iurisdic. ei & in eum ius dici posse, qui se subiecit iurisdictioni alterius, id est, absolui eum posse, vel etiam damnari, vinci, vel vincere iudicio, & mox ibid.

Non est igitur solutus legibus, quia non agit tantum, sed etiam patitur, ut & populus, quod cuique bonum & æquum est. Hæc Cuiatius *d. col. 9. & 10.* Idem Cuiac. in *Recitatio. ad l. 1. C. de testament. colum. 51.* Nec vero unquam dicam, generaliter esse verum, quod ait lex Princeps; cum id tantum sit accipiendum specialiter de lege Iulia & Papia, non de legibus omnibus.

Atque

Atque hac ipsa certe ratione mirifice inter se de-
quincuntur, Principis ac subditorum animi. Contra
vero, si Princeps legibus ciuilibus omnibus simplici-
ter & indistincte solutus sit, subditorum (vt quibus
nō admodum obstrictus) haud magnam curam ge-
ret: ac vicissim subditi pro amore, quo complecti i-
psū debebant, odium concipient. Si Principem om-
nibus simpliciter legibus ciuilibus soluamus, pa-
tentissimam ei ad omnem tyrannidem fenestrā ape-
riemus: & animum ipsius quantumuis ingenuum ad
turpia & illicita quæq; pro libidine contra leges ten-
tanda; Subditos vero ad inobedientiam, ad tumult-
us, ad seditiones, ad fremitus contra Principem, in-
citabimus, vel saltem occasionem promptissimam
præbebimus: Atq; ita & tyrānidis quoad Principem,
& seditionis ac rebellionis quoad subditos, sæcun-
dissima parens est, ista omnium legum indistincta
solutio.

Imo & adulatoribus viam ad Principes peruertē-
dos planissimam aperit. Assentatores enim isto præ-
textu principibus facile persuadent, Omnia ipsis lice-
re, & hoc ipsum ita iure cautum esse. Atque hoc mo-
do fit, vt naturæ interdum etiam optimæ in principi-
bus ad omnem libidinem, atque exinde ad tyranni-
dē, & omne dedecus præcipites ferantur: de quo con-
queritur *Cora* s. 2. *Misc. ult. & Viglius* s. fi. *quibus mo-
dū testamenta infirm. Du. Vult. ad* §. 7. *num. 7. com-
ment. Instit. de iust. & iur.* Ad hæc Princeps aut legi-
bus simpliciter omnibus solutus non est, aut, si reue-
ra solutus, ob tyrannidem, quantumuis enormem,
occidi non poterit. At vero tyrannum, seu Principem
plane tyrannicum, occidere licet: Ita Romani Nero-
nem, & alios Imperatores peruersos (vt supra) hostes
Reipub. iudicarunt, ac more maiorum trucidandos
pronunciarunt: quin & memoriam talium iam de-
mortuorum ignominia perpetua notarunt, itaque

Princeps legibus simpliciter omnibus solutus non est, id, quod & mutua mutuae relationis analogia coniungit.

Ciues iuxta leges vivere ac principi in omnibus iuxta leges obtemperare debent. Ergo princeps quoque in omnibus iuxta leges eos regere, & imperare: Si vera in imperio imperandi & obtemperandi harmonia, verus utrinque amor, concordia, publica utilitas, & tranquillitas constare debet.

Porro si ex potestatis plenitudine Princeps bona subditis auferre, vel ulli homini, etiam privato, invito ius suum adimere, nequit: ut certe nequit: verum profecto non est, legibus eum solutum esse: Secus enim bona ipsis pro lubitu arbitrii sui auferre, & ius adimere posset.

Quin & propter exemplum princeps legibus se submittere debet: ut nimirum subditi praeclarum eius exemplum imitentur. Nam qualis rex, talis g. ex. Regis ad exemplum totus componitur ordis.

E hinc optimi ac piissimi quique Principes & Imperatores ultro ac libenter sese legibus civilibus subiecerunt: adeoque & solennitatibus iuris (de quo infra plenius) quippe propter conscientiam, rationis rectae praescriptum, & exemplum subditis imitandum. Eleganter enim Claudianus:

*In commune iubes si quid, censesve tenendum
Primus iussa sibi, tunc observantior aequi
Fit populus, nec ferre vetat, cum videris ipsum
Autorem parere sibi, &c.*

Quin etiam de eo ipso Principes isti gloriati fuerunt: id ipsum sibi gloriosum dixerunt: nempe quod se ac principatum suum legibus submisissent. Itaque
Im-

Imperatores veri ac pii, ipsimet quoque improbant istud Vlpiani, principem legibus solutum esse: idque adeo quidem, vt non tantum iure ac legibus, sed & solennitatibus iuris quandoque soluti esse nolint, *l. ex imperfecto. 3. Cod. de testamētis*. Nec sine causa.

Recte namque Apollonius Thyaneus ad Domitianum Imperator. teste Philostrato, *libro octauo*, Si leges tibi imperare non putaueris, ipsemet recte non imperabis. Et reuera maius imperio est, principem legibus submittere principatum, ait optimus Imperator Theodosius, *in lege quarta. Cod. de legibus*.

Ac certe aut rectum iustumque est, principem legibus solutum viuere; proinde & legibus solutum esse: aut non est. Si rectum: pessime fecerunt optimi quique Principes, quod legibus se subiecerunt.

At vero optime fecerunt ac piissime, quod sese legibus submiserint, de quo inf. ergo rectum iustumque non est, principem legibus solutum viuere; adeoque & legibus solutum esse.

Atque hic notandum sane, quod praestantissimus Baro ad saepe dict. l. princeps, litera i. k. admonuit. Sed Principes (ait) memores se homines esse, etsi legibus, inquit, soluti sumus, legibus tamen viuere volumus.

Hoc enim & populus, qui legem iussit regiam, voluit, vt principes sponte sua leges paterentur & obseruarent, quas ipsi constituerunt, vel quas bonas esse putarent: Sponte, inquit: & hoc ipsum mox explicat: nam principes (ait) vi ad hoc adigi indignum existimauit populus, quippe cum Principes sint, vel esse debeant, iustissimi. Sic enim lex, inquit diuina sapientia, non est iusto posita, Et ibid, optimi Principes

Theo-

Theodosius & Valentinianus imperium legibus parere voluerunt, eo quod ex legibus penderet. Hæc Barro. Et sane cum princeps sit viua lex, qui fieri possit, ut ipse, Principis veri appellatione ac dignitate retenta, leges non seruet, aut contra leges agat, *Oldend. ad 1. de orig. iur.*

Præsertim vero cum legibus ciuilibus ipsimet vltro sese obstrinxerint in iure nostro: cumque hanc ipsam legem ipsimet sibi posuerint. Nihil tam proprium imperii, quam legibus Principem viuere, ait Imperator in d. l. 3. C. de testam. Princeps est alligatus legibus, l. 4. C. de ll. Et Principem legibus esse solutum, est vox indigna maiestate regnantis. *ibid. l. 23. de legatis 3.* decet tantam maiestatem seruare leges, &c. Paul. 4. sentent. 5. §. 3. Eum qui leges facit, pari maiestate legibus obtemperare conuenit. Hodie sane prudentissime passim constitutum est, ut Principes statim initio imperii sui populo iurent in leges Reip. Idcoque tantum abest, ut legibus soluti sint, ut quam maxime obstringantur legibus politiæ ex suo iure iurando, ait Cuiacius in recit. ad tit. C. de testam. col. 19. & in recit. ad l. 5. colum. 11. de iust. & iur. Hodie (ait) Principes non sunt soluti legibus, quod est certissimum, quoniam iurant in leges patrias, in quas olim non iurabant. Ita Galli suas habent leges Salicas: Germani auream Bullam, & constitutiones nonnullas: alij alias leges: non tantum ducibus, & comitibus, sed regibus quoque & Imperatoribus, ut eas obseruent, præscriptas: & hoc adeo quidem, ut, si eas non obseruent, sed enormius aduersum ipsas peccent, de regni quandoq; & imperii sui throno deturbari possint. Sic enim Wenceslaum imperatorem ab imperio remouerunt Electores, Volateranus, lib. 23. Bapt. Egnat. Ioan. Cuspinian. in vitis Imperator. & olim à senatu Romano sepe Imperatores sunt hostes iudicati, Suet. in Ner. & alibi: de quo supra quoque dictum.

Cæterum

Cæterum tantum abest, vt Princeps legibus simpliciter & indistincte omnibus à populo solutus olim fuerit, vt expresse solis solennibus iuris per legem imperii solutus dicatur in *l. 2. C. de testam.* imò vero & his quoq; non omnibus; adeo quidem, vt multis etiam solennibus ac mere ciuilibus solutus non fuerit; imò nominatim & expresse ligatus: quippe non fuit solutus lege Falcidia, *l. 4. C. ad legem Falcid.* nec lege Gliecia, *l. 8. §. 2. de inoffic. testam.* nec lege Voconia: qua de causa veniam legis Voconia Augustus à senatu petit apud Dionem: nec Annariis legibus: qua de causa Tiberius veniam eorum itidem à senatu petit, vt supra, vide Cuiac. *15. obseruat. 30. Dn. Gothofr. ad d. l. 4.* Sed & plerisque aliis (ait ibidem Cuiacius) Principes soluti non erant legibus, licet imperiis initio non iurassent in leges: & multo minus, si iurassent. Quia imò vt populus ipse suis legib. tenebatur: ita & princeps, cui & in quem populus omne suum imperium cōtulerat; adeo vt potestas Principis & in ipsum Principem esset, *l. 4. C. de legibus.* Hæc Cuiacius. Deniq; virtutes Ethicæ & Politicæ, & inprimis iustitia, & rationis rectæ prudentia, non tantum priuatos ligant, sed & inprimis Principes. Et lex conscientia ius naturæ à Deo mentibus nostris impressum custodit: sed iura ciuilia regit, dirigit, corrigit, & ea, si legitima sunt, riteque lata, non minus vni quam alteri, nō minus Principi quam subditis, sed omnibus in eadem Rep. degentibus pariter iniungit, omnes pariter obstringit, *προσωποληψίαν* nullā prorsus admittit: aut si quā admittit, certe non aliam, nisi eam, quæ à principe certe plus pietatis, iustitiæ, & æquitatis, veritatis, fidei, bonitatis, &c. quam à subditis, requirit. Atq; hæc sunt præcipuæ rationes, argumēta & testimonia, quibus satis superq; euincitur, Principem legibus omnibus solutum non esse, multo minus legib. omnibus simpliciter, absolute & indistincte. Nunc aduersæ quoq;

quoque partis obiectiones & rationes potissimas dispiciamus. Princeps (aiunt) omnibus imperii sui ciuibus ac subditis ciuilitate imperat, legesque fert. Ergo ipse legibus ciuilibus omnibus solutus est Resp. Ipse omnibus imperat: sed secundum communes ipsius politice leges, secundum rationem rectam, legem conscientie, utilitatem publicam: Si secus faxit, non imperat ut verus Princeps, sed anarchiam vel tyrannidem exercet, ut tyrannus. Nec sequitur: omnibus Reip. ciuibus imperat, ergo omnibus Reip. legibus solutus est, aut esse debet. Immo si vere ac recte, ut verum principem decet, imperat, secundum leges (quippe honestas) recte latas, utiles, adhuc vsitatas) imperat: ac retrosum, si non secundum leges imperat, non imperat, ut verum Principem decet. Nec sequitur. Leges fert aliis omnibus, ergo ipse legibus omnibus solutus est. Immo vero, quia leges fert aliis, eo ipso legibus ipse quoque se adstringit, si modo vir bonus est, aut esse cupit. Nam quod tibi vis fieri, &c. Turpe est doctore, &c. quin imo nec sequitur: legibus omnibus solutus est (quod tamen falsum) ergo legibus omnibus simpliciter, in genere, absolute, indistincte solutus.

Eiusdem ponderis & hoc est: Principi nemo ciuilitate imperat: nemo mandat: nemo leges prescribit, quae ipsum obligent: Princeps nemini obtemperare tenetur. Resp. Immo vero principi bono, bono, inquam, ac vero iustoque Principi, nemo imperat, nisi ratio recta nisi virtus, nisi iustitia, nisi leges communes istius, in qua degit, politice: nemo, nisi lex conscientie, quae ipsum arctissime obstringit etiam ad particulares leges ciuiles, quaecunque; ad ipsius personam ullo modo, vllave analogia accommodari possunt: lex, inquam, conscientie: Quod tibi fieri vis, id alteri feceris: quod non tibi, id ne alteri. Item turpe est Doctore, cum culpa redarguit ipsum: nil denique ei obstat, nisi ratio officii ac personae, quam sustinet: quae flagitat, ut in omnibus bono

bono exemplo præeat ciuibus ac subditis suis. *Ex l. 12. tabul. Cic. 3. de legibus*. Is ordo (magistratuum ac senatus) vitio vacato: cæteris specimen esto; *causa 11. quaestio. 3. can. sum. opere. 70.* iudex nõ secundum voluntatem propriam, sed secundum leges sententiam feret; *causa 3. quaestio. 7. can. 6. 7.* ex D. Augustino ac Beda, verum iudicium est iudicare prius conscientiam propriam: demum culpã alienam. Postremo principi nemo imperat, nisi Deus; etiam in ciuilibus negociis ac iudiciis. Inter homines Christianos, qui Deum tanquam ipsam & supremam iustitiam recognoscunt, ius omne, legesq; omnes, non tantũ naturæ ac gentium, sed ciuiles quoq; à Deo ac lege Dei pendunt: Deus enim ex iuris & iustitiæ, & imperii & reip. quin & hominis ipsius, autor & conseruator est, *Deut. 16. versic. 17. 18.* iusto ac sincero iudicio iudicate populum: ne respectum personæ habeatis in vlllo iudicio: æque paruum ac magnum auditote, nec metuite à quoquam: nam iudicium Dei ipsius est, *2. Chronic. 19. versic. 16.* Iosaphat exhortatur iudices: videte, quid agatis: iudicia enim exercetis non hominibus, sed Deo: & is vobiscum est in iudicio: Ergo timētes Dei estote: qui personas nõ respectat, nec munera acceptat: apud quem nulla est iniquitas.

Leuit. 19. versic. 15. In iusticia iudicabis proximum tuum. *Deuter. 16. versic. 19. 20. & 25. versic. 1.* *Exod. 23. versic. 7.* Iustitiam ipsam diligenter sectare, vt viuas & possideas terram, &c. Iustum pronunciatum cum, qui iustus est, & improbum, qui improbus. Instant illi. Principi nemo leges ciuiles præscribit, Princeps sibi met ipsi imperare, *l. penul. de arbitr.* sibi met ipsi obtemperare, sibi ipsi manus ligare, seipsum coercere ac punire non potest. Ergo. Respondeo: Imo ipse met sibi præscribit leges, eo ipso dum aliis præscribit, secundum communia illa & maxime naturalia principia practica, quod tibi fieri vis, &c. Tunc

est Doctori, &c. Proinde ipsius naturæ; itemque conscientiæ, monitu & instinctu Princeps quas aliis præscribit leges, has ipse quoque seruare, aliisq; bono exemplo præluere debet, quatenus villo modo vllave analogia ad ipsius personam accomodari possunt: nisi forte iusto quodam liberatus sit priuilegio, iustave causa excusetur, sine culpa sua impediatur, &c. Deinde & expresso ciuili actu ac diserta legumlatione potest quis sibi ipsi leges ac conditiones præscribere. Ita Carolus Quartus Imper. non tantum aliis; sed sibi ipsi quoque leges præscripsit. Ita & hodie Imperatores, ac status imperii in comitiis, in ordinationibus, recessibus, constitutionibus imperii. Populus Romanus (penes quem tamen omnimoda tunc & absolutissima quasi Maiestas erat) quondã sibi ipsi ferebat leges. Et quænam isthæ consequentia est. Princeps sibi ipsi imperare, vel obtemperare nequit; ergo legibus ciuilibus omnibus simpliciter & indistincte solutus est. Atqui seipsum punire nequit ciuilitè: Punit ergo ac punit eum conscientia sauciata & irrequieta: punit eum DEVS hoc aut illo morbo, bello; captiuitate, aliove infortunio. Populus etiam rebellis ac seditiosus eum quandoque punit vel occidit, si legibus nimium solutus esse velit. Summa est: Princeps legibus ciuilibus obedientiam debet (ratione conscientiæ, rationis rectæ, iustitiæ, ratione officii sui, ratione exempli) non minus quàm populus: debet, inquam: licet populus ei & obedientiam & pœnam remittat, vel punire non queat. Eodem & istud spectat. Princeps sceleratus à nemine accusatur, cõdemnatur, plectitur, nisi à conscientia sua, nec alibi quàm in foro conscientiæ, & in cõscientia ipsa: nullius testimonio conuincitur, nisi conscientiæ suæ, &c. ergo. Respond. Nulla hæc quoque consequentia est. Princeps à nemine accusatur, damnatur, &c. nisi à conscientia sua. ergo legibus ciuilibus omnibus simpliciter & indistincte solu-

solutus est. Deinde quid si alius ipso potentior princeps, aut hostis, quid si rebelles eius subditi; ita in Germania nostra quid si Electores & vniuersi imperii ordines ac status summū principem accusent, &c? Sic enim & Wenceslaum Imper. ab imperio remouerunt, vt supra. Denique nonne hoc ipsum sententiam nostram mire confirmat, quod nec vllus princeps, nec vllus omnino mortalium nascatur & viuat, quem non sua ipsius conscientia etiam in hac ciuili vita societateque politica, in ciuilibus quibuscunque negotiis adstringat & alliget legibus ciuilibus (honestis videlicet atque vtilibus) earumque cultui & obsequio; idque adeo quidem, vt legibus ciuilibus obsequi reluctansem pungat etiam, trudet, stimulet, accuset, angat, excruciet, condemnet, iugulet? Proinde legibus ciuilibus; præsertim omnibus & indistincte; princeps solutus non est. Lex conscientie ab omnibus omnino mortalibus flagitat, non tantum obsequi ac parere legi nature aut gentium, sed legibus quoque ciuilibus, honestis videlicet, rite latis, vtilibus, & in vigore suo permanentibus. Lex conscientie non eas tantū arguit & cōdemnat, qui contra nature aut gentium leges, sed eos etiam, qui contra mere ciuiles, iustas tamen ac Reipubl. salutes, delinquant.

Sed nonne absurdum est Principem talibus subiacere legibus, nempe ciuilibus, quas ipse omnes ac singulas in sua, eaque plena, potestate habet? quas ferre, mutare, corrigere, obrogare, derogare, subrogare, abrogare, quotiescunque lubet, potest? Respond. habet plenam earum mutandarum potestatem, sed tum demum, si in eas, vt fieri solet, non iurauerit. 2. Si ad ipsum ipsius imperii statum non pertineant. 3. si grauis, iusta & necessaria mutationis causa sit: leges enim non facile mutandæ, vt supra. 4. nec quaslibet ferre, nec quaslibet mutare, vel abrogare potest: sed iustas, viles, ac necessarias ferre; non necessarias, ini-

quas, inutiles, mutare vel abrogare potest. Habet ergo plenam potestatem in nonnullis, sed secundum iustitiam & rationem rectam, secundum legem naturæ & conscientiæ, secundum principia practica, iuxta naturalem naturalis æquitatis normam, iuxta communes, statas, fixas, patrias ciuitatis leges, populi que naturam, ingenium, & mores. Non enim cuiuslibet populo, non quibuslibet ingeniis ac moribus, quælibet leges ciuiles conueniunt.

Atqui principes hæc ratione & ipsi fuerint subditi? quod absurdum. Respond. Non hominum subditi, sed legum, quæ omnino diuinum quiddam sunt, sed ordinis & iustitiæ, sed rationis rectæ, virtutis, iustitiæ, legis naturæ, legis conscientiæ, in qua Deus ipse tribunal suum habet, vt supra. Principem sane rationi rectæ, virtuti, legibus diuinum quiddam habentibus, non minus quam alios homines obtemperare, nil quidquā absurdi est. Imo absurdissimum ac bellum, istis non obtemperare, sed affectibus & libidinibus suis morem gerere.

Eiusdem momenti & illud est. Atqui volūtas imperatoris summi hac ratione sibi ipsi serua erit: quod absurdum. Respond. Non sibi, sed Deo, sed rationi rectæ, sed virtuti, sed iustitiæ, sed legi conscientiæ, legi naturali ac politicæ. Legum namque serui libenter sumus (velut rectissime Tullius) vt ita vere liberi esse queamus. Ideoq; & optimi quique principes legibus ciuilibus sese libenter submiserunt: Et quo magis pii ac vere boni, eo libentius.

Obiicitur. Atqui singula ferme ista quæ hæc inculcantur & respondentur, nō de Principe, de quo, an legibus solutus sit, quæstio est, sed de bono, de pio, de iudice, ac sapiente principe vera sunt. Resp. absurdum vero sit, nisi de hoc ipso & quæramus & reddissimus. nim bonus, pius, benignus, prudens, spōdeamus. Qui princeps, sed Tyrannus est. nō est, is nequaquā verus.

Absurdissimum vero sit, cū de Principe, eiusq; officio, priuilegijs ac regalibus sermo vel disputatio est: ad peruersum Principem & ad Tyrannū omnia & querendo & respondendo & argumērando accommodare. Princeps seu Monarcha peruersus & nequam, non est Princeps, sed tyrannus. Itaque pleriq; in hac materia valde imprudēter separant Principem, ac bonū Principem. Neq; sane differere nos decet, quid fiat in politia Romana, vel in minus legitima Reip forma, qualesq; multi fuerint Imperatores, sed quid in legitima Reip. forma fiat, quidq; fieri, qualesq; Principes esse debeant: non quid peruersi, arrogantes, fatui, aut imprudētes, sibi sumptierint, vel à senatu populo ve astute extorserint: sed quid pro ipsorum virtutibus, beneficijs, officio, meritis, quid pro Reip. ac subditorum communi cōmodo ac salute, illis ipso iure conueniat: nō quid populus aut senatus imprudens, vel coactus, vel circumuentus, Principi cōcesserit: sed quid bono, pio, & prudenti principi concedi debeat aut debeat: non quid ipse ab imprudentibus Romanis per l. regiam, aut alia quauis ratione, oblatum acceperit: sed quid pro sua pietate ac prudētia ad communem populi salutem, nō autem priuatum hōnorem vel commodum acceperit.

Atqui licet pij Principes legibus ciuilibus se submiserint: hoc tamen non coacte, non ex necessitate vel obligatione, non ex debito fecerunt: sed spontaneo motu & liberrima voluntate. Ergo re ipsa legibus soluti erant. Respond. Imo vero Principes isti, si modo veri ac boni Principes vel esse vel audire cupiebant, ad id faciendum obligati erant. Neque enim satis, aliquem esse Principem, nisi idem verus quoque ac bonus Princeps sit. Princeps ex nescio qualēge regia solutus legibus esse cupit: verus ac bonus Princeps. 1. ex conscientia sua. 2. ex honestatis publicę. 3. ex vtilitatis ac salutis publicę & ex officii sui. 4. ex virtutis,

virtutis, iusticiæ, decori, rationis rectæ, consideratione. 6. exempli publici gratia, se obstrictum legibus proficitur, ideoque & lubentissime se iis submittit: Quod, nescio quæ lex regia principi concedit & condonat, ab eo verum ac benignum principem verecundia, & penitior honestatis ac iusticiæ contemplatio abstrahit & reuocat, quippe non omne quod licet, honestum est, *l. non omne. de regul. iur.* & inuerecundum est, non decet, eas non seruare leges principem, quibus etiam solutus videtur, *l. 23. de legat. 3. confer. Dn. Vult. ad §. 7. num. 5. comment. Instit. de iur. natural. gent. §. 8.* Principi ergo vero ac bono maximam necessitatem, obligationem, coactionē seu debitum obtemperandi legibus imponit 1. Deus & conscientia. 2. ratio recta. 3. virtus & iusticia. 4. honestas publica. 5. ratio officii ac personæ quam sustinet. 6. modestia, decorum, & verecundia. 7. salus populi & vtilitas publica. 8. propriæ ipsorum Imperatorum leges, quibus sibi hanc legem ponunt. Deceat maiestatem seruare leges, *l. 4. C. de legib.* Eum qui leges facit, pari maiestate legibus obtemperare conuenit, ait Paul. 9. exemplum publicum. 10. conciliatio ardentioris subditorum erga principem amoris ac fidelitatis. Si namque legibus sese iisdem, quibus & populus, submittat, bonoque exemplo præluceat, longe maius subditorū erga ipsum obsequium, ac validior æmulandi amor existit, ut Corn. Tacitus ait: Et cum sit imperio maximus, exemplo adhuc maior erit, ait Vell. Patere. quia amari, diligi, & coli à subditis, maius est quam iis imperare symmacho teste. Necessitas tamen & coactio, hoc est. obligatio ista, nequaquam ferulis est, sed liberalissima talis nimirum qualem Cicero rectissime describit; legum serui (ait) libenter sumus, ut ita vere liberi esse queamus.

Atqui hoc pacto Iustiniani Imperatoris, & Vlpiani, Iurisconsultorum veterum facile coryphæi, auctoritas

thoritas in Iurisprudencia Romana extenuatur. Princeps legibus solutus est, ait Vlpianus *lib. 13. ad legem Iuliam Papi.* & hoc idem ex Vlpiano Iustinianus ait, *in sape d.l. princeps.* Respond. Vlpianus aut non generatim locutus est ut vult Cuiacius, qui eum de legibus caducariis tantum locutum, ex coniectura maxime probabili existimat; neque enim certe dicit, ut nonnulli, princeps legibus omnibus simpliciter & indistincte solutus: Aut imperatori suo, Alexandro Severo, apud quē in maxima erat gratia, adulatus: Iustinianus autē, hoc est, Tribonianus sub nomine actitulo Iustiniani Imperatoris, Vlpianum sine ratione imitatus est: quippe quem non satis intellexit, aut certe non satis ad lydium veritatis politicæ lapidem ac incorruptam philosophicorum, hoc est, verorum Reip. fundamentorum normam examinavit, idque imprudenter probavit. Nec sane mirum, Iurisconsulti namque, & Impp. eos secuti, utrique ad praxin magis intenti, à veris philosophiæ ac politicæ, ut & historiarum principiis & fundamentis, ut nunc, ita olim quoque interdum exorbitant. Vnde Cuiacius & Cuiacium inter Germaniæ quidem Iurisconsultos, imitati, Dn. Wefenbecius, atque ex iis qui etiam nunc superstites sunt, viri de iuris scientia optime profecto meriti, Dn. Dionys. Gothofredus, Iul. Pacius, Herman. Vulteius, Iohan. Gæddæus, Hieronym. Treutlerus, qui magno Iurisprudentiæ methodicæ conformandæ ac tractandæ incommodo ab Academicis abreptus est, non quod multa scripserit, sed quod pauca accuratissime, in quibus ex vngue leonem; hi, inquam, in primis, & alii pauci, à veris philosophiæ ac politicæ principiis & fundamentis, à veris definitionibus ac distributionibus, à vera Methodo, à veris rerum tractationibus, historiis, lectionibus, non facile certe (aut minus quam pleriq; in humanis nil omni ex parte perfectum) exorbitant: quoniam philoso-

phicum, politicū, dialecticū, linguarū, historiarū, studium assidue, ac diligentissime cū iurisprudētia conferunt: & praxin cum theoria coniungunt, nō autem confundunt: multa vix utrunq; in iure vel interpretib. eius descripta accurate definiunt, multa confusa distinguunt, adeoq; multa intricata & inuoluta solenter extricant ac euoluunt. Vt ergo certus ac directus cœli motus est: & per accidens tamen aliquis indirectus trepidationis motus oritur. Ita veterū (vt & recentiorū plerorumq;) Iurisconsultorū & Imperatorum optimus motus & affectus est, optimæq; leges ac regulæ, in plerisq; rationi rectæ, & fundamētis philosophicis ac politicis pulchræ consentaneæ: & tamen ab his ipsis interdū ob rerum, actionum, factorum, casuum, circumstātiarum, &c. mirificam perplexitatem, quasi trepidando exorbitant. Eiusdē cum superiorib. momenti sunt & illa: Diuus Seuerus & Antonius sæpissime rescripserunt: licet legibus solutissimus, attamen legibus viuimus; *Instit. quib. modis testamentum infirm. inf. & l. 3. C. de testam.* licet lex imperii solennibus, iuris Imperatorem soluerit, nihil tamen tam proprium imperii est quā legibus viuere. Eiusdē momenti, inquam. Verus enim sensus est; Licet legib. de facto, aut nescio qua lege imperii soluti simus: tamen syncero & incorrupto iure legibus soluti non sumus, 1. quia conscientia. 2. iustitia legis naturæ. 3. ratio recta & incorrupta. 4. ratio officii. 5. salus Reip. 6. proprietas imperii veri seu proprium veri Imperatoris officium. aliam legem, & à lege imperii diuersam vero pioque principi ponunt. Deinde leges istæ neutiquā dicunt, principē legibus omnib. simpliciter & indistincte solutum, sed legib. hoc est, solennibus iuris. Atque hac ratione neq; illud Vlpiani in princ. l. 1. de constit. princ. subsistet: quod principi placuit, legis vigorē habet: utpotē cum lege regia, quæ de imperio eius lata est, populus ei & in eum omne suum imperium ac potestatem

potestatem contulerit. Resp. Commoda Iuriconsultorum interpretatione hoc nonnulli posse leniri existimant: nempe ut lex seu νόμος non intelligatur sine λόγος: & ut ita, quod principi placet, videlicet κατὰ λόγον, qui in principe ac principis consilio inesse presumitur, quoniam est iustitia animata, Aristoteli s. Ethicorum Nicom. ut hoc, inquam, legis vigorem obtineat. Quæ quidem, ut alia similis interpretatio si locum habere non queat, ista certe Vlpiani sententia, Quod principi placet, legis vigorem habet, valde adulatoria fuerit, quippe non abhinc illi Neronis. Sic volo, sic iubeo, sit pro ratione voluntas; vel Demetrii, quicquid rex Demetrius iussisset, id apud Deos fas, & apud homines ius esse; vel alterius cuiusdam apud Plutarchum, id ius esse, quod utile Spartz sit. Atqui profecto illicita & inhonesta principum placita pro lege nequaquam habenda sunt, sed ea, quæ naturali aut civili, rationi, honestati, iustitiæ, & æquitati, pudori naturali aut civili, non repugnant. Nam ius civile, etiam mere civile, sine illis ipsis ius esse ac subsistere nullo modo potest. Ius enim civile, est præceptum virtutis ac iustitiæ civilis, rationi rectæ ac legi conscientiæ consentaneum: vel prudentiæ, rationis rectæ, ac iustitiæ legis conscientiæ conforme. Ceterum & alia quædam erga principes adulatoria passim in iure deprehendat, qui volet: ut corpora subditorum Deus imperatori subiecit: item omnia (bona in imperio sita) sunt principis: seu fiscalia seu patrimonialia: de quibus vide *Cuiac. 15. obs. 30. ff. Dn. Gothofr. not. ad N. 105. c. 2. fin. ac monum. si lubet, de iurisd. Imper. tract. cap. 1. item 4. 3. nu. 11. ac seqq. & sique ad 1. c. 1. item 5. nu. 2. 3. vbi tandem conclusio est: princeps nemini, ac ne priuato quidem, inuito, ius suum adimere potest, nisi ob summam atq; euidentissimam Reip. ipsius necessitatem, idque iusto tamen refuso precio.*

At vero Imperatori Deus leges ipsas subiecit, eumque legem animatam hominibus esse voluit, ait Iustinianus *Nov. 105. c. 2. in fi. Vbi Dn. Gothofr. not.* Respond. subiecit ei, vt sit patronus ac custos earum. 2. & interpret legitimus. 3. vt subditos ad earum obseruatiam adigat. 4. vt leges nouas subditis, quotiescunq; necessariae sunt, legitimas tamen & rationi recte consentaneas, ferat, nullas nouas ab aliis accipiat, neve hostes aut subditos sibi imperare aut rebellare sinat. 5. vt corrigendas prouide corrigat. 6. vt mutandas, obrogandas, derogandas, subrogandas, abrogandas, rite ac prudenter mutet, obroget abroget, &c. 7. vt mutatas vel abrogatas, si necessum erit, in vsum reuocet. 8. vt legibus inrigeros premiis, immorigeros poenis afficiat: idq; secundum leges ac mores ciuitatis laudatos, vel his deficientibus, secundum rationem rectam, iustitiam, & legem conscientiae, imprimisq; secundum aliarum ciuiliu legum & casuum, sicut haberi potest, analogiam: non autem ita subiecit, vt pro beneplacito arbitrii sui custodiat eas, vel non custodiat, dextre vel sinistre interpretetur, pro vt libuerit, vt subditos ad earum obseruatiam adigat, vel non adigat, vt leges, quoties necessitas postulat, ferat, corrigat, mutet, obroget, abroget, vel etiam non ferat, non corrigat, non mutet, non abroget, fontes puniat, vel non puniat, &c. Talem enim actam absolutam potestatem vel maiestatem nullus homo, nullus princeps, rex, aut imperator, vilo modo habere debet aut potest. Princeps ergo est supra ius, & reges supra leges. ἐπὶ νόμους τῶν νόμων, vt ait Diuus Chrysost. sed non simpliciter, non supra omnes leges, verum supra minus honestas, minus prudenter ac iuste latas, minus viles Reip. non durabiles, non constantis rois & utilitatis, &c. hoc est, princeps est supr. leges eatenus, quatenus habet plenam potestatem ferendi, derogandi & abrogandi leges (vt iam modo fufius dictum) non
itemere

temere tamen, sed ex iusta causa, & ex usu Reip. sine damno & iniuria alterius, sine offensa iusticiæ & æquitatis, iuris naturæ & rationis communis: deinde quatenus ἀμαρῆσαι ἢ κολλάσθαι, ad supplicium non rapitur, si deliquerit. 3. quatenus legibus nonnullis priuilegio quodam exemptus est. 4. quatenus habet potestatem confirmandi quandoque ea, quæ non iure facta sunt: sic adoptionem non iure factam princeps confirmare potest, l. 38. de adopt. vt & matrimonium iniustum, statumque liberorum non iure quæditorum, l. qui in pron. cia, §. ult. de ritu nupt. Ita legimus cum poenæ veniam facere, & abolere crimen indulgentia & benignitate sua: quin & ex iusta causâ quandoque veniam legibus facere. Atque hoc solum est, quod dicitur principes esse supra leges. Sed ipsi interdum attribuere sibi audent præter ius piūque. Neque enim placet, quod de Achille ait Homer. Iura negat sibi data, nihil non arrogat armis: nec placet, quod ille affirmat, se ei regnum deferre, cui gladius acutior. Hæc Cuiacius 15. obs. 30. ante fin. & in recit. ad l. 5. col. 10. de iustit. & iur. & in recit. ad l. C. de testam. col. 7. ante fin. & omnino in fin. Conf. Connan. 1. com. iur. ciu. c. 16. num. 10. Dn. Gothofr. not. ad N. 105. ca. 2. in fin. Schvvarzenb. ad l. nemo. 13. C. de sentent. & interloc. nu. 72. ac seqq. Nec sane placet, aut placere debet, quod Innocentius 3. in c. proposuit. 4. circa fi. de concessione præbend. prodidit: Nos secundum plenitudinē potestatis de iure possumus supra ius dispēfare, & vide Corras. 2. Misc. 25. princ.

Atque hæc pauca quidem ex Vlpiano præsertim & Iustiniano contra sententiam nostram proferri solent ac possunt. Sed videamus nunc, quot & quanta vicissim in contrarium ex Imperatoribus, & Iurisconsultis Iuris prudentiæ Romanæ in promptu sint: & quomodo principes ipsimet vltro legibus ciuilibus sese obstrinxerint, vel se iis merito obstrictos esse pro-

fessimo & de hoc ipso gloriati fuerint, *l. 2. de leg.* Lex ipsius Dei inventum ac donum est: cuius (nempe Dei) decretis principem solutum esse, nemo sanæ mentis est dicturus, *c. cum inferior. de mai. & obed. & iam. d. l. 2.* lex est omnium diuinarum & humanarum rerum regina; Princeps, Dux, ac præses & bonis & malis: regula iustorum & iniustorum: quæ omnibus hominibus præcipit facienda, prohibetque non facienda.

In constituta, *de concept. Digestor. §. 1.* nihil tam præclarum in omnibus rebus invenitur, quam legum auctoritas: quæ & diuinas & humanas res bene disponit, ac omnem iniquitatem expellit &c. *Nov. 104. in princ.* Deo simul & iusticia nihil maius existit: Absque his enim nihil vnquam commodè geri potest, & præcipue in nostra hac Republic. (ait Iustinianus imperator) exinde enim & subditos ad beneuolentiam, itemque ad summam licet attrahere devotionem. Quapropter & nos diuinitus perque iustitiam, sceptrum Imperij suscepimus. *Nov. Leon. 36. in princ.* leges sunt sustentaculum ac fundamentum Reipublicæ, ideoque ut Respublica intuto sit, certe leges sanitatem eius conferuent oportet. Legis autem sanitas est æquitas, & ibid. Leges Rempublic. nostram gubernare debent, ait Leo Imperator.

L. 3. C. de testament. Licet lex imperii solennibus iuris Imperatorem soluerit: nihil tamen tam proprium Imperii est, quam legibus viuere.

l. si quis. mod. testam. in firm. in fi. Diuus seuerus & Antoninus sæpissime rescripserunt licet legibus soluti simus: attamen legibus viuimus.

L. 23. de legat. 3. decet enim tantæ maiestati, eas seruare leges, quibus ipse (Imperator) solutus esse videtur (& recte ait, Videtur: nec n. vere solutus est legib. quinimo eis alligatus est, *l. 4. C. de legibus, ait Dn. Gothofr. in not. ibid.*

L. 4.

L. 4. C. de legib. Digna vox est maiestate regnantis, legibus alligatum se Principem profiteri. Adeo ab authoritate iuris, nostra pendet auctoritas, & reuera maius imperio est, submittere legibus Principatum, & oraculo præsentis edicti, quod nobis licere non patimur, aliis indicamus. Ad hanc legem elegantem præcellentissimus Gothofr. puremus hoc (quod hac lege continetur.) Imperatoribus aliis non tantum exemplo, sed & præcepto esse. Vice versa ius regium, cuius fit mentio, *1. Reg. 8. vers. 11.* bonis Regibus nec præcepto nec exemplo. Illic enim ostenditur, quid acturi sint reges reprobi, quid vitaturi sint boni, *Gregor. 1. Reg. 10. expos. 4.*

Paul. 4. Sent. 5. §. 3. Eum, qui leges facit, pari maiestate (qua eas facit) legibus obtemperare convenit.

Eléganter *can. 2. distinct. 9. ex I. fideri lib. 3. sentent. de summo bono, cap. 53.* Iustum esse Principem legibus obtemperare suis. Tunc enim iura sua ab omnibus custodienda existimet, quando & ipse reuerentiam iis præbet, &c. Iusta est enim vocis eorum (Principum) auctoritas, si, quod populi prohibent, id sibi licere non patiantur. Sic *l. 2. C. Th. de cond. & dem. do. Aug.* scribimus quidem leges, sed eas sequimur.

Nov. 89. ca. 11. in princ. non est Imperij aut legislatoris proprium, statuere, quod iustum non est: ut puta ius patriæ potestatis soluere inuitis filiis, &c.

L. ult. C. si contra ius vel util. pub. Omnes cuiuscunque maioris vel minoris administrationis vniuersæ nostræ Reipub. iudices monemus: ut nullum rescriptum, nullam pragmaticam sanctionem, nullam sacram adnotationem, quæ generali iuri vel utilitati publicæ aduersa esse videatur, in disceptationem cuiuslibet litigij patiantur proferri: sed generales sacras constitutiones modis omnibus non dubitem obseruandas.

L. 15. *de condit. instit.* quæ facta lædunt pietatem, existimationem, verecundiam nostram, & (vt generaliter dixerim) contra bonos mores fiunt: ea nec facere nos posse credendum est. l. 1. *C. si aduers. venditso.* Princeps nec perfidiæ, nec petiurii autor esse cuiquam debet.

Imperatores ipsimet improbant legem Imperij, qua princeps legibus solutus fuit: ideoque in plerisque, etiam solennibus, ac mere ciuilibus, iure priuato vti cupiunt: adeo submiserunt legibus principatum vt etiam solennitates iuris, quibus tamen (vt rebus mere ciuilibus) maxime soluti esse videntur, violare nolint, nempe propter conscientiam, propter iniquitatis suspicionem, propter officium & existimationem, propter exemplum, l. *ex imperfecto. 3. Cod. de testamentis.* ex imperfecto (in quo desunt signa, & subscriptiones. 7. testium. *Cuiac. recit. ad t. C. de testament.*) testamento nec Imperatorem vindicare hereditatem posse, sæpe constitutum est. Licet enim lex imperij solennibus iuris Imperatorem soluerit: nihil tamen tam proprium Imperii est quam legibus viuere.

L. 6. & ibi Dn. Gothofr. *C. qui testam. fac. & d. l. 3. & 20. C. de testam. l. 23. de legat. 3. & ibi Dn. Gothofr.* Principes nolunt heredes in testamentis institui, nisi secundum leges id fieri possit, & sic, vt nemini præiudicetur, nemoque debita hereditate priuetur: imo nec legata aut fideicommissa ex imperfecto testamento vindicare volunt, quia sit inuerecundum, d. l. 23.

L. 7. *C. qui testam. fac.* cum heredes instituuntur Imperator vel Augusta; ius cõmune cum ceteris habeant; & ibid. Imperatori & Augustæ testamentum facere liceat & mutare, non aliter quam priscis legibus cautum est.

Instit. quibus modis testam. infirm. circ. fin. Diuus Pertunax

Pertinax Imper. affirmabat, se tabulas non legitime factas: in quibus ipse eam ob causam (ut illæ subsistere possent) heres institutus esset: minime probaturum: neque ex vlla scriptura, cui iuris autoritas desit, aliquid adepturum: nimirum quia, licet legibus soluti simus (ut Diui Seuerus, & Antoninus sæpissime rescripserunt) attamen legibus vivimus.

L. 8. §. 2. *de inoff. test.* Si Imperator sit heres institutus: posse inofficiosum dici testamentum, sæpissime rescriptum est Sic Paul. 4 *sentent. s. §. 3.* Testamentum in quo Imperator scriptus est heres, inofficiosum argui potest. Eum enim, qui leges facit, pari maiestate (qua eas facit) legibus obtemperare conuenit.

Instit. quibus modis testam. infirm. circ. fin. & l. ult. D. qui testam. & l. 91. D. de hered. instit. l. 22. de iur. fisc. §. 2. l. 2. 3. 4. C. re. fiscus vel R. spub. Paul. 3. sent. 12. §. 7. 8. adae l. 1. C. qui militare, & l. 10. de iur. fisc. Imperator non admittat se, aut fiscum suum, litis causa heredem institui. Baldus *ad d. l. 91.* notat, primatis plurā permitti quam Principi: & Principem magis quam alios ab illicitis abstinere debere, *Dom. Gothofr. ibid. l. ult. D. qui testam.* eius bona, qui se Imperatorem facturum esse heredem iactauerat, à fisco occupari non possunt.

L. vnic. *C. de caduc. tollen. circ. fin.* scientes etiam fiscum nostrum ultimum ad caducorum vindicationem vocari, tamen nec illi pepercimus, nec Augustum priuilegium exercemus: Sed quod communiter omnibus prodest, priuatæ nostræ utilitati præferendum censemus: Imperialiter existimantes, subiectorum commodum, nostrum esse proprium commodum.

L. in facto 60. §. 1. *de condit. & demonstrat.* fiscus iisdem conditionibus parere debet, quibus persona, à qua ad ipsum, quod relictum est, peruenit. Princeps

ceps quandoq; sibi minus vult licere, quam priuato, vt ostendit *Cuiac. in recit. ad l. 5. col. 11. 12. de testat.*

Atq; hæc quidem præsci Imperatores ac Iurifconsulti rectissime ac verissime. Ex recentiorib; Iurifconsultis viros egregios, Donellum & Cuiacium, audiamus.

Donellus. 1. *comment. iur. ciu. 17. in princ.* omnes legibus parere debere, etiam principem &c. Sed an omnes iuri parere debent? (ait) omnes. quandoquidẽ commune præceptum est, quod omnibus ponitur, *dict. l. 2. l. 1. D. de leg.* etiamne Princeps? & tenentur etiam principes legibus. Dicitur quidem princeps solutus legibus, *l. Princeps D. de legib.* quia legibus & solennibus iuris solutus est à populo Romano lege Regia, quæ de eius Imperio lata est, *l. 1. D. de const. Prin. l. 3. C. de test.* At tenetur legibus cõmuni Principum lege, & sua. Declarant enim hi, se velle legibus viuere, statuantes nihil magis conuenire Imperio *d. l. 3. C. de testam. §. Soli. Inst. t. quib; modis test. inf.* exstatq; huius sententiæ confirmatio cum insigni commendatione coniuncta in *l. digna. C. de legi.* Digna vox, aiunt Imperatores, maiestate regnantis, legibus alligatum se Principem profiteri: adeo de autoritate iuris nostra pendet auctoritas. Et reuera maius imperio est, summittere legibus principatum; & oraculo præsentis edicti, quod nobis licere non patimur, indicamus. Quod si, quidquid Principi placuit, lex est, *l. 1. D. de constit. princ.* etiam hæc voluntas lex erit: & quoniam Principes in se hoc volunt, etiam ipsi in sese erunt lex.

Cuiacius in *recitat. ad t. C. de testam. col. 20.* & vt principes soluti sint legibus (ait) tamen, vt inquit *lex 3. C. de testam.* nihil est tam proprium principatus, quam secundum leges vitam degere, & ita rectissime *l. 23. de legat. 3.* quia decet tantam maiestatem, eius seruare leges, quibus ipse solutus videtur. Et ita Pau-

In lib. 4. sent. cum, qui leges facit, pari maiestate legibus obtemperare debere, & eleganter Imperatores Severus & Antonin. in §. *Sit. Iustit. quibus modis testam. infirmantur.* licet, inquit, soluti simus legibus, tamen legibus vivimus, & elegantius l. 4. *C. de legibus*, præclaram esse & dignam vocem Principis, profitentis se legibus alligatum esse; & de auctoritate legum pendere auctoritatem Principis; & reuera maius esse imperio, legibus subiacere imperium.

Ideo eleganter ait, *dict. l. ex imperfecto. de leg. 3. ex imperfecto testamento Imperatores legata aut fideicommissa vindicare inuerecundum esse, id est. dedecori.* Inuerecundus enim est, qui, quod non debet, tacit audacter, securus reprehensionis pudorisque sui.

Ex ibid. paulo post. Princeps non omnibus legibus solutus est per *l. princeps. de H.* sed tantum legibus caducariis. Nam diligenter attende ad inscriptionem legis Princeps, D. de legibus, est enim Ulpiani commentantis ad legem Iuliam & Papiam, quæ sunt leges caducariæ. Et paulo post ibid. nec vero vnquam dicam, generaliter esse verum, quod ait lex Princeps: cum id tantum sit accipiendum specialiter de lege Iulia & Papia, non de legibus omnibus. Idem Cuiacius in *recitat. ad l. 1. colum. 10. de iust. & iur.* ex hac interpretatione, quæ necessaria est, sequi videtur, Principem suis teneri legibus, perinde atque suis etiam legibus populus tenebatur &c. Non igitur Princeps solus legibus, quia non agit tantum, sed & patitur, ut & populus, quodcunque bonum & æquum est, & certe dici potest, principem teneri suis legibus, nisi nominatim se exceperit in eis legibus, vel aliis postea promulgatis: & solutum esse principem legibus antiquis populi. Nam populus dum creauit Regem, solis illum legibus, quæ tum exstabant (pristinis) eximebat.

Sed hætenus satis superque demonstratum, principem verum legibus omnibus solutum non esse, multo minus legibus omnibus simpliciter & indistincte.

Videamus ergo an omnino Nullis, an vero Aliquibus, & quibus, & quatenus. Certe nullis simpliciter, absolute, omnimodo, & indistincte solutus est: 1. quia legibus ad ipsum ipsius Imperii statum pertinentibus omnino obstrictus est. 2. quia leges ciuitati necessarias necessario ferre tenetur, 3. quia corrigendas, necessariò (prouide tamen & sapienter) corrigere tenetur, 4. quia mutandas, obrogandas, derogandas, subrogandas, abrogandas, necessario (prouide tamē ac sapienter) mutare, obrogare, abrogare, &c. tenetur, 5. itemque mutatas vel abrogatas, si necessum erit, in vsum reuocare, 6. quia nō quaslibet pro lubitu, sed necessarias, salutare, legitimas, rationi rectæ (eique tum naturali, cum ciuili) ac legi conscientiæ consentaneas ferre aut reuocare potest: nec quaslibet pro beneplacito corrigere, mutare, obrogare, abrogare, &c. sed vitiosas, minus utiles, rationi rectæ ac legi conscientiæ minus consentaneas, de quo supra. 7. quia omnes ac singulas naturæ, gentium, ciuiles, prætorias leges (honestas, rite latas, utiles, adhuc vsitatas) fideliter & assidue custodire, 8. recteq; ac sincere, quoties opus est, interpretari, 9. & ad omnium singularumque obseruantiam omnes ac singulos ciues & subditos sedulo adigere, 10. morigeros legibus præmiis, immorigeros pœnis afficere tenetur. 11. atque hæc omnia & singula, non pro lubitū, non pro beneplacito arbitrii sui, non quouis modo, sed candide, sincere, fideliter, diligenter, prouide, sapienter, constanter, itemque necessario, ex debito, ex officio tum viri boni, tum principis veri. quia DEVS, quia propria ipsius conscientia, ratio recta, virtus ac iustitia, officium tum viri boni, tum principis veri, adeoq;

Adcoque lex naturæ, ac multæ ciuiles à Iustiniano Imperatore in corpus iuris, relatæ, & iam paulo ante, commemoratæ leges, ipsum arctissime legibus etiam ciuilibus, adstringunt, & ad singula ista obligant.

Iam vero si omnino Nullis, certe nec aliquibus simpliciter, absolute, omnimodo, & indistincte solutus est Princeps: scus enim aliquas non teneretur custodire, recte interpretari, necessario ferendas, corrigendas, mutandas, abrogandas; non ferre, non corrigere, non mutare, non obrogare, vel abrogare &c, teneretur.

Quibus ergo tandem legibus solutus? ais. Certe non omnibus, nec opinino nullis, sed aliquibus, veruntamen κατὰ τὴν, aliquatenus, suo modo, ac in vero sensu, non simpliciter, & quauis consideratione seu respectu, non quouis modo ac sensu, non indistincte, vel sine omni distinctione: vt & supra dictum. Nam aliquibus suo modo veroque sensu, & Nullis simpliciter, omnimodo atque indistincte solutum esse, haud pugnant; sed idem sunt.

Aliquibus ergo solutus est aliquatenus, suo modo, & in vero sensu, idque vel in genere, vel in specie; *vid. Dd. in l. digna Cox, C. de ll. & in l. princeps ff. eod. addo c. nulli de sentent. ex commu.* In genere, quatenus suo modo (vt supra dictum) ex No. 105, supra leges ciuiles (non autem naturæ & gentium) est, minus scilicet honestas, minus prudenter ac iuste latas, minus vtiles ac necessarias Reip. non durabiles, ut constantis rationis, æq̃tatis, vtilitatis ac vigoris, &c. Princeps enim est supra leges ciuiles eatenus, quatenus leges ciuib. ac subditis suis dat præscribitque, nullas autem antea nondum latas eos sibi præscribere sinit; & quatenus datas, vel pro parte vel in totum emendat, mutat, obrogat, abrogat &c. vel vt fufius ac plau-

nus dicam, quatenus plenam habet potestatem leges ciuiles (præsentēs, præteritas, futuras) corrigendi, limitandi, mutandi, obrogandi, derogandi, subrogandi, abrogandi, itemque mutatas vel abrogatas, si necessum sit, in vsum reuocandi: quin & plane nouas condendi: Ast hæc singula non temere tamē, sed ex iusta causa, & ex vsu Reip sine dāno & iniuria alterius, sine offensa iustitiæ & æquitatis, iuris naturæ, & rationis communis, vt iam sæpius dictum. Neque enim absolutum in his arbitrium habet: quia leges, quas condit, renouat, corrigit, mutat, legibus Dei, decalogi, naturæ, conscientiæ, rationi communi, conformes omnino esse oportet. Quas vero leges seu plane nouas, seu veteres, seu reuocatas, seu correctas, seu mutatas, aliis præscribit, ac iniungit, his & ipsemet, quatenus ad ipsius personam vllō modo ἀναλογικῶς accommodari possunt, obstrictus est, & congruenter viuere debet, vt ne, quod in aliis vituperat, ipse committat, 2. Supra leges est princeps, quatenus ἀμαρτήσας ἢ κολάζειν, ad supplicium non rapitur, si deliquerit: legibus enim ligatur magis quo ad vim legum directiuam, quam coercitiuam, vt loquuntur. 3. quatenus habet potestatem confirmandi quandoque ea, quæ non iure facta sunt.

Sic adoptionem non iure factam Princeps confirmare potest, l. 38. de adopt. vt & matrimonium iniustum, statumque liberorum non iure quæditorum, l. qui in prouincia, §. vlt. de ritu nupt. plura vide supra. In quo ipso tamen caute ac circumspecte versabitur, & ita scilicet. Ne quid nimis. 4. Quatenus in casibus iure ciuili non expressis lex scripta, vel legis scriptæ analogia, deest: tum enim res tota boni Principis arbitrio, prudentiæ, & conscientiæ sanæ

æt sincera permittenda : vt ipse pro sua prudentia & conscientia, cognoscat, iudicet, imperet, puniat; vel etiam, si lex quidem scripta, vel legis scriptæ analogia, in iure expressa sit, at circumstantiæ in casu perplexo variæ ac perplexæ non ferant, legem scriptam, vel directam vel analogicam, in casu præsentente sequi : nam & tunc veri bonique Principis arbitrio, prudentiæ, & conscientiæ, res permittenda est.

In specie ac proprie solutus est Princeps certis quibusdam legibus, vt i. quas certis personis, opificibus, artificibus, tribubus, collegiis &c. præscribit, & quæ ad ipsius (Principis) personam analogiæ accommodari non possunt, vt puta quas sutoribus sartoribus &c. quatenus sutores, sartores, non autem quatenus ciues sunt, præscribit.

Indignissimum enim sit Principem sartoris aut sutoris subiectum esse legibus. Quas vero ciuibus, seu omnibus, seu aliquibus, quatenus ciues sunt, præscribit, his & ipsemet, quatenus ad ipsius personam villo modo seu directe, ac proprie, & expresse, seu analogiæ (ob æquabilitatē seu parilitatem rationis) accommodari possunt, obstrictus est, vt supra.

Certis quibusdam, vt solennibus, pœnariis, caducariis, &c. certis quibusdam alijs, quibus priuilegio quodā Maiestatis exemptus est. Sunt enim, quæ vocantur, iura seu priuilegia Principis, iura Maiestatis, Regalia,

In his tamen omnibus ac singulis non simpliciter & indistincte solutus est, sed suo modo, veroque sensu, hoc est, ita demū, vt interim leges istas, quibus ipse solutus est, fideliter tueatur, & custodiat, recte interpretetur, quoties opus, atq; omnes eos, qui istis soluti

soluti non sunt, ad sedulam earum obseruantiam adigat : item vt eas, si iusta necessitas requirit, emendet, mutet, obroget, abroget, &c. Idque non pro lubitu & arbitrio mere absoluto, sed sincere, fideliter, prudenter, constanter, necessario, ex debito, ex officio tum viri boni, tum Principis veri, iuxta rationem rectam, eamq; tum naturalem, tum civilem iuxta legem DE I, decalogi, naturæ & conscientiæ, vt supra dictum.

Sed de caducariis, pœnariis &c. obiter videamus. Cuiacius *in recitat. ad l. 5. col. 10. de iust. & iur. legem Princeps D. de ll. interpretatur de ll. Antiquis. Et certè dici potest (ait) principem teneri suis legibus, &c. solum vero esse Principem legibus Antiquis populi. Nam populus dum creauit regem, solis illum legibus, quæ tum exstabant (pristinis, antiquis) eximebat.*

Idem Cuiacius. *15. obs. 30. in princ. ac med. & in re- sit. ad t. C. de testament. col. antepen. & ad d. l. 5. col. 12. dictam l. Princeps, de caducariis legibus, interpretatur. Inuenio (ait) solum esse Principem legibus caducariis, Iulia nempe & papia, quod ex per se vulgo essent odiosæ, l. quod Principi, 56. de legat. 2.*

Finge : quidam legauit principi. Mortuus est Princeps, antequam dies legati cederet : An sit caducum legatum ? Minime : sed transit in successorem Et de iis legatis caducis est intelligenda lex Princeps, de ll. Nam inscriptio huius legis (quod diligenter attende) est ad l. Iuliam & papiam, quæ sunt leges caducariæ. Vnde apparet dictam l. Princeps, non accipiendam de quibuscunque legibus, sed de caducariis.

Et ibi. *d. t. C. col. ult.* Nec vero vnquam dicam, generaliter esse verum, quod ait l. princeps. cum id tantum sit accipiendum specialiter de lege Iulia & Pa-
pia.

piā, non de legibus omnibus, conf. Dn. Gothofr. *not. ad l. 4. C. Ad l. Falcid.* leges vero caducariz per l. *unic. C. de raduc. toll.* iam pridem à Iustiniano penitus sublatae fuerunt: ut hodie de iis quaestio nulla sit: nimirum cum iis & subditi non amplius obstricti. Poenarijs legibus principem solutum affirmant Græci: & dictam l. Princeps de poenarijs legib. interpretantur; ἀμαρτήσας ἢ καὶ ἀλῆσαι, aiunt: delicti à se commissi poenam legibus definitā non sustinet: quia scilicet iudices non habet, Cuiac, *15. obs. 30. in princ. D. Vult. in comment. Instit. ad §. 7. num. 1. de iust. & iur.* Aliqui (ut supra) distinguunt inter vim legis directivam, qua ligatus princeps, ac coercivam, qua solutus.

Solennibus iuris quoque solutus est Imperator: imo lex Augusti, *L. apud eum. 14. de manumissio. & lex Imperij, l. ex imperfecto. 3. C. de testam.* tantum solennibus iuris Imperatorem solutum asserunt. Vnde & Donel. *1. comment. 17. Coras. in d. l. Princeps, num. 3. & 2. Misc. 21. Zass. in d. l. princeps, nu. 3. Pruckmann, tr. de regalib. p. 1. §. soluta potestas, c. 3. num. 81. & alij.* tantum solennibus iuris Principem solutum censent, alijs vero legibus non solutum. At enim licet solennibus iuris solutus sit Imperator: posteriores tamen Imperatores istis quoque sese (proculdubio ex conscientia ad id urgentis impulsu) in plerisque subiecerunt, ut supra fusijs. Imperatores (ait Cuiac. *in recit. ad d. l. §. col. 12. adde 15. obs. 30. circ. med.*) favore libertatum non servabant solennia manumissionis. idem *in recit. ad l. C. de testam. col. pen.* Etiam invenio (ait) in manumissis vindicta, si quem Princeps manumittat vindicta, non servari solennia iuris, *L. apud eum de manumiss.* quia scil. concurrat favor libertatis. Hoc igitur non tam Principi datur, quam libertati, maxime data à Principe, ut non delideret solennia iuris: quæ data à privato, uti.

que nulla sine solennibus. Et mox ibid. Cuiacius istam Principis à solennibus solutionem ad certos casus restringit: Inuenio igitur (ait) Principem non obligari iuris solennibus, his casibus, quos exposui, nempe Manumissionis, ac Sepulturæ Principis in vrbe: de qua iam sequitur. Lege quoque ea, (Seruius teste) solutus est Imperator, quæ vetat in vrbe mortuum sepeliri, Cuiacius dicit. *obseru. 30. Dn. Gothofred. ad d. l. 4.*

Inuenio etiam (ait Cuiac. *d. col. pen. C. de test. m.*) nunquam ea lege, quæ lata est Duilio Cons. fuisse obligatum Principem, quæ cauetur, ne quis in vrbe sepeliatur.

Inuenies apud Seruium Honoratū 2. *Æneid.* Virgines Vestales ac principes sepeliri in vrbe, nec ea lege teneri quæ vetat quenquam in vrbe sepeliri.

Iura seu priuilegia Principis supersunt: eaque duorum ferme generum. Primi generis sunt Iura Maiestatis, seu Regalia, καὶ ἰξοχὴν sic nuncupata: vt bellum hostibus indicere, interre ac finire: priuilegia cōferre: Nobilitare; legitimare, famę restituere. Academias fundare: Magistratus (præsertim superiores, item Doctores, Magistros, Licentiatos, poëtas, rebelliones, creare, de sententiæ viribus cognoscere, nullam à se ad alium puocationem admittere; ad mortem condemnatos, si grauis causa sit, absolueret, nuptiis precium, pondus, nomen & figuram præscribere; de ponderibus statuere; vectigalia & tributa exigere; bona vacantia occupare; Mercatus & Nundinas constituere; & si quæ sunt istius generis alia. Confer Dn. Vult. *l. i. lur. Ro. 12. nu. 25. ac seqq.*

Alterius generis sunt alia nonnulla, quibus Princeps fruitur, priuilegia singularia: puta, vt censeatur maior ante annos, vide D. Gothofr. *Not. ad leg. 8. de nuptiis*, 2. vt in contrahendis nuptiis nō ita obseruetur
gradus

gradus prohibitos (exceptis tamen ascendentibus, descendentibus, & collateralibus proximi gradus, vid. constitutionem Isaaci Angeli cap. 2.) 3. facit etiam gratiam Iurisiurandi, *l. ult. ad Municipales*. Vbi tamen agitur de Iure suo, & ubi manifesta deceptio iurantis, non ubi legitime iuratum, Nov. 9. l. 1. *C. si advers. vendit. l. 3. C. si minor se maior. &c.* 4. Indulget etiam interdum poenarū legibus constitutas vid. *C. de abolition. & de gener. abolit.* His adde Boffum in tractat. de Principe ac Privilegijs eius, tit. 100. & Cuiac. 15. observa. 30. Et Dn. Gothofred. add. N. 105. fin. In reliquis vero plerisque omnibus casibus eodem cum cæteris iure utitur, N. 89. cap. 11. in princip. leg. 6. ff. qui testament. l. 8. §. 2. ff. de inofficios. l. pen. ff. de hered. instituen. leg. 15. ff. de condi. Inst. l. 23. ff. de legat. §. l. 60. de condi. & demonstrat. l. 6. 22. §. 2. ff. de iure fisc. l. 2. 3. Cod. ne fiscus vel Respublica Dn. Gothofred. d. loc.

Et hætenus de legibus, quibus Princeps suo modo veroque sensu exemptus ac solutus est.

Sed an non suis saltem, & à se latis legibus, iisque omnibus ac semper solutus est? (ais) certe non omnibus, nec semper: eum, qui leges facit, hoc est alius præscribit, pari Maiestate (qua eas aliis præscribit) legibus obtemperare convenit, ait Paul. plura vide supra. Eatenus tamen lege ea, quam aliis condidit, ligatur, quatenus vlla inter ipsum & alios, quibus condidit, analogia, vel æquabilitas rationis & iuris esse potest. Damhud. in praxi crimin. cap. 82. numer. 45. 47. 48. 73. 74. 110.

Quas vero certis personis, opificibus, artificibus, tribus collegiis &c. præscribit, & quæ ad ipsius (Principis) personam vel directe & expresse, vel analogice accommodari non possunt, his omnino solutus est;

sed suo modo: ita nimirum ut eos, qui istis soluti non sunt, ad earum observantiam adigat; item ut eas tueatur & custodiat, recte interpretetur, si opus, & cætera, de quibus supra, Cuiacius *tr. obs. 30. sed in primis in recit. ad l. 5. col. 9. 10. de iustit. & in. ex verbis ei & in eum, l. 1. de const. princ.* concludit Principem suis teneri legibus, petinde atque suis etiam legibus populus tenebatur. Et mox *ibid. d. col. 10.* Ecce certe dici potest, Principem teneri suis legibus nisi nominatim se exceperit in istis ipsis legibus, vel aliis postea promulgatis. Quæ tamen limitatio (nisi nominatim se exceperit) nisi ad certos casus iustis rationibus restringatur, valde displicet. Quid enim si princeps in omnibus omnino legibus se & suos excipiat? hoc est DEUS faciat, qui labi & errare haud possint. Hi enim soli legibus soluti: quia iusto non est lex posita, iniustus vero, labentibus, errantibus, omnino posita.

An ergo aliorum quoque legibus subiectus est, & quatenus? Distingue, non est subiectus aliorum, qui extra ipsius Rempubli sunt legibus; nisi eas sibi ac suis ultro accommodet, sicut Romani prisce & Græci leges suas attulerunt. Cæteroquin aliorum in sua Republica, nempe prædecessorum, priorum legislatorum, item ipsius Reipublicæ, vel procerum eius adhuc superstitum, ante ipsum latis legibus, adhuc vigentibus, prudenter latis, & utilibus, omnino subiectus est, quatenus ad ipsius personam illo modo seu proprie & expresse accommodatæ sunt, seu analogicos accommodari possunt: item quatenus leges ipsas custodire, ciues uniuersos ac singulos ad seriam earum observantiam adigere tenetur, ut supra. Atque hæc de præterito tempore, & iam latis ll. Quoad futurum tempus; Nullius alterius, quicumque sit, seu intra, seu extra Rempubli suam, legibus subiectus est, nisi sponte
ac vo:

ge volens legumlatorem, seu pristinorum legum ac politica reformatorem prudentem eligat, cuiusque leges ipse Princeps authenticas faciat. Nemo hominum enim ipsi leges novas præscribere potest, si verus, & absolutæ maiestatis Monarcha est.

Subditorum tamen statutis & consuetudinibus communibus & vniuersalibus, præsertim inueteratis, si æquitate & aperta ratione naturali nitantur, se accomodate debet. Damhud. *in praxi crimin. cap. 82.*
MUT. 50.

Hactenus ergo satis superque demonstratum: Quod verus ac bonus Princeps (quem nos consideramus, imo considerare omnino debemus; quid enim nobis cum Tyranno negotii) nulla quacunque lege vera, honesta, salutari, & in imperio suo adhuc valida, simpliciter, omnimodo, & indistincte solutus sit, aut solutus saltem esse debeat: demonstratum, inquam, tum aliis rationibus & argumentis, tum eo imprimis, quod veri boni, ac pii Imperatores & Iurisconsulti, quotquot leges iure nostro comprehensas tulerunt, & in primis Iustinianus, qui eas omnes, quippe in corpus Iuris sui relatas, authenticas fecit, id aperte fatentur, & hanc ipsam sibi ipsis legem ponunt, Digna vox est Maiestate regnantis, legibus sese alligatum Principem profiteri, *l. 4. C. de legib.* Decet tantæ Maiestati, leges seruare, *l. 23. de legat. 3.* Nihil tam proprium imperii, quam legibus viuere, *l. 3. C. de testamentis.* Princeps ius commune cum cæteris habeat, *l. 7. C. quia testamenta fac.* Scribimus quidem leges aliis, sed eas sequimur ipsi, *in Cod. Th.* Eum qui leges facit, pari maiestate legibus (quas aliis facit) obtemperare cõuenit, Paulus 4. *sentent. 5. §. 3.*

Et.

F. 5.

APPEN.

APPENDIX, DE PRIVILE-
giis Regina, siue Augustæ, ex Cuiacio
& Corrasio.

Cuiacius in recitat, ad l. s. colum. 12. de iustit. & iur. Augustæ non est soluta legibus caducariis, quod & probat lex si Augustæ, de legatis secundo, quæ sequitur legem quod principi, de legatis secundo. Sed eadem priuilegia princeps tribuit Augustæ, quæ ipse habet.

An tribuit ei augustum illud priuilegium, quod appellamus, ut ei & in eum? Minime. An tribuit ei, ut sit soluta legibus caducariis? Minime. Sed loquitur de aliis priuilegiis, ut Augustæ habet tacitam hypothecam, sicut Augustus, ex omnibus contractibus. Et priuilegium inter creditores, l. 6. de iure fisci. Et habet priuilegium donationum. Vir non donat uxori. Augustus donat Augustæ iure licito, Et ut Augustus, ita Augustæ donationes non insinuat, l. penult. C. de donat. inter virum & uxorem. Etiam Augustæ habet hoc priuilegium commune cum Augusto, ut ea, quæ vendiderit, aut donauerit, non possit ab emptore aut donatario villo modo reuocare, qui sed dicat dominum, sed qui agere vult, debet agere intra quadriennium contra ipsum Augustum vel Augustam, non possessorem, l. ult. §. ult. C. de quadr. præs.ript. l. ult. C. de sacros. eccles.

Cuiacius in recitat. ad tit. Cod. de testament. colum. antepenultim. Princeps legibus solutus est, id est, lege Julia & Papia, id est, non omnibus legibus, Augustæ autem ut subiicit, non est soluta legibus caducariis, quanquam princeps ei tribuat eadem priuilegia, quæ ipse habet, non intelligit priuilegium illud, ut etiam Augustæ sit legibus caducariis, sed ut Princeps vel fiscus habeat ex suis contractibus ta-
citam

gitam hypothecam semper, & Augusta habeat privilegium in actionibus personalibus. Idem etiam Augusta habeat, ut similiter habet vacationem & immunitatem, ut habeat privilegium in donatione, ut valeat donatio facta ab Augusta, sine insinuatione, perinde ac si facta esset a principe; ut facta ab hoc vel illa donatio filiofamilias imputetur, quasi castrensi peculio; ut donatio inter Augustum & Augustam valeat, quæ non valet inter maritos, id est, regulariter priuatos, *l. illud. Cod. de sacrosanct. eccles. l. penultim. Cod. de donation. inter virum & uxorem. l. cum multa. Cod. de bonis, quæ liberis. l. sancimus. §. primo. Cod. de donation* Et sicut res alienæ, quæ sorte imprudenter à principe venditæ & donatæ sunt alteri, non possunt à domino, id est, ab eo, qui emit à principe reuocari aut vindicari, vel à donatario, sed est tantum domino rerum in ipsum Principem seu fiscum intra quadriennium agere. Ita idem sequimur, si quid imprudens Augusta ex rebus alienis donauerit aut vendiderit, ne reuocetur donatio, sed liceat agere in Augustum intra quadriennium, *l. ultim. §. ultimo. Cod. de bonis, quæ liberis.* Hæc privilegia princeps communicat Augustæ. Nunquam autem Augusta inuenietur soluta legibus, ne odiosis quidem legibus, quales sunt *l. Julia & Papia.*

Corraf. 2. Misc. 25. numero sexto. Quid autem dicemus in Augusta, hoc est; principis vxore? Et eam legibus solutam non esse, sed ut reliquum hominum genus obstringi, verius est *dicta l. princeps. & l. i. Cod. de conduc. & procu. prad. dom. August. libro undecimo.* Cessant quippe in Augusta rationes, quæ tantam dederunt principi auctoritatem, illæ præsertim condendæ legis, quæ in solo principe locum habent, *l. fin. Cod. de legib.* aliis omnibus denegata est, mulieribus maxime, quæ legibus condendis nec qui-

dem interesse possunt, *l. 1. ff. de legi.* Imbecillis enim sunt, & inconstantis animi, ut non immerito veteres voluerint foeminas à ciuilibus seu publicis officiis remouere, *l. 2. ff. de uind.* neq; vlla in re viris suis, quam in his quæ ad lanificium pertinent, operari. Quamquam aliquando vel principis indulgentia, vel moribus receptum sit, ut mulieres scepra regia teneant, pro tribunaliq; ius dicentes sedeant. Nam & Britannis quos nunc Anglos dicimus, morem esse, ut foeminae in regno succedant, regniq; administrationem suscipiant, palam est: Ioannamque Siciliae reginam, in regali solio sedentem, sententiamq; pro tribunali ferentem, Angelus se vidisse refert. Et in reginam Francorum, aliquando compromissum esse legimus, *c. dilecti. de arbitr.* Abbatissamque iurisdictionem habere, & administrationem dignitati suæ annexam, summus Pontifex scribit, *c. indemnitatib. de elect. an. 6.* Plane licet Augusta legibus soluta non sit; princeps tamen eadem illi priuilegia tribuit, quæ & ipse habet, *dict. l. princeps. & l. fiscus. §. fin. ff. de iur. fisc.* Vnde quemadmodum princeps ab omnium vestigalium præstatione immunis, *l. licitatio. §. fin. ff. de pub. & donatio ab eò procedens, vel in eam collata, non eget insinuatione, l. sancimus. cum autb. seq. C. de do.* Et facta inter Augustum & Augustam donatio, constante matrimonio, rata est, *l. donationes quas diuus. C. de do. inter vir. & uxor.* Quibusque donantur cubicularii principis priuilegiis, donati quoque intelligi debent, qui apud Augustam eodem munere funguntur, *l. cubicularios. de prapof. sac. cubicul. lib. 12.* (Horum omnium ratio est, quia splendent honore mariti vxores, *l. foemina ff. de senato. l. mulieres. de dig. lib. 12.*) Et cum duo sint in carne vna, sociique diuinæ & humanæ domus dicantur, *l. 1. ff. de ritu nupt. l. aduersus. C. de crim. expi. hered.* indignum lex existimauit, marito in altissimo honoris gradu collocato,

- vxoris dignitatem pariter non conefcere, *l. si liberam. C. de nups.* quid enim tam humanum est, quam fortuitis casibus, prosperis vel aduersis, coniugis participem coniugem fieri? *l. si cum dotem. §. si maritus. ff. sol. matrim.* Merito absurdum veteres putauerunt; aliquid esse, quod non inter virum & vxorem commune sit. Qua ratione virum ab vxore contraque vxorem a viro quicquam accipere, vetitum, Plutar. in Problem. scribit. Iurisconsultis tamen in aliam rationem euntibus, *l. i. ff. de don. inter vir. & vxor.*

Etiā ob id ex Cuiac. An princeps legibus solutus & quibus.

Cuiac. *ad d. l. s. col. 9. in pr.* Reges dicim⁹ omnes, qui regalē illam potestatem habent dandi feges & dominandi, etiā si alio nomine appellentur, vt duces, vel comites, vel principes, vel imperatores, de quorum imperio etiā lata lex regia dicitur, qua populus ei & in eum omnem suam potestatem contulit, *l. i. de conslit. princip.* Lex vetus cum ipsa vrbe nata, vt ait Liuius 34. quia Romę primum pręfuit, regalis potestas & in omnibus aliis gentibus antiquis. Origo regni antiquior est, quam vel dominationis vniuersi populi, vel dominationis optimatum. Ius autem gentium, ius antiquum, leg. prima, de acquir. rer. domin. Ergo merito regnum, id est, hæc sola ratio administrandę Reipubl. putatur iurisgentium: Et ea lex regia dicitur etiā lex imperii, *l. 3. C. qui testamen. facer. poss.* & Augustum priuilegium, *l. vnica. §. vlt. C. de caduc. tollend.*

Et ibidem mox sequitur notabilis explicatio verborum: populus ei (principi) & in eum, nempe in principem (nequaquam autem in populum, vt alii contra leges Grammaticas) omnem suam potestatem contulit, *in princ. l. i. de conslit. princ.*

Et

Et ait dict. l. 1. de constitution. Princip. (inquit Cuiacius ibidem) quod est relatum in Institutiones, populus ei & in eum, &c. Multi laborant quid sit, ei & in eum. Non possunt aliud ea verba significare, quam eum populum in vicem suam regem creasse, ut subiret vicem populi, ut pateretur & ageret, quæ populus.

Nam ut populi, ita regni sunt onera quædam. Ita in l. 1. ad Senatusconsultum Trebellian. dicit, ex Senatusconsult. Trebellian. ei & in eum actiones transire, id est, actiones actiuas & passiuas. Et in leg. receptum, de iurisd. ei & in eum ius dici posse, qui se subiecit iurisdictioni alterius, id est, absolui eum posse, vel etiam damnari, vinci vel vincere iudicio. Ex hac interpretatione, quæ necessaria est, sequi videtur, principem suis teneri legibus, perinde, atq; suis etiam legibus populus tenebatur. Itemq; populum teneri legibus principis perinde ac suis. Et, quod Seneca ait, 2. epist. datam esse principi potestatem populi, & in populum, quia scilicet potestas populi, & in populum fuit, ut ius hæredis, & in hæredem est, ac similiter potestas principis & in principem est. Nō est igitur solutus legibus, quia non agit tantum, sed & patitur, ut & populus, quodcumque bonum & æquum est. Et certe dici potest, principem teneri suis legibus, nisi nominatim se exceperit in eis legibus, vel aliis postea promulgatis. Et solum esse principem legib. antiquis populi. Nam populus dum creauit regem, solis illum legibus, quæ tum exstabant (pristinis) eximebat.

Cuiacius in recitatio. ad tit. Cod. de testament. fol. antepenultim. in leg. 3. Cod. de testamentis. ita scriptum est: ex imperfecto testamento, &c. Qua de re pauci sunt, qui liquido tradunt, quod obseruandum est, primum lex ait ex imperfecto testamento, id est, in quo desunt signa & subscriptiones 7. testium, ut ego interpretatus sum ex l. hac consultißima; hoc titulo,

principem non vindicare hæreditatem, filium defuncti vindicare, aut nepotem, vel nepotem. Imperatorem non item, qui defuncto extraneus est. Et addit rationem, quia licet lex imperii solennibus iuris imperatorem soluerit, nihil tamen est tam proprium Imperat. quam legibus vivere. Et legem imperii vocat eam, quæ primum Augusto detulit imperium, ut refert *Dion lib. 33.* Quod Augustum priuilegium dicitur, *l. vnic. §. 14. inf. de caduc. toll. n.* Quodque Dionys. scribit se transferre ex latino sermone, *λὺσις τῶν νόμων* id est, solvuntur legibus. Et inde D Chrysost. in orat. quadam tradit principem esse, *τῶν νόμων ἐπάρων.* Et similiter Iustin. in Nouell. 105. leges nisi principe, & esse ei submissas atq; subiectas, quod scilicet in potestate sit solius principis, ex usu Reipubl. leges ferre, vel abrogare, vel derogare, & eas ipsum quandoque sequi non posse.

Quapropter aliquanto maior videtur potestas esse principis, quam populi fuerit. Populus enim suis legibus tenebatur, princeps suis legibus, non tenetur. Et hac causa in *l. barbarus. de offic. prætor.* ait multo magis in imperatore quam in populo esse recipiendum, ut seruum prætorē facere possit. Ea est lex imperii quæ Augustum soluit legibus: maxime si non iurauerit in leges initio imperii. Non solebant enim iurare in leges, cum Plinius scribat in panegyrico. Iurare magistratus quidem in leges, sed eius iurisiurandi verba ignota esse principibus. Nisi cum magistratus cogunt iurare in leges. Hodie quia principes statim initio imperii iurant in leges, tantum abest, ut legibus soluti sunt, quin quam maxime legibus obstringantur ex suo iureiurando.

Et ut soluti sint Principes legibus, tamen, ut inquit *l. 3.* nihil est tam proprium principatus, quam secundum *ll.* vitam degere. Et ita rectissime *l. 23. de legat. 3.*

Quia

Quia decet tantam Maiestatem eas seruare ll. quibus ipse solutus videtur. Et ita Paul. *lib. 4. senten.* eum qui leges facit, pari maiestate legibus obtemperare debere. Et eleganter Impp. Seuerus & Anton. *in §. ult. Instit. quib. mod. testa. infirmantur.* Licet, inquit, soluti simus legibus, tamen ll. viuimus. Et elegantius *l. 4. C. de legib.* præclarum esse & dignam vocem principis profitentis se legibus alligatum esse, & de auctoritate legum pendere auctoritatem principis, & reuera maius esse imperio, legib. submittere imperium. Ideo eleganter ait dict. l. *ex imperfecto. de leg. 3.* ex imperfecto testamen. imperat. legata aut fideicommissa vindicare, inuerecundum esse, id est, dedecori. Inuerecundus non est, qui, quod non debet, facit audacter; securus reprehensionis, pudorisq; sui. Inuerecundus Imper. qui non veretur senatus reprehensionem, cuius ipse pars est, ut ait *l. quisque. in princip. C. ad legem Iul. Mæst. & l. ius senatorum. C. de dignitat.* qui non reueretur auctoritatem Senatus, qui non curiam suam ait, *l. 5. C. de dignit.* Denique licet tantæ maiestati non leges dare tantum, sed etiam accipere, eique se submittere, fiscumq; imperii sui. Et secundum hæc præcepta in *hac l. 3. & in d. l. ex imperfecto.* Imper. profitentur se non vindicatuos hæreditatem, vel legatum, vel fideicommissum ex imperfecto testamento. Et simili modo inuenis etiam ex eo, quod quis dixerit se Imper. hæredem fecisse, vel hæredem facturum esse, id est, ex nuda pollicitatione & iactitatione inuerecundum haberi principem, vindicare hæreditatem; *l. ult. qui test. fac. poss.*

Cōstat etiam principem, si hæres sit institutus filio exhæredato pari querelam inofficiosi testamenti, *l. Papin. §. si Imp. de inoffi. testam.* Patitur etiam princeps legem Falcidiam, si legatū aut fideicommissum, aut mortis causa donationem acceperit. Seruat *l. Viconiam*, vel ut Augustus apud Dionem ab ea impetrata

à senatu. Quo exemplo doceatur Principes, ne quid faciant contra lege sine venia senatus. Volunt etiam optimi Principes prius testamen. in quo ipsi sunt scripti hæredes, rumpi posteriori testamen. id est, ut possit mutare quis etiam testamentum, in quo sibi Principem hæredem facit. Quid ni? *in l. d. s. tit. prox.* Plus dicam, etiam Principes aliquando minus adrogare, & cōcedere quam priuatos, puta, ut capiant quidem ex alienis testam. iure perfectis, non etiam codicillis factis ab intestato, nō ex epistola fideicommissaria.

Ex iis scripturis, quæ deferuntur, non capiunt, quæ sunt minus solemnes, *l. 2. C. Th. de testamen.* Eamque constitutionem mirum in modum Symmachus in epistola quedam ad præfectum prætorii commendat; utrum licet capere priuato, quod nolit capere Princeps, non nisi ex iusto & solemnī testamento? Sed postea alij Principes abrogarunt hanc *l. 2.* ut cōstat ex *l. 7. sup. tit. proxim.* Præterea licet regulariter prius testamentum scriptum rumpatur non scripto, id est, facto per nuncupationem, si utrumque sit iure perfectum, tamen nolunt Principes testam. prius ex scripto iure perfectum rumpi posteriore non scripto, in quo ipsi hæredes sunt nuncupati. Quia ita nuncupatum fuisse testam. non potest probari, nisi testibus, qui ut adirent nuncupationem testam. rogati sunt. Atque hoc testis facile suspicabitur, in gratiam principis e mentiri illam nūcupationem testam. quia dicunt defunctum hæredem nuncupasse Principem. Hoc igitur casu vult princeps in *l. nolumus*, hoc tit. ut constet prius testamentum, quod factum est iure & solenni scripto, nec rumpatur posteriore, in quo ipse sit nuncupatus hæres, solis testibus hoc facile concedentibus & blandientibus fortasse principi. Quinimo hoc vult *l. nolumus*. ut etiam, si prius illud testamentum ex scripto iure perfectum, postea sit rescissum à filio exheredato in eo testamento per querelam in

officiosi testamenti, si sit rescissa exheredatio, rescis-
sumq; testamentum totum, ac proinde exheredatus
filius veniat ab intestato ad successionem patris, vel
nec eo casu impediatur successio ab intestato, quæstet
posterius testamentū non scriptum, quo nuncupatus
sit princeps heres. Inuenio etiam, quod, etiā si regula-
riter quilibet possit vindicare hæreditatem sibi dela-
tā, ab ignoto pene homine, *l. extraneo, tit. seq.* tamen
legimus apud Corn. Tacitum lib. 11. Tiberium Imp.
semper respuisse hæreditates sibi delatas ab ignotis
hominib. Idem de Adriano Imp. legimus apud Spar-
tianum. Et eleganter est, ad hæc, quæ etiam de se scribunt
Impet. *l. 2. C. Th. de advocatis fisci*, plus sibi curæ esse
causas priuatorum, quam causam tutelamne sui fisci.
Et quod est proditum in *l. non puto, de iure fisci* eum
non delinquere, id est, non dicere ineleganter, qui in
dubiis quæstionibus facile responderet contra fiscū. Ad
quam sententiam danda sunt exempla, *ad l. vlt. inf. de
his, qui et indignis. l. Diuus. §. 1. de iure cod. l. intercidit
de cond. & demonstr. l. 2. de aur. & arg. legato. l. Paul. §.
1. de leg. 3.* In quibus omnibus locis in ambiguis sem-
per datur responsum contra principem, cōtra fiscum
erarium. Quæ regula potest accommodari multis ne-
gotiis, vt si lis est ambigua, potius descendamus in
eam sententiam, quæ onerat fiscum. Contra tamen
inuenio quibusdam ll. omnino, ita esse solutos prin-
cipes, vt nec secundum eas viuant. Inuenio solutum
esse principem ll. caducariis, Iulia nempe & Papia, *l.
quod principi. de leg. 2.* Si tibi relictum sit legatum, &
hominē eximero, id est, mortuus fueris, antequam
dies legati cederet, caducum sit legatum. Sed si lega-
tum relictum sit principi, & is obierit, quod omnes
obire oportet antequam dies legati cederet, legatum
non sit caducum, sed cedit hæredi principis. Et hoc est
quod ait *l. princeps de ll. princeps* legibus solutus est.
Nam diligenter attende ad inscriptionem legis, quæ
est

est Vlpiani ex quatuordecim ad legem Iuliam & Papiam, quæ sunt leges caduciaræ. Princeps ergo est legibus solutus, id est, l. Iulia & Papia, id est, non omnibus legibus. Etiam inuenio in manumissis vindicta, si quem princeps manumittat vindicta, non seruari solemnia iuris, leg apud eum, de manumissis. Quia scilicet concutrit fauor libertatis. Hoc igitur non tam principi datur, quam libertati, maxime datæ à principe, ut non desideret solemnia iuris: quæ data à priuato utique nulla sine solemnibus. Inuenio etiam nunquam ea lege, quæ lata est Duillo Cols. fuisse obligatum principem, qua cauetur, ne quis in vrbe sepeliatur. Inuenies apud Seruium Honoratum ii. *Æneid.* Virgines vestales & principes sepeliri in vrbe, nec ea lege teneri, quæ vetat quenquam in vrbe sepeliri. Inueniō legibus igitur non teneri principem, non obligari solemnibus iuris, his casibus, quos exposui. Nec vero dicam vnquam, generaliter esse verum, quod ait l. princeps, cum id tantum sit accipiendum specialiter de lege Iulia & Papia, non de legibus omnibus. Et tamen maxime id affirmabo. cum erit princeps, qui iurauit in legem, & quod contra legimus in plerisque auctoribus principem esse supra legem, hoc eo pertinet, ut intelligatur principem habere potestatem ferendi: & abrogandi ill. non temere quidem, sed ex iusta causa, & de Republ. Ac consequenter posse principem confirmare, quæ non iure facta sunt, ut legimus adoptionem, non iure factam, à principe confirmari. *in l. 38. de adoptionibus.* Et matrimonium iniustum, statumq; liberorum non iure quæditorum à principe confirmari. *l. qui in provincia. de rit. nup.* Legimus cōpænæ veniam facere & abolere crimen indulgentia & benignitate sua. Eos ex causa etiam veniam legib. facere. Et hoc solum est quod dicitur principē esse supra leges; nec placet, quod de Achille ait Horatius: *Iura negat sibi nata, nihil non arrogat armis.*

DE SUPREMA
IN REPVB. POTE-
STATE, QVAM MAIE-
statem vocant, eiusque notis ac
proprietatibus:

HABITA IN SOLENNI HEI-
delbergensis Academia panegyri, &c.
à Iohan. Calu.

Magnifice domine Rector, Generosi domini
Barones, Reuerendi, Clarissimi, &c.

*Proœmium, ac beneuolentia captatio, studiose
hic omissa est.*



VAESTIO politica erit, vel potius,
si quis ita malit, Politicoluridica: ni-
mirum, Quodnam sit illud *κρείον*
πολίτευμα, seu *κρεία ἀρχή*, hoc
est, summum in Republ. imperium,
ac potestas summa; De qua Aristot-
eles 3. polit. 7. & alibi: quæque illius notæ ac pro-
prietates.

Quam dum pertractare instituo, maiorem in mo-
dum vos vniuersos ac singulos, Auditores, quanta
possum obseruâtia ac diligentia, enixe oro, vt me so-
lita vestra benignitate excipere, ac breuiter de propo-
sito themate perorantem, beneuolo & æquo animo
audire & attendere non dedignemini.

Politica (vt à summo capite rem arcessam) specia-
line

tim ac proprie sumpta, est species philosophiæ practi-
cæ, tractans de prosperitate societatis politicæ, hoc
est, Reip. seu politicæ.

Prosperitas seu beatitas ista consistit in populi po-
litice consociati salute, prudenter ac iuste curanda;
adeoq; in Rep. prudenter ac iuste ad populi salutem
tum constituenda, tum conseruanda. Ad populi sa-
lutem, inquam: Non enim salus principis, sed salus
populi suprema lex esto, ex duodecim tabularum le-
gibus. Prudenter, inquam, & iuste: quoniam pruden-
tia rationis rectæ, & iustitia, sunt norma & regula,
sunt fundamenta & fulcra veræ ac legitimæ Reip. Ius
seu lex iusta, est anima Reip. legitimæ: Ratio vero est
anima legis & iuris.

Proinde Reip. seu politia recta siue legitima, est ad
populi legitime consociati salutem prudenter ac iu-
ste facta ordinatio: quicunq; demum casus, seu pacis
seu belli, inciderit, vel Reip. recta, est populi legitime
congregati suprema perpetui (seu statim) regiminis po-
testate ad communem omnium salutem, secundum
ius & rationem rectam moderata societas. Regimi-
nis, dico: & secundum ius, dico: quoniam Reip. ne-
cessario flagitat imperium & ius: prudentiam & iusti-
tiam. Iustitiæ fundamētum est in prudentia rationis
rectæ, quatenus hæc (nempe ratio recta, eaque pra-
ctica) legem naturæ seu cōscientiæ in sese complecti-
tur. Prudentia ergo præcedit quoad rationem: iusti-
tia eam sequitur quoad conscientiam & voluntatem
rationis: prudentia legem conscientiæ secuta impe-
rat & decernit facienda & exequenda: iustitia exequi-
tur prudentiæ decreta & imperata. E quibus omni-
bus consequitur; studium politicum, si generalissi-
ma eius capita consideres, primum omnium de po-
pulo, variisque in eo personarum generibus, item po-
puli ingenijs, natura, & moribus dispicere (non enim
quælibet cuiusque populi ingenia, & quilibet mores,

quaslibet leges admittunt) itemque de coniunctione ac societate populi: quæ sit communis salutis, mutui officii ac beneficii causa: deinde de salute populi dispicere: quæ variis bonorum ad huius vitæ prosperitatem necessariorum generibus constat: quæque consistit in communicatione rerum ac bonorum: quia vni ac solitario homini non suppetunt omnia: item in præmiis & poenis. Bona vero illa, quibus salus ista cõstat, sunt partim animi, vt artes ac virtutes; partim corporis: eaq; tum interna, vt sanitas, tum externa, vt opificia mechanica, partim vitæ seu fortunæ, vt honores & dignitates, honesta fama: item opes, & omnis generis possessiones.

Deniq; de ordinatione illa seu cõstitutione politiæ dispicere, quæ tũ imperio, & magistratibus; tum iure & legib. constat, quæq; salutẽ istam procurat, & quõ bona illa iuste cõparentur & conseruentur, interdum & alienentur aut amittantur, cõmonstrat: tũ imperio, inquam, tum iure ac legibus: quoniam sine imperio, sine magistratibus, sine iudiciis, dicasteriis, curia, senatu, cõsiliis publicis, sine iure ac legib. nulla omnino politia subsistere, multo minus florere, potest. Forma ergo politiæ seu Resp. est ordinatio politiæ, inter ciues, magistratus & maiestatem, rationi rectæ, iustitiæ, & vtilitati publicæ, consentanea, Arist. 3.^o tit. 1. c. 6. attestante: inter maiestatem, inquam, & subditos; & hos, tum ciues priuatos, tum magistratus publicos.

Atq; hæc breuiter de generalissimis studiis politici capitibus.

Cæterũ cum Resp. nempe laudabilis & recta; præcipue definiatur suprema illa perpetui (seu statii) regiminis potestate, communẽ videlicet omnium salutem secundum ius & rationem rectam procurante: certẽ præcipua huius ipsius in omni Rep. cõsideratio esse debet. Suprema illa suprema regiminis potestas omnia secundum ius, & rationem rectam ad cõmu-

nem populi salutē regens ac moderās (quę quasi forma & anima Reip. verę, aut principis veri est) eleganter à plerisq; maiestas nuncupatur. Aliis vero nominibus superioritas, absoluta potestas, potestatis plenitudo, imperialis præeminētia vel potestas, summum imperium, summa imperii potestas vel authoritas; Aristoteli 3. *polit.* 7. vt & aliis, græcè *κυρία ἀρχή*, κύριον πολίτευμα, ἀκράϊξια.

Maiestas porro vera ac legitima nil aliud omnino est, nisi suprema omnis iuris & imperii in qualibet legitima & ab aliis separata Rep. secundum Dei, naturę, seu cōscientię, & communis politię legem, potestas: Vel, vt succinētius ac rotūdius definiam; Maiestas est suprema & perpetua in quavis Rep. secundum ius & rationem rectam potestas, nullis vllius alterius Reip. propriis legibus aut imperiis subiecta. Hę namque sunt tres integrales maiestatis; quę Remp. ipsam repræsentat; partes aut proprietates (quanquam in tertia seu postrema proprietate Bodinus, & cum secuti dissentiant: de quo infra.)

Maiestas ergo, id est, potestas suprema, perpetua, nullis alterius Reip. legibus aut imperio subiecta, forma Reip. vel certe principis est, per quam est id quod est: quę potestas in vera & legitima Rep. cōmunem populi salutem secundum rationem rectam, & secundum ius curandum vnice spectat. Porro maiestatis (vt & magistratus) vocabulū aliquando potestatem ipsam significat, aliquando personā, vel personas tali potestate præditas; vnde maiestas & princeps sæpius pro eodē sunt, nēpe pro suprema illa supremi regiminis potestate: vel ēt pro persona tali potestate prædita.

Interea, licet maiestas populi quoq; & optimatum sit: vt plurimum tamē Monarchię seu Imperatori tribuitur: nec princeps facile in Aristocratia & Democratia pro maiestate talium Rerumpublicę usurpatur. Itaque maiestas, si vnius est, is qui eam obtinet.

principis, hoc est, monarchæ seu imperatoris, appellationem retinet, nempe in monarchia. Quamquam M. Antonius, & L. Verus eodem tempore simul maiestatem vnâ eandemque communem quondam habebant apud Romanos: sin autem plurium sit imperialis illa præminentia; tum vel paucorum est, qui optimates nuncupantur, nempe in Aristocratiâ; vel plurium & vniuersorum, qui populus est, nempe in populari statu: hæc enim sunt tria præcipua Reip. seu imperii genera, Aristotele 3. & 4. *Politicorum*, & 2. *Ethicorum Nicomach.* cap. 10. & 11. teste.

De numero vrbium ad Rempublicam eiusq; maiestatem pertinentium, si hic quærat: Vrbes etiam vnica Rempub. interdum integram continet: & maiestatem seu *παμβασιλείαν* obtinet: seu monarchicam, seu Aristocraticam seu Democraticam: Vrbisque vnus imperium, à multarum vrbium imperio quantitate sola differt: quoad formam, differentia nulla est. In Aristocratiâ & Democratiâ maiestas seu princeps numero quidem multiplex est, sed *τὸ λόγον*, seu ratione non nisi vnus ac simplex, vniusq; non diuersi imperii ac superioritatis.

Propria maiestatis effecta, vocæ ac tesserae, sunt quælibet regalia, tum maiora præsertim, tum minora: leges condere, interpretari, abrogare, bellum hostibus indicare, inferre, ac finire; priuilegia conferre: Nobilitare: legitimare: famæ restituere: academias fundare: Magistratus (præsertim superiores) item Doctores, Magistros, Licentiatos, Poetas, tabelliones, creare, de sententiæ viribus cognoscere, nullam à se ad alium prouocationem admittere, ad mortem condemnatos, si grauis causa sit, absoluerè, nummis precium, pondus, nomen & figuram præscribere: de ponderib. statuere: vectigalia & tributa exigere: bona vacantia occupare: Mercatus & Nundinas cōstituere:

& si quæ sunt istius generis alia. *Confer Dn. Vult. 1. Iur. Ro. 12. num. 25. ac seqq.* Ac si quis vnum ex illis absq; speciali Imperatoris concessione, propria auctoritate sibi sumit: is læsæ maiestatis crimen committit. Ista maiestatis iura, ista regalia, istam maiestatis potestatem, h. e. supremam, perpetuam, nullis vllius alterius Reip. propriis legibus aut imperio subiectam, habet in Democratia populus, in Aristocratia optimates, in Monarchia Imperator seu Princeps: Senatus Roma. non habuit: ac ne in Democratico quidem statu habuit; hinc enim tritum illud: Senatus populusque Romanus; non autem senatus solus. In Monarchico vero statu multo minus habuit: quantumvis Imperatores nonnulli Senatum & consules maximo honore afficerent, adeo quidem, vt ipsimet quoque Imperatores suum inter Senatores & consules nomen profiterentur. Sed quid dictator Romanus? profecto nec is veram maiestatis potestatem habuit: quia perpetuam, statam, & ordinariam non habuit, sed repentinam, ob improuisum necessitatis casum iniunctam: non habuit, inquam, vel ideo etiam, quoniam à Dictatoris sententia appellare licuit; quod autem aliquandiu id non licuit, ex speciali priuilegio, & ita ex accidente fuit. Summam ergo potestatem habuit quidem, sed non absolutam, & maiestatis propriam, verum limitatam ac tēporariam, quam certo tempore, quippe tanquam alienam, restituere cogeatur.

Neque vero patroni Rerumpub. infirmiorum, multo minus confœderati in confœderatos, summā maiestatis potestatem habent.

Suprema namque maiestatis potestas, *Aristotel. 3. Polit. 7. κύριον πολιτεύμα, κυρία ἀρχή*, est potestas illa, quæ nemini, præterquam immortali Deo, subest & obtemperat: vel quæ post Dei immortalis potestatem, nullam inter homines seipsa maiorem

agnoscit. Quippe variae in quolibet imperio sunt potestates & imperia varia: vna vero istarum potestatum semper prima ac suprema est: à qua reliquae omnes dependent. Etenim vt ad rationem, seu mentem in arce rationis sedentem, sensus, affectus, appetitus, omnesque partes vitæ respiciunt, ab eaque diriguntur: sic ad summam Imperii maiestatem omnes ac singulae Reip. partes, officia, & munera. Aristotel. 4. *Polit.* 14. principales partes & munera *κυριας ἀρχῆς* sunt, senatus, seu consilium publicum: magistratus maiores & minores: ac iudicia, equitatis & iustitiae asyla: Aliud ergo maiestas est, & aliud magistratus. Maiestas seu princeps, est potestas supremam & perpetuam in Repub. auctoritatem & imperium obtinens, nemini præterquam immortalī DEO subiecta. Magistratus vero est persona publica, potestatis politicæ (quippe imperij ac iurisdictionis) partem aliquam à Principe communicatam habens. Princeps enim seu maiestas ipsam Remp. omnemque eius dignitatem, vires, robur, ac potestatem repræsentat & sustinet.

Et vt anima corpus omniaque corporis membra: ita princeps corpus Reip. ac subditos eius omnes, regit ac moderatur. Veruntamen cum is singulis ipsemet prouidere non possit, domestica patribus familias commendat: quæ vero ad Reip. statum pertinent, hæc ita instituit, vt, prout partes Reip. ad ministrandæ sunt variae, sic varia constituat officia, quibus gerendis præficiat alios. Solet namque potestatis & imperij sui partes, seu plures seu pauciores, seu superiores, seu inferiores, variis varie perque varia munera publica, communicare: idque non priuatiue, sed cumulatiue. Mynsingerus *cent. 6. obs. 99.* post alios. Ipsam vero maiestatem, & summa regalia, seu iura maiestatis ipsius ac solius propria, nemini communicat, sed sibi peculiariter priuilegiata referuat.

Proin-

Proinde magistratus & præfecti, iudices & consilarii, à maiestate seu principe, tanquam riuuli à primigenio fonte primitus in Republica exoriuntur, ac semper dependent; eique indiuulso nexu coherent: atque adeo quicquid sunt, ac recte peragunt, maiestatis iubentis aut permittentis (seu per se, seu per alios id faciat) intuitu ac vigore validum ac firmissimum existit: quoniam in maiestate principis; & origine prima, & continuatione deinceps perpetua, omnes isti fundantur ac sustentantur: seu maiestas illos ipsamet per se, seu per suos, legem suam constituat, aut constitutos confirmet, vel per ratihibitionem approbet: *Vid. Baron, ad l. 4. de offic. eius cui, &c.*

Quapropter omnis potestas, Imperium, magistratus, iurisdiclio, specialis aut particularis, in Rom. Rep. qualiscunque vel quantacunque sit, à principe seu maiestate Imperij Romani (cuius vicem Imperator & status Imperij Roman. hodie repræsentant) tanquam ex perenni fonte, perpetuo fluit, ac in eundem refluit; ab eoque & dari & adimi potest. Menoch. præsumpt. 14. lib. 2. nu. 23. 4. Mascard. Vol. probatio. 2. conclus. 1033. nu. 2. Adeoque maiestas seu Princeps fons & origo, basis ac fundamentum, summus præses & arbiter est omnium in suo regno tum iudiciorum, tum iurisdictionum, tum magistratuum, tum Imperiorum; adeoque potestatis cuiuscunque in eadem Rep. existentis.

Vnde magistratus haud immerito definitur persona publica Imperij ac iurisdictionis politicæ partem aliquam à Principe communicatam habens. h. e. commodato datâ: quandoquidem non dominus, sed possessor sui Imperij vel iurisdictionis est, q. certo ac finito tēpore, si princeps voluerit, commodatum vel depositum reddere cogitur. Vsum namque imperij ex præcario habet: *vid. Bodin. lib. 1. de Rep. c. 8.*

Proinde

Broinde si potestate & imperio suo abutatur, & a-
superior quam par est, in subditos suos probetur, iu-
risdictione & imperio suo penitus à Maiestate pri-
uari poterit, *vid. Myns. centur. 3. obf. 8. Gail. 1. obser. 17.*
Quandoquidem superior, qui istam concessit pote-
statem, non desinit potestatis suæ arbiter esse,
vid. D. Alchus. 1. Jurisp. Rom. 8. pluribus allegat.

Sic ergo maiestatis in Rep. potestas suprema est, à
qua reliquæ omnes dependent. Eadem vero & per-
petua est: quia nullo per sese tempore definitur: a-
deoque tam diu durat, quam diu imperans, & im-
perium viuit; viuit autem ac persistit Imperium,
quam diu substantialis forma & modus non muta-
tur. Magistratus quidem aliqui sunt & ipsi perpe-
tui: sed non per se, & ex se; verum ex principis con-
cessione.

Denique maiestatis potestas non tantum suprema
& perpetua est: sed nullis etiam vllius alterius
Reip. propriis, legibus aut imperiis subiecta: Neque
tamen propterea legibus (vt acutissimus Bodinus,
& cum secuti, sentiunt) proprie ac vere soluta. Non
enim vel Dei creatoris, vel naturæ: vel gentium, vel
communis politix legibus, soluta esse aut potest aut
debet. Eleganter Aristoteles. 3. *Polit. 16. & alibi*; satius
est in Rep. imperare legem quam regem: tum quia
honestius, iustius, ac naturæ conuenientius: tum quia
vtilius populo: lex enim sincera, non inhiat auro
ac bonis ciuium, sicut rex: & ibidem: vbi lex imperat,
ibi Deus imperat (lex enim est imago quædam Dei:
quia est ratio, pura & sincera, ab omni affectu libe-
ra) vbi autem rex & homo imperat; ibi affectus, qui
instar beluæ est, imperat: Sic. 1. *Polit. 2. & alibi*, tum
ipse, tum interpretes eius præcipui: Homo sine ratio-
ne recta, sine lege ac sine virtute, prudentia præfer-
tim & iustitia, sceleratissimum animal est, & nocen-
tissimum in societate politica: nam ne minima qui-
dem

dem ac simplicissima societas sine ratione & virtute sine communione iuris ac legum subsistere potest. Et dicto *cap. 16.* veri politici (ait Philosophus, eiusque interpretes) legem imperare volunt, non hominem: quia ius quærunt; quod est in lege: & quia lex est medium, ad quod velut ad centrum ac normam æquitatis & æqualitatis, politici veri cuncta referunt, & e qua seu æqualia faciunt; atque ita demum vnicuique quod suum est, tribuunt. Et *3. Polit. 11. 46. 15.* Imperium summum penes legem esse debet, non penes hominem: sic tamen ut imperium summum tenens, legum sit custos, defensor & interpretis accuratissimus: & dicto capite 11. Imperium primario sit penes legem; secundario penes reges aut homines, nempe in casibus, nulla lege expressis. Lex primario, Rex autem (si lex deficit in casibus forte singularibus lege non expressis) secundario secundum legem naturæ, & rationem rectam imperare debet. Et *3. Polit. 13.* Virtutis veræ ac legum studioso cultori reuera debetur imperium. Et *3. Polit. 4.* Qui rectæ rationi ac virtuti obtemperat, is demum solus est dignus, qui impetret aliis. Et iam *d. cap. 4.*

Nihil est in Principe excelsius ac magnificentius (ait Aristoteles, eiusque præcipui interpretes), quam si virtuti ac legibus bonis perpetuo sese humiliter subiiciat. Nam quod ordine fit, hoc lege, hoc demum recte fit: ac vicissim; quod lege, quod recte, hoc ordine. *3. polit. 16. Et 4. Polit. 2. cap.*

Optima Respub. exactam virtutis, proinde & legum bonarum, regulam, & exquisitam ingenuæ educationis disciplinam flagitat: ideoque in optima Republica, sola & exacta virtus legesque bonæ imperant.

Atqui (obicceris) Philosophus *3. Polit. 17.* *ἡ βασιλεία* non legi, sed Regi tribuit. Imo vero, inquam

quam *παμβασιλείαν* vnius monarchæ, legibus præsertim scriptis, haud nitentem repudiat philosophus, ac genuini eius interpretes; nimirum si sine distinctione accipiat: probant autem eam, non tanquam regulam & per se, sed tanquam exceptionem à regula, & per accidens: quippe tum demum probant, si Monarcha aliquis heroica & præcellentissima virtute, prudentia, iustitia, fortitudine, & cæteris, præditus, & ad *παμβασιλείαν* aptissimus esse certo sciatur: subditi vero eius ad talem monarcham ferendum natura sint idonei. Atqui Princeps legibus solutus est per legem regiam, qua populus Romanus omne suum ius omneque imperium ac maiestatem principi & in principē contulit. Sic aiunt equidem.

Tacitus vero annalium suorum initio *Dion libr. 93. Suetonius in Tiberio, capite 30.* & alij, si quis recte attendat, rem paulo secus narrare videntur: nempe populum Romanum non ipsummet sponte libera tantam imperatoribus concessisse potestatem; sed hanc eos ad se partim donis; partim dolis, partim vi & armis, variisque blandimentis, technis, ac persuasionibus, callide transtulisse. Ac mirum certe sit, si Romani, qui paulo ante Iulium Cæsarem, regiam seu imperatoriam potestatem recte & callide affectantem tot vulneribus misere confecerunt & mactarunt, omne suum imperium ac maiestatem in Principem seu imperatorem indefinite, ac indistincte transtulerit. *Vide Connanum. l. c. 10. num. 3. ac seqq. Et Baron. ad l. 1. de constit. princip. c. 1. ad l. 31. in fine. de ll. confer l. 2. de origine iur. c. l. 1. ad l. Iul. Maiest.*

Quod si tamen vera & non dolosa sit lex regia: solutus quidem legibus est princeps: sed solutus quoad populum soluentem: non quoad ipsum principem,

pem, eiusque personam, officium, rationem, conscientiam, non quoad ius naturæ, gentium, aut civile; *attestante l. 3. C. de testamentis.* licet lex imperii solennibus iuris imperatorem soluerit, nil tamen tam proprium imperii est quam legibus viuere. Populus quippe Romanus, vel potius senatus solus, soluit eum, misere persuasus accircumuentus, populus, inquam, non Deus, non conscientia, non natura; non ratio naturalis, non ratio politica, non ius societatis politicæ, non consuetudo seu mos maiorum pristinus ac legitimus, non officium veri principis.

Olim totus populus in rep. Romana, & aliis similibus, nullo hominum ordine, nullo homine (nisi plane extra ordinem) excepto, legibus suberat: Omnes cuiuscunque ordinis homines, si grauius deliquissent, plectebantur: quod id postea in Monarchijs (Romana, & aliis) fieri desuevit, hoc vitium est Reipublicæ male constitutz, & in eò ipso male constitutz, quod Monarchæ legibus soluti, ac per omnia suo ipsorum arbitrio & placito permissi. Romani sane in lege regia (si principem simpliciter soluerunt legibus) grauissime peccarunt, quod plus scilicet principi tribuerunt, quam ipsimet antea habebant: Erant enim legibus subiecti vniuersi ac singuli in populo ordines. Nec quicquam est quod in Monarchia tam obstet, quo minus ipsi citra vllam hæitationem primas præ reliquis Reipublicæ rectæ formis deferamus, quam illud ipsum, quod monarcha legibus solutus esse, ac pro affectu, & plenitudine potestatis pleraque statuere & imperare cupiat, non autem ex plenitudine rationis rectæ, virtutis, legum, iuris, & æquitatis certæ atque expeditæ.

Sed nemo, ais, Principi imperat, nemo leges præscribit, quæ ipsum obligent: nonne ergo legibus solutus est?

est? immo vero Principi bono, bono, inquam, ac vero iustoque Principi, nemo imperat, nisi ratio recta; nisi virtus, nisi iustitia, nisi leges communes istius, in qua degit, politiæ: Nemo, nisi lex conscientiæ, quæ ipsum arctissime obstringit etiam ad particulares leges ciuiles, quæcunque ad ipsius personam villo modo, vllaue analogia accommodari possunt: Lex, inquam, conscientiæ: quod tibi vis fieri, id alteri feceris; quod non tibi, id ne alteri; item, turpe est doctori, cum culpa redarguit ipsum: Nil denique ei obstat, nisi ratio officij ac personæ, quam sustinet: quæ flagitat, vt in omnibus bono exemplo præcat ciuibus ac subditis suis.

Et vero absurdissimū sit, caput ciuitatis non esse partem aut membrum ciuitatis, non frui communi spiritu & anima ciuitatis: Anima vero ciuitatis seu Reip. veræ, est lex, non tamen naturalis ac gentilis (de qua vtraque nullum apud nos dubium est) sed etiam ciuilis; de qua præcipue quæritur. At vero lex regia, quæ Regi seu imperatori fauet, nonne ciuilis est? nonne princeps huic subiectus esse cupit? Et cur Princeps certa, eaque ciuilia, habet priuilegia & regalia, si legibus ciuilibus omnino solutus est: quippe priuilegia habet, hoc est, exceptiones à communi regula, ergo in aliis, præter exceptiones istas, regulæ subiacet; in ijs nimirum, quæ ad ipsius personam aut proprie aut ἀναλογικῶς accommodari possunt, non autem in ijs, quæ non possunt; vel quæ rite priuilegiata habet. In his enim solis, legibus solutus est; nempe quæ nec proprie ac diserte, neq; ἀναλογικῶς ad ipsius personam accommodari possunt; deinde in his quæ recte ac merito priuilegiata habet. Rectissime ergo *l. 3. C. de testa.* licet lex imperij solennibus iuris imperatorem soluerit, nil tamen tam proprium imperij est, quam legibus viuere. Pie & christiane
pūss-

piissimus imperator Theodosius, *l. 4. C. de ll.* Digna vox est maiestate regnantis, legibus sese alligatum principem profiteri: adeo ab autoritate iuris nostra pendet autoritas: & revera maius imperio est, Principem legibus submittere principatum. Hæc Theodosius Imperator, Verissime *l. 23. de leg. 3.* Decertantia (Imperatoris) Maiestati, eas servare leges, quibus ipse solutus esse videtur: adde Cuiac, *15. obs. 30. l. 7. C. qui testam. l. ult. ff. acd. l. 91. de hered. inst. D. Gothofred. ad N. 105. c. 2. fin. l. fin.* (sic contumax vel &c.) Eleganter Plinius in Panegyrico ad Traianum Imperatorem. Non est princeps supra leges, sed leges supra principem. Et Apollonius Thyaneus ad Domitianum Imperatorem, teste *Philostrato lib. 8.* Si leges tibi imperare non putaveris, ipsemet recte non imperabis:

Atque hæc obiter tantum & ἐν παρορσῳ de quaestione ista, An Maiestas legibus soluta sit. Eius enim ex professo suscepta tractatio, multo plus temporis ac laboris flagitaverit.

Hactenus ergo de natura, notis, ac proprietatibus: *κρίσις ἀρχῆς*, quam Aristoteles vocat.

QVOD REX SVBDITVS SIT
legibus, Oratio, à doctissimo quodam
viro Parisiis habita.

SÆpenumero miratus sum, quorundam hominum, stultitiam ne an imprudentiam dicere debeam, nescio, qui vulgo iactare sermonibus solent, Regem legibus his, quas tulit, vel à maioribus suis accepit, solum esse: qui dum stulta assentatione Regis autoritatem laudare volunt, huic profecto magnum dedecus adferunt. Etenim quid tam
H regium,

regium, tamque magnificum est, quam temperantiam seruare, fortitudinem sequi, virtutibus omnibus obtemperare? At leges virtutis magistræ sunt, quæ res honestas ac viles humanæ vitæ præcipiunt, prauas autem & inutiles prohibent. Hoc, inquam, legum munus est, vt iustitiam & æquitatem hominibus commendent, improbitatem ac scelus ab iisdem procul arceant. Veniant igitur aulici & Gnatones, & iam vel ipsi iudicent, vtrum sit honestius sanctas & incorruptas leges à principe coli & obseruari, an vero scelerate ac incestu violari & cõtaminari. Etenim si Rex fuerit immunis à legibus, quid inter eum & Tyrannum poterit interesse? Quem enim Tyrannum appellamus? opinor, eum qui claustrâ iuris & æquitatis scelere & audacia perfregerit, apud quem non lex, non ratio, non mos patrius, sed libido, sed improbitas, sed odium patriæ, ac vtilitatis publicæ valeat.

Consule tu duos præpotentes Reges, Cambysen, & Cyrum, de vero imperatoris officio apud Xenophontem disceptantes: ita enim Cyrus Cambysen alloquitur: εὐ ἔφη ὁ πάτερ, ὡς καὶ καρτερόν ἐστι πρὸς πάντα τὸν ἀρχόντα τῶν ἀρχομένων μᾶλλον εἶναι, ἐγὼ γὰρ εἶναι, ait Cambyses, nonne statuunt imperatorem ad omnia tolerantiores esse, & legibus magis astrictū, q̃ subditos? Non intelligis igitur, homo inconsiderate, cum Regem legum vinculis liberas, te Regem tyrannum facere? At quanta esset in vtroque dissimilitudo, facile ex Xenophonte liquet. Attendē igitur paulisper, quid loquarē, & cogitationem sapientis hominis ad punctum temporis suscipe. Necessē est Regem aut virtutibus, aut vitiis parere: quandoquidem tertium nihil est: Tunc vitiiorum & scelerum seruū & ministrum dixeris? Nunquam eris, vt opinor, tam stupidus, vt in Regis personā

sona tantam turpitudinem inesse fateare. Sequitur igitur, ut virtutibus obsequatur, quarum mēs & anima lex est.

Quæro autem à vobis, Auditores : possit ne Rex bonus & pius, qualē hac oratione nostra quærimus, rationem ducem & magistrā non sequi? Atqui nihil aliud lex est, si Iamblico credamus, nisi recta ratio & omnium regina, quæ recta & iusta iubeat, vetetq; contraria : ita enim inquit ille : λέγειται μὲν εἶναι πάντων βασιλεὺς ὁ νόμος, ὃ ὃ αὐτὸς δοκεῖ καὶ προστάττειν τ' ἀγαθὰ καὶ τ' ἐναντία ἀπαγορεύειν.

Videte igitur quam stultē & inscite Regem laudent ij, qui negant eum bonis & honestis legibus deductum & astrictum esse oportere. Ego vero si de illō perhonorifice loqui vellem, hunc non solum patētem, & authorem legum, sed etiam custodē & conservatorem studiosissimum & vigilantissimum dicerem.

Est enim in Repub. velut in theatro constitutus, quem sui ciues obseruant : itaque si iustum & bene moratum videant, bonos eius mores : sin improbum & insolentē, vitia quoque imitabuntur. Caveat, Auditores, quicquam Platonis sententia verius esse putetis, quales sunt in Repub. principes, tales reliquos solere fieri ciues : & quæcūque mutatio in principibus extiterit, eandē in populo sequuturam. Quo perniciosius de Repub. merentur vitiosi principes, qui non solum vitia concipiunt ipsi, verum etiam infundunt in civitatem : neque solum obsunt, quod illi ipsi corrumpuntur, sed etiam quod corrumpunt : plusque exemplo, quam peccato nocent.

Illud vero valde mirandum esset, si licentia peccandi Regibus proponeretur, cum ipsi graviter & severe hominū peccata puniant, ὅτε γὰρ, ut Demosthe-

nes ipse ait, *πίπτοντες ῥέχουσιν, ἢ τὰ τέλει ἀτακτοῦντες, ἢ ἀρχεῖν μὴ ἀρχομένους*: Nam quid minus ferendum est, quam quinquam ab aliis vitæ rationem reposcere, qui non possit reddere suæ? Tu iustitiam imperabis, & interim tamen iniuriam alijs facies? Tu officium commendabis, & ab officii religione deflectes? Non est ita, Auditores, neque quisquam veterum Regum, aut legislatorum, qui cum laude & dignitate Rempublicam tractauit, se publicis legibus vnquam emancipatum esse voluit, sed eas sancte & officiose coluit.

Nihil erat apud Romanos Numa Pompiliq; religiosius, nihil apud Athenienses Solone iuris & æquitatis studiosius, nihil apud Lacedæmonios Lycurgo modestius. Quid, quod olim in principem, si quid deliquisset, non minus quam in priuatum leges animadvertebant? Torquatus filium, quod edicto imperatorio obediens non fuisset, securi percussit. Et Zaleucus Locrensis, cum legem in adulteros tulisset, ut oculorum lumine priuarentur, filium adulterij crimine conuictum damnauit: & cum tota ciuitas in honorem patris necessitatem poenę adulescentulo remitteret, sibi tamen vnum, deinde filio alterum oculum eruit. Quamobrem qui negant Reges legibus esse subiecti, magnam iniuriam Regiæ maiestati faciunt, præsertim cū nihil magis in vita principem deceat, quam exemplo suo populum ad amorem virtutis, quam leges ipsæ præcipiunt, modis omnibus incitare: Imo cum prima Regum origo à Virtute extiterit: vt iam
sequitur.

QVOD

*QVOD PRIMA REGVM ORI-
go fuerit à virtute, Oratio, Pari-
suis habita.*

Cogitanti mihi, & annales veterum populo-
rum memoria repetenti, non alia comen-
datione primi Reges delecti, & creati fuisse vi-
dentur, quam virtutis & probitatis suæ: vt qui iusti-
tia, prudentia, humanitate, temperantia, reliquis
hominibus anteirent, ab gubernacula Reipub. suf-
fragijs omnium vocarentur. Itaque primam Re-
gum originem & institutionem sanctam & diuinam
credere par est, quam propter opinionem sanctitatis
& diuinitatis cuiusdam, quæ visa est in antiquissimis
Regibus, maiores nostri ad constituendum statum
Reip. comprobarunt. Vultis igitur exemplis prisco-
rum populorum apud nos utamur? vultis ex anti-
quis historijs Regiæ dignitatis augustos & sacrosan-
ctos ortus repetamus? Cum apud Medos olim furta
& latrocinia impune committerentur, nec vllus fe-
re esset relictus iustitiæ locus, placuit illis Deiocem
hominem sanctissimum atque integerrimum, cu-
ius virtus omnibus probata & spectata satis esset, Re-
gem facere, qui cum prohiberet iniuria tenuiores, æ-
quitate constituenda, summos cum infimis pari iu-
reretinebat.

Eadem occasione scribit Aristoteles bene mora-
tos Reges delectos fuisse, vt eorum præsidio popu-
lus vniuersus contra sceleratos & improbos homi-
nes, qui quotidie cæde & latrocinijs humanam so-
cietatem violabant, defenderetur. Cogitemus de
his qui leges condiderint, qui populum ab agresti vi-
ta ad humanum & civilem cultum deduxerint, qui
nuptias, qui sacra & cæremonias instituerint, qui
res omnes honestas & vtilis, & Reipublicæ salutare

inuenerint. Cogitemus, inquam, de his, qui fundamenta Reipublic. præclare iecerint, quales viros igiterris fuisse, vel potius quales deos inter homines vixisse & regnasse putamus? Samothēs enim Rex antiquissimus Gallos non solum humanis, sed etiam diuinis legibus informauit. Minos viuus apud Cretenses tanta fuit æquitate & iustitia, & a poetis mortuus etiam iudicium exercere dicatur. Nec vero Prometheus ignem de cœlo elepsisse ab iisdem poetis traderetur, nisi diuina & cœlestis eius virtus, quam velut cœlestem flammam populus inspirauit, nomen illius ad errorem fabulæ traduxisset. Quid commemorem Numam Pompiliū, ob eam solam causam, quod optimus & integerrimus haberetur, absentem à Romanis designatum fuisse Regem, & multis precibus, cum tantam prouinciā respiceret, accersitum ad diadema & imperium populi Romani? At cur ille tantam auctoritatem respuebat? sane quod magnum & arduum, & difficile esset, primis illis temporibus regnare: vigilandum erat: laborandum erat: dies & noctes molestiæ & solitudines graues erant perferendæ ac sustinendæ. Ideoque quærebatur vir fortis & magnanimus, & industrius, qui tanquam pastor gregem sibi commissum, sic populum suæ fidei & sapientiæ creditum assiduitate, vigilantia, æquitate, iustitia, omni recta ratione bene & fideliter administraret: neque tantum præcepto, sed multo magis exemplo suo imperitos homines ad religionem, iustitiam, temperantiā, humanitatem denique omnem adduceret. Sic Ægyptiorum reges sapientissimos & spectatissimos fuisse legimus, in quorum statuis hoc inscribatur, *εἰς ἐμὴν τὴν ὁρὰν εὐσεβὴς ἔστω*: *In me aliquis aspiciens, pius esto*: Regem namque exemplar esse virtutum omnium decet, quem

quem sui ciues tanquam Deum in terris intueantur
cuius vita & moribus vitam suam & mores insti-
tuant : cui non secus atque Regi cœlesti pareant &
obsequantur : nec inscite poëta de principis boni au-
toritate scribit,

*Tum pietate grauem & meritis, si forte Virū quem
Conspexere, silent, arrectisq; auribus astant:
Ille regis dictis animos, & pectora mulcet.*

Sed quid tam multis exemplis orationem pro-
traho? sunt alia multa, Auditores, de Regiæ di-
gnitatis origine: quæ si persequi vellem, tempus me
potius, quam oratio deficeret. Hoc vero singulare,
& ad id, quod probare volumus, maximum argu-
mentum est, quod reges & regna à Deo Opt. Max.
hominibus dantur, nec quisquam est, aut vnquam
fuit in eo dignitatis & excellentiæ gradu constitutus,
qui non Regiam auctoritatem semper acceptam DEO
retulerit. Quæ cum ita sint, cui quæso
dubium esse potest, quin Deus, qui sapientissimus,
iustissimus, optimus est, sapientissimos, & iustissi-
mos, & optimos quosque homines populo regen-
do præesse voluerit? Ergo quidem perspicuum
est non solum humanis, sed etiam diuinis suffragiis,
eos homines olim ad imperandum deligi solitos,
quorum de iustitia & probitate magna esset opinio
multitudinis: adiuncto vero hoc, ut iidem prudentes
etiam haberentur, nil erat, quod homines his auto-
ribus non posse consequi se arbitrarentur,

Nec abs re profecto principes, qui sapientia & con-
silio valeant, adhibentur. Etenim qualis est affectus
& appetitus in corpore, talis populus in republica:
& quemadmodum Deus Opt. Max. in homine men-
tem & rationem, quæ vagos insolentes appetitus,
sic in Republic. Regem, qui stultum & indomitum

populum regeret, & in officio contineret iustitiæ, temperantiæ, reliquarumque virtutum collocauit. At multi improbi & scelerati, priscis temporibus regnaverunt. Quid, tu Reges à tyrannis non distinguis? Tu quidem tyrannidem exercuisse dicito, regnasse ne dicito: quandoquidem Reges eos duntaxat fuisse constat, qui non ambitione, non potentia, non ullo scelere, sed modestia, virtute, fama & laude Regiis fasces adepti sint, & administrarint, seque totos ad bene merendum de hominibus contulerint. Quamobrem cum Regalis authoritas à DEO, à virtute, à commendatione probitatis, iustitiæ, fortitudinis, temperantiæ profecta sit, eiusque consilio leges in Republic. constitutæ, & res omnes quæ ad publicam utilitatem spectarent, inuentæ, & hominibus traditæ fuerint, primique Reges laude & fama in cælum sublatis sint, & propter excellentia & diuina in Rempub. merita, in deorum cætu & concilio versari putentur, hanc tantam, tamque eximiam maiestatem ab augustis & sanctis auspiciis ortam tanti æstimare nos decet, ut nil in rebus humanis maiore admiratione & veneratione dignius existimare debeamus.

Sed quoniam Reipub. & Imperij mentio sæpius hic facta: ad Locum Communem de Repub. & Imperio, tum in genere, tum in specie, adscendere lubet.

LOCVS COMMVNIS DE REPUBLICA & Imperio, tum in genere, tum in specie de Imperio Romano: Ex optimis quibusq. ea de re scriptoribus collectus.

Hic totum locum cōmunē de Rep. ex philosophia sc. omnino generalitē placet repetere, &

ex iure nostro simile quid addere, at tandem ex historia de imperio Romano tanquā speciem generi subijcere. Ita enim, quemadmodū autoritate imperii ius ex principis suis constituatur, item conseruetur, aut mutetur, aut renouetur, planius fiet. Quod caput quoddam præcipuum iuris est.

Cuiusmodi Tractatus etiam Iuriscōsultorū veterum, vt Pomponij de Origine Iuris, & aliorum de officiis magistratuum; deinde recentiorum, vt Bartoli de Regimine Ciuitatis, Michaelis Velcurij de Regimine mundi, Martini Laudensis de Principibus, Antonij Roselli de Potestate Imperatoris & Papæ, Antonij Bossij de Principe, & eius priuilegiis. Quorū nonnulli in eo sunt opere, quod Oceanus Iuris vel Tractatus tractatum inscribitur. Etiam exstant Iohannis Ferrarii Montani de Politia libri. Qui omnes interim philosophos sequuntur: Sicut & Callistratum, l. 2. de Nundinis, Platonem videmus laudasse.

DE REPUBLICA EX PHILOSOPHIA
Platonis, Aristotelis & Ciceronis.

Republica est ad populi salutem iuste facta ordinatio. Iuste, inquam. Iustitia enim ea est, quæ duce & tanquam consiliaria prudentia, id est, recta ratione, quod bonum & salutare fuerit, constituit. Ita illa nimirum virtutum omnium princeps virtus est. Plato quoque ex virtutum generibus Rempublicam describit in libro, de Repub. & legibus. Sic Callistratus ex Platone ostendit, Rempublicam esse institutionem, quemadmodum ciuitas bene beateque habitari, & populus bene, id est, foeliciter viuere, possit. Consideranda vero ex definitione ista Reipublicæ populi salus, & ordinatio illa. Quanquam enim totius
H 5 humani

humani generis. Imo (vt Plato de Repub. ait, & Cicero de Natura Deorum repetit) Deorum seu cœlitum, & hominum, vna quasi Resp. quædam est, tamen ea hic ad certi populi salutem spectare intelligitur.

Populus ita est certa quædam hominum seu ciuium multitudo: siue vna vrbe, seu tota regione contineatur. Nam quemadmodum populus ratione ordinationis definiatur, postea videbimus.

Homines, qui & personæ & capita dicuntur in iure nostro, natura, fortuna, & aliis modis, differunt. Neq; enim iustitia, vel Deus potius, omnes pari conditione esse voluit. In populo sæpe etiam minor cœtus aliquis est, vt collegium, tribus. Salus, felicitas, & beatitudo est, tum singulorum, tum omnium qui in populo sunt; Vnde illud, salus populi suprema lex esto. Hinc Respublica à Cicerone in reliquis libri tertii, de Republic. definitur res populi, & alibi communis vtilitas populi dicitur. Atque ille sane finis Reipublicæ summus est. Quomodo & finis bonorum, & summum bonum dicitur à Cicero-
ne, in libro de finibus. Salus igitur illa omni bonorum genere (præsertim eorum quæ ad hanc vitam pertinent) constare, & quantum fieri potest, cumulata esse debet.

Bona sunt videlicet ea, quæ beant, id est, beatos & felices reddunt. Quod etiam Vlpianus titul. de verborum significationib. l. Bonorum, innuit.

Hæc autem (bona) interna & externa sunt. Ista videlicet sunt animi, & corporis. Animi: vt virtutes, & artes, & istis similes affectiones. Virtutes, inquam, prudentia & iustitia. Ista (prudentia) recta ratione moderatur omnia. Hæc autem istam, vt ducem & consiliariam sequitur, sicut iam attigi. Et quod iustum & rectumque fuerit, tum erga alia omnia, tum imprimis erga Deum, (vbi religio est) deinde & erga homines, præstat.

Quæ

Quæ scilicet iustitia, omnes, præsertim in actione magis positas, virtutes amplectitur. Erga Deum (qui est bonum ipsum verissimum, & ut Plato ait *o. de Repub.* Idæa boni) religio est, in eius videlicet agnitione, & cultu, posita: quæ meris oraculis & externis quibusdam mysteriis proditur, ut Cicero *ex Platone ac legib. 1. & 2.* tradit. Quæ nimirum generalis quædam philosophia religionis est. Erga homines reliquos est iustitia: quæ ita ad fortitudinem etiam & temperantiam, id est, omnium perturbationum animi moderationem quandam, spectat.

Virtutum similes affectiones sunt, quæ nimirum rationem ducem sequuntur: ut *5. ap. 2. 4.*

Artes & literæ sunt philosophia ipsa, & historia ista tum Logica, & mathesis est, tum physica, & ethica: Itemq; huic subiecta politica & æconomica.

Hæc (historia) de rebus omnib. commemorat: quo ita est propria quædā iurisprudentiæ & Theologiæ cōueniens historia pertinet. Historiæ similis, est poesis.

In quibus artibus & literis aliæ animo magis præstantur, aliæ corpore: istæ liberaliores, hæc minus liberales habentur, ut distinguit Aristoteles *8. Politicor.* Corporis bona in eius firma & sana affectione spectantur. Externa deinde bona sunt, quæcunq; extrinsecus vitā attingunt: siue corporalia illa sint, seu incorporalia, seu mobilia, seu immobilia, siue naturalia, seu arte & studio parata. Cuiusmodi etiam fortunæ & vitæ bona dicuntur: in quibus maxime spectatur possessio, dominium, & obligatio.

Quæ ita demū bona omnia, diuina aut humana, publica aut priuata fuerint. Quomodo etiam passim in iure Romano distinguitur.

Quæ ita porro vel natura ipsa, vel opinione & hominū iudicio honesta vel vtilia fuerint. Quam distinctionem etiam Vlp. in *d. l. bonorum. & in l. 1. de verborum significationibus*, attingit.

Ex bonis vero istis, ea quæ animum attingunt, præstant cæteris: proxima sunt ea quæ in corpore spectantur: quibus æquiparantur fama, honor, & existimatio: sed extremum locum tenent ea quæ fortuita sunt: quæ cum cæteris collata, vix bona videntur, ut Plato passim in libris de Republ. & legibus ostendit.

ORDINATIO deinde iuste facta (de qua supra in definitione Reipubl.) pertinet ad comparandum & conseruandum illa, quibus nimirum & populus, & salus populi, constat.

Populus igitur comparatur tum communi naturæ, tum proprio aliquo modo. Isto; ut matrimonio. Hoc autem, ut adscriptione, dicatione. Vbi interim præterea comparantur homines ad varia ministeria. Conseruatur deinde populus omni illo bonorum genere, de quo dixi. Bona ista comparantur, tum naturæ beneficio, tum studio & labore. Atque iis ipsis modis conseruantur.

Sic interim animi bona meditationem & exercitationem desiderant. Quo scholæ & Gymnasia spectant. Quomodo apud Platonem tota Respubl. per omnes hominum ætates ad studium tale informata est.

Externa bona; Agricultura, Mercatura, & alia, similem operam & industriam requirunt. Atque in his sæpe accidit, iudiciis & bellis, opus esse: itemque accidit præmia & pœnas decerni oportere.

Ordinatio autem illa fit tum Imperio tum Iure. Et hæc ordinatio postquam ita in populo aliquo recte facta est, tum, inquam, proprie ciuitas & Respubl. fuerit: & populus dum demum ille, qui à Cicerone 3. de Republ. definitur, cœtus multitudinis consensu iuris & communione utilitatis sociatus.

Atque hinc qui sic coniuncti sunt, ciues & tanquam focii fuerint. Qui boni viri, id est, virtute imprimis præditi esse, debent, ut Plato de Republ. tradit,

& li-

& libros illos de iusto vel optimo ciue inscribit. Qui si communem salutem spectent, concordia fuerit. Imperium igitur auctoritas & potestas ordinandi ac statuendi est, & ita simul administrandi. Cuiusmodi magistratus aliquando dicitur, & viua ac loquens iustitia est, & tanquam cœlestis vis quædam, vt Cicero *lib. 3. de leg. & de offic. 1. in cap. de fortitudine* ex Platone tradit.

Quod imperium vel solum, vel coniunctum est; solum, vnius, aut plurium est: Vnius, quod regnum aut regale imperium est, græce *μοναρχία*. Plurium, quæ Polyarchia, quippe totius populi, aut partis. Illud scilicet Populare dicitur, græce *δημοκρατία*. Hoc autem vel optimatum est & nobilem, græce *ἀριστοκρατία*, vel aliorum; quod Oligarchia dici potest.

Coniunctum scilicet discordi quadam concordia & tanquam harmonia, vel in plerisque, vel in omnibus illis inter se mistis, cernitur.

In simplice genere præstare cæteris putatur regnū. Huic quo propius deinceps aliud accesserit, tanto videtur perfectius, tantoque magis præstiterit. Quamquam Cicero *2. de Rep.* illud ex omnibus quasi confusum præstantissimum iudicat.

Quodnā genus imperiū cui populo maxime congruat, ex hominum moribus & ingenijs comprimis iudicandum putat Plato *de Rep. lib. 8.* Multum enim interest, quid cuiusque populi natura ferat. Quanquam idem ille, & præterea etiam Aristoteles *in Polit.* non nimis magnū populum putant suo imperio rectius vti posse. Ita enim laudantur Democratiam.

Quod deinceps imperium omne vel proprium quodammodo, vel aliis mandatum: illud ab iis, qui suo quasi nomine præsunt, geritur. Hoc ab istis ipsis deinceps aliis committitur. Quod variis interim officiis & magistratibus distinguitur.

Atque

Atq; hic ita demum accidit imperium summum vel infimum, & quoddam intermedium esse: & vnumquodque præterea genus proportionem quadam maius aut minus gradatim discerni. Quo modo in iure Romano non dissimiliter merum imperium, & sola iurisdictio, & tertium quoddam mixtum, distinguitur.

Quancunque quodcunque demum imperii genus fuerit, nõ sine cœlesti numine constitutum, conuersum aut translatum intelligitur: sicut *lib. 8. de Repub.* Plato monet.

Ius deinde est, quod non sine iustitia, sic auctoritate imperii ordinatum & sancitum. Ita enim ius est hoc quod iustum, quod æquum bonum, quod par & rectum, vbi nec nimium nec parum, plus aut minus. Quod Cicero *2. de legib.* imperium vocat, sine quo nihil omnino, nedum ciuitas, stare possit. Quod idem *3. de Republic.* ex iustitia tanquam fonte manare ait,

Atq; hoc quidem ius ita demum vel naturam simpliciter, vel rationem probabilem sequitur. Plato in *Minoe*, Aristoteles *Ethicor. 5.* Illud æternum est & omnium animis ingenitum. Quod solum verissimum ius esse Cic. ex Platone *lib. 1. de legib.* copiose demonstrat: quod Plato in *Minoe* inuentionem veritatis definit: quod Cic. ibidem summam rationem in natura insitam esse ait: quæ iubeat ea, quæ faciendæ, prohibeatque contraria: quod ita prudentiam & rectam rationem etiam vbeat.

Hoc alterum locis & temporibus mutabile est. Quod Plato in politico vocat imitationem veritatis. Cic. *1. de legib.* simulacrum quoddam iuris, quod quamuis vnius populi proprium est, tamen accidit vspiam cum aliis etiam commune esse.

Quod ius deinceps vel sancitum imperio est, vel adhuc sancendum: illud scriptum, vel moribus receptum. Hoc in prudentia & recta ratione quadam adhuc videlicet positum.

Et

Et quidem ius scriptum quam generalissimis, paucissimis, & breuissimis legibus comprehensum erit. Quomodo 12. tabulas descriptas fuisse ostendit Cic. lib. 2. de legib. Vbi nihil ita obsoletum, contrarium, aut superuacaneum erit: quod curare voluit Plato eos qui Nomophylaces dicuntur, & monet ex Solonic Demosthenes contra Timocratem. Quod, si fiat, non constituentur lites, sed dirimentur: & ut Iustinianus in proemio Institution. ait, calumniantium iniquitates repellentur.

Atque hæc generaliter de Republic. Cum quibus passim in iure nostro plurimæ sententiæ congruunt, ut in titulis, De Principiis Iuris, De Imperio & potestate, De Iurisdictione, &c.

Τέλος

*QUOMODO COMPAREN-
tur virtutes: & quomodo ciues Reipublicæ,
virtute præditi, hoc est, boni ac legibus
morigeri, efficiantur, compa-
rentur.*

ID eleganter Aristoteles, cap. vltim. lib. 10. Ethicor. Nicom. exponit. Verba, item præcepta & theoremata sola, non sufficiunt ad virum bonum efficiendum: nam cuius scientiæ finis non est cognitio, in ea nec sola præcepta, aut verba, ad effectum & ipsam scientiam consequendam sufficiunt. Atqui doctrinæ moralis finis est actio, non autem cognitio; agere, non autem scire. Ergo sola præcepta & verba ad effectum & ipsam scientiam consequendam non sufficiunt, 2. si verba & præcepta per se sola sufficerent ad acquirendam virtutem, hoc est, ad viros bonos efficiendos: tum omnes eos, qui illa ad-

discunt,

discunt, efficerent bonos, ac proinde ingenti mercede digna essent, ut Theognis de medicis dixit, qui scilicet ut morbis corporis, ita & vitiis hominum; quæ morbi sunt animi, mederi possent. Sed verba & præcepta sola non omnes ea intelligentes bonos efficiunt. Ergo verba & præcepta sola non sufficiunt ad virum bonum efficiendum. Assumptionem declarat philosophus distributione auditorum huius de virtutibus doctrinæ, & quā apud eos vim habeant præcepta, & admonitiones verbales, ostendit. Auditores enim, vel sunt liberali & ingeniosa indole præditi, vel sunt ignaui, seruales, ac socordes: quorum illi pudore, hi vero timore mouentur. illi (nempe perpauci) præceptis quidem ac monitis ad virtutem concitantur, & inflammantur, sed usu tamen insuper & exercitatione ad plenam virtutis possessionem opus habent. Hi vero (id est multi, imo plerique) ne mouentur quidem præceptis aut pudore ad virtutem, nedum inflammantur, sed metu ac pœnis & flagellis coercentur, quia sunt malitioso corde, ac distorto ingenio seu complexione. 2. quia malis moribus longo tempore assueuerunt, ideoque verbis ac verborum monitis difficulter corrigi possunt. 3. quia non rectæ rationis imperium, sed affectus suos sequuntur, ac voluptates non animi, sed corporis, quærunt: adeoque toti ex affectibus viuunt, & non nisi ea persequuntur quæ voluptates gignunt: labores autem & res arduas fugiunt. Denique eius quod honestum ac vere iucundum & pulchrum est, nullam prorsus notionem habent: quandoquidem nullā partem eius gustarunt.

Postremo ad virum bonum acciuiem legibus morigerum, efficiendum, vix omnes causæ ad id requisitiæ, penitus sufficiunt. Ergo multo minus sola verba seu verbales admonitiones, ac præcepta. Causam autem virtutis efficientem alii naturam statuunt, alii doctrinam, alii consuetudinem & exercitationem crebram;

trebram: recteque illi virtutem, doctrinam, consuetudinem & exercitum dant, simul & conuentionem. Natura vero non habetum virtutis, sed habilitatem: id est, aptitudinem ad acquirendum habitum, conueniensque habitus non per nos acquiritur, sed diuinitus ex diuina quadam causa, vt ait Philosophus / obtingit, conceditur & ingeneratur. *Falsum* ergo illud, quod naturalis non sufficit, quia non facit bonum, sed aptum & propensum ad bonitatem. Neque doctrina sufficit sola. Vt enim ager non producit bonos fructus, nisi & natura ipsa fertilis sit, fertilisque fecundus, & in se cultura quoque hominis, agrum, priusquam semen ei iniiciat, subigentis, arantis, occantis, stercoreantis, accedat. Sic cum qui vir bonus enadere debet, quandam naturæ ad virtutem habilitatem habere oportet, deinde animus eius recte, statim à teneris educatione ad virtutes & mores bene eos liber affectuendus est, ac paulatim scientiæ & artibus tum ad monitionibus ac præceptis, tum ad iurationibus quandoque, & calligationibus informandus, & ita subigendus ac præparandus, vt honestis rebus satis mature gaudeat, turpibus vero offendatur; item vt prauis affectibus ac libidinibus resistat: alias enim virtutibus nec audiet ea quæ dicuntur, nec audita satis intelliget aut perficiet.

Hæc igitur assuefactio, educatio, & exercitatio, omnium maxime requiritur ad virum bonum efficiendum: sine natura tamen & doctrina vix cuiquam perfecte obtingere potest.

Cum autem educatio ac disciplina liberalis, ea quæ à teneris inchoata, & sedulo continuata, nempe tum priuata, tum publica, tum œconomica, tum politica, præcipuam ad virtutem & viros bonos efficiendos laudem obtineat, quæritur, quomodo ea instituenda sit? respondet philosophus: a natura plerique omnes ad libidinem & vagam licentiam rapimur; ideoque non modo

disciplina opus est, sed etiam certis ac seueris LEGIBVS
disciplinatur. Ratio prima ad ea quæ non est & ingrata
sunt, homines, vi & auctoritate cogendi sunt. Sed as-
suefiunt ad virtutes & actiones honestas, molestum &
ingratum est in minimis, tum adultis, tum praesertim iuue-
nibus. Ergo ut ad eas assuefiat homines, vi & auctori-
tate publica opus est. Hanc vero auctoritatē leges prestant
& conferunt, quæ etiam imbecilli ac reluctantes ad offi-
ciū cogunt. Ergo leges summo opere necessariae sunt ad
honestam educationē & disciplinā, adultis quidem, ut in
virtute magis magisque exerceantur & confirmentur:
Iunioribus vero, ut ad virtutē, in qua alieniores sunt, cum
vixit viuendi & leniendi licentia vulgi more secten-
tur) praeferatur. Vulgus, n. & maior hominū pars ne-
cessitati, seu coactioni potius ac violentiæ, quā rationi &
orationi, cōsultat; ac pceptis contemnat, ac formidine
poenæ magis quā virtutis amore in officio retinetur.

Secunda ratio ab auctoritate Plat. ex lib. 12. de legibus;
vbi legumlatorū officium esse ait, in legib. ferendis o-
mnium hominū, cuiuscunque sortis & ætatis sint, rationem
habere: quia si hoc ostendere voluit, ad virtutis studium
in Rep. alendū & exercendū non sufficere assuefactionem,
sed auctoritatē legum quoque necessariam esse.

Tertia ratio ab effectu vel officio legum: leges, n. o-
stendunt rectam viuendī rationem, & iustum in actionib.
ordinē, quia leges à prudentia & mente, seu ratione recta
proficiuntur. Itaque ad educationē & disciplinā veram
omnino necessariae sunt. In nonnullis aut Politis leges
sunt, quolibet tum adulti in officio continentur, tum pueri
quique à teneris ad virtutē exercentur. Vbi vero tales
leges non sunt, ibi prudentis personae officium est, ut ipse
domesticis suis leges ferat. Nam quia in Politis sunt le-
ges, ad in Oikonomia sunt iussiones & admonitiones
patris. Perfectior aut ea politia est, in qua de recta e-
ducatione & institutione puerorum ac iuuentutis et-
iam leges salutare publice feruntur. Ut autem ius, ita

& lex proprie politia est, improprie Oeconomia: lex enim magis ac validius imperat & cogit, lex honestas & flagitia securus punit.

Quarta ratio de exemplis Lacedaemoniorum, quorum Refectatio magis iustitiae ac virtutis creabat, quam iudicia de iuventutis ac iuvenum educatione, eorum publica tum privata leges habebant: reliquae vero civitates Graeciae quia legibus istis carebant, minus florebant.

Sic recte iuventutis educatio publica, gymnasia & scholae publicae morum ac studiorum, sed doctrinarum & disciplinarum, imprimis summo opere magistrum curae esse debent: qui si neque gentior sit, vniuersumque perfectam operam sedulam dabit, vniuersos, amicos, ministris, ac domesticis suis ad virtutem & morum probitatem, quantum fieri potest, alues faciat.

De publica vero ista iuventutis educatione legulatores Reip. leges publicas bene omnino debent, aliquam accuratas ac singulas. Iam legum secedunt leges, non tantum publicae, sed & privatae, non tantum politicae, sed in domesticas quoque instituitur necessaria est: quia sine legibus nihil inter homines foret, seu publica seu privata, considerare potest.

Sed quis optimus erit legislator? is nimirum, qui cognitum habet τὸ καὶ δεῖλξ τῶν πραγμάτων, scilicet, ut hanc vniuersalem rerum agendam cognitionem debet, & actionibus singularibus recte ac prudenter accommodare possit. Proinde legislator, non tantum scientiam theoreticalem, sed omnino experientiam quoque & naturarum agendam habere debet. Sed nonne multi doctissimi, cognitione τὸ καὶ δεῖλξ ὅτι habent, & tamen experientia & usu edocti non sunt, quid agendum sit, etiam inolicis empirici, philosophi, etiam si vere scientiam habebant, nec venae praestant artifices sunt, qui scientiam huiusmodi, id est, causarum & principiorum verorum cognitionem non habent. Experientia tantum est τὸ δεῖλξ, scientia vero requirit τὸ καὶ δεῖλξ. 1. 2. 131

Legum autem ferendarum scientiam Aristoteles non a philosophis, nec a politicis indoctis, sed a philosophis politicis, iuris ac legum, petitis petendam esse contendit: non a politicis: neque enim isti propterea, quod Reip. administrant, leges ferre possunt: quia: leges omnes usu magis & experientia Remp. gubernant, q. q. scientiam ipsam gubernandi eam, legesq. ferendi, ex veris causis ac principiis teneant. Non a philosophis: qui ipsimet scientiam ac difficultate legum sedarum ignorant: & politicis cum Rhetoricis confundunt: legesq. ferre nil aliud esse putant, quam ex variis indiguitatibus publicis leges conquirere & comportare, atq. ex illis deinde meliores eligere. Atqui certe in tali delectu prudentia & rectum rationis iudicium, quo pleriq. carent, imprimis desideratur: & variis omnium generis circumstantiis prudenter considerare ac diiudicare debetis, qui his leges præscribere cupit: non enim quævis leges, aut quicquid mores, cuius populo ac Reip. conueniunt. Ad illam ergo collectionem legislator imprimis adiungit scientiam illam, qua leges recte accommodare norit circumstantiis populorum, personarum, locorum, temporum, &c. Hæc Aristoteles *cap. ult. lib. 10. Ethicor.*

Hactenus generatim de Republ. & Imperio: nunc speciatim de Imperio Romano.

DE IMPERIO ROMANO, EX *Livio, Polybio, & aliis.*

Imperium Romanum non vnus semper generis fuit. sed sæpe mutata eius forma & conuersa. Ad vrbem Roma condita, aliquandiu imperium feruie regale fuit. sed quia pp. Tarquiniu, cognomine superbi, limine eius institutum imperium ac tyrannidem, illud imperium gens illa summo populo Romano facta erat: Idcirco iura & leges eius non curantur.

Deinde post Tarquiniu superbum populus Romæ

percurrit.

peritum fuit, et vespere dum lulianus Cæsar non quidem Rex numeraretur, sed propriæ diuinitatæ spectatulus rebus imperare cepit.

Vnde a lulio vel Augusto Cæsare, ad Constantinum Magnumque Imperium quasi ægale sunt peruenit, quam primum Regale, quæ perimagna in eo quælibet consilium & Senatoria potestas.

Deinde Constantinus Magnus Imperij sedem peruliam in Thraciæ & Græciam, nempe Byzantium, Verbe inde a suo nomine Constantinopolin, i.e. Nova Roman, appellabit, inconstitutum in dictiones potius numerari cepissent. Huius namq; Imperij quasi Regale iure cum numeru & Consulatus adhuc essent, & Senat^{us} alij auctoritate remaneret. Igitur & hoc mixtum quoddam Imperij gen^{us} fieri potest hoc. n. t. p. re Senatoria consulta & alia iura, ut superantibus temporibus sanciebantur, nec potius tabernaculorum & decora accesserant. tandem autem perpetuum quod, edictum & positum fuit, ut quia hoc interim Christiana religio inualuit, Imperij Christiano nomen esset esse. Vnde Principum & edicta de Christianis rebus ac regijs. Postea ad ultimū usq; Censum Paulinum, post Iustiniani usq; mortē, cū annua nato Constantinorum, si cepissent, simile quidem adhuc Cæsareum & admixtum quasi populare Imperium fuit, sed nulla tamen tunc Senatoria consulta, aut alia eiusmodi iura, ut antea, condebantur; sed edicta & decreta Cæsarium, imo præscripta ē, quæ constitutiones & sanctiones decernunt, omnem auctoritatem obtinebant. Hic ergo Imperium vere Regale esse cepit.

Deinceps ab anno Christi 330 ad annum 800. cum incensum, incensum, Italicum, Africanum, Hispaniam, & alia vnum, & vnum periret Githi, Vandalis, Longobardis, & aliis indies populis, & Franci Romanos ex Gallis & Germanis essent, Constantinopoli Regale illud imperium mansit, sed mox diuisum, hoc q

in occidente esset, ad Francos, i.e. Germanos, venit, & Carolo Magno traditum fuit quod ita nimirum regale ēt esse perseueravit, & Christiano Romanū Europaeum vel occidentale esse coepit. Quanquam Pontifex Romanus interim non tantum de rebus Christianis sed Politicis etiam pedetentim, in tanta nimirum Romani Imperij disturbance, sancire & statuere, & se in partem Imperij insinuare ausus fuerit, Hinc illi Canones & illae Decretales Epistolae.

Deinde ab anno Christi 800. ad annū 1000. fere inter successores Caroli Magni simile Imperium Regale permansit, & regiones aliae aliis magistratib & praefectis commissae fuerunt, qui, quod ex principibus vel Imperatoris aula eligerentur, Comites, & ut videtur, Germanice à comprehendendi potestate Graffiones vel Grauij dicti, quales multiplices ēt hodie audiuntur: ad quos paulatim Duces accesserunt. Quo tempore Feudorum, & alia tum nondum scripta iura Germanica imprimis valuerunt. Quanquā autem hoc Imperium magis commune quoddā fuit: tamen ita sensim diuidi coepit, vt quasi plures Imperatores & Principes diuersis regionibus praesent, sicut hodie, videmus.

Deinde ab anno Christi Millesimo, ad hanc vsque aetate, quanquā commune illud Imperium mansit quadam Iuris Communione, & Pontificale admisceri coepit: quod, inquam, quasi Christiano Romanum, Europaeum vel Occidentale, videri potest, siquē in Iuramento Electorum etiam significatur tamen Germano Romanoque magis in seipsum separatum fuit.

Quod sane, si illud aliud, et omni Imperij genere mirabili harmonia coniunctū & mixtum est: tū vnus fuit hinc Imperator, deinde Senatus Electorum Principum, & aliorum principum & Senatorum acordo & consensu summi scilicet, mediij, infimi, videatur vsque Imperij aliqd participare. Sic n. post Imperatorem, ecclesiastici tum Politici aliquatenus imperant, vt Ar-

chiepisco-

chiepiscopi, Episcopi, Abbates. Principes, Comites, Barones, Nobiles, item Ciuitates, item & nonnulli. Quorum quum, quatenus Imperij participes sunt, omnimodam habent iurisdictionem, ac potestatem & sic menū & mixtum Imperium, quod dicitur, in Capitulis, & alijs supplicijs & negocijs, precipiendo, vendendo, iudicando, puniendo, &c. Quamquam Imperator præterea vniuersalem: Principes, & qui illis pares sunt, Regalē (vnde & Regalia dicuntur) potestatem habent.

Atque hinc, cum summa tamē auctoritas esset Germanico Romani Imperatoris ac Principis, & Lotharius Saxo, Imperator, ius Iustinianarū sibi in se per totā Europam hoc receptum & approbatum fuit, vbi alia deinde atque alia iura accesserunt, vt Ordinationes Cameræ, Recessus Imperij, & similia. Atque huc deinde pertinent superius allegati Tractatus, & alij similes: vt in dicto opere Tractatuū ille qui vindictarū Secularis & Ecclesiasticæ potestatis in formam Arbor seu Partitio iurisdictionum Guillelmi Regalis, item de potestate secularium super Ecclesiasticos, & vicissim Stephani Aulicæ, item de mutatione status Ecclesiarū Petri de Perusio &c. Hactenus de Rep. generalius, & speciatim ac nominatim de Imperio Romano.

CORONIS AD GENERALEM DE REPUBLICA IDEAM PERTINENS.

Ordinatio seu *Táξις* Politia, siue Reipub, tū imperio consistit, tū iure. Quod ad ius attinet: imprimis attendendum, quis imperet, ac quid ius dicat seu constituat, nēpe an sius Deus, an vero natura, Dei ministra, vel quæcumque haec, ex Dei ordinatione, auctoritas hominū publica & solennis, vel denique consuetudo. Nā quæ iura legesque condit, ut earum causa & fundamentum iuris allegatur. Si Deus, & olim in Politia Iudaica (seu in foro legum Mosaicarum) cū nulla allegatur alia, quā quod ipse (Deus) dixit. Si natura ius dicit, natura

quoque causa est: si publ. auctoritas, vel consuetudo, tunc id. vultus est, quia potestas publica ita constituit, vel mos populi diuinus. Probat. Priores ill. duz. auctoritates sunt, ut oēs vltro illis assensum: si d. ar. p. fieri res, tum demū, si ei neutri ē superiorib. duabus repugnet, priorē ob conscientiam, & ordinatū nem. Dm. magistratum constituentē, posteriorē vero, si nempe rationabilis sit, pars sit, ob cōcordiam ciuilem, approbamus, indigentes se conueniente summo Principe.

Cause flagrant in certitudinis ac dignitatis diffinitis. supremum Deus, insequentem natura, tertium public. auctoritas & imperiosa potestas, postremum si consuetudo vindicat. Hac de iure. q. sine Imperio est, aut valere vix ac ne vix quidem potest. Ita summus imperator, Deus, & natura, & ipsa eius mensura, & diuinum ac naturale prescribunt ac iusticiant: homines nempe Principes, ius humanum: populus, in legente principe, ius consuetudinarium. Ius igitur est quod imprimis non sine prudentia rationis, & iustitiae, ac iustitiae, deinde nō sine imperio aliquo, vel auctoritate imperij, ordinatum est: seu expresse sancitum sit, seu tacite approbatum. Quodnam vero Imperij genus cuinam populo maxime congruat, id ex hominum moribus ac ingenij comprimis iudicandum putat Plato de Repub. lib. 8. Multum enim interest, quid cuiusque populi natura ferat, & quo quisque loco natus sit ac viuat. Hinc manifestissime illorum error patet, qui populos omnes aut pluresque, semper iisdem legibus regi volunt: hinc etiam facilius istius nodi solutio, an scilicet leges populi moribus, aut populus, legis imperio se accommodare aut subijcere debeat.

FINIS.

